




p 500 33.





IUSTI LIPSI  
DE CRUCE  
LIBRI TRES

*Ad sacram profanâque historiam  
utiles.*

Vnà cum NOTIS.



ANTVERPIAE,  
EX OFFICINA PLANTINIANA,  
Apud Viduam, & Ioannem Moretum.  
M. D. XCIIII.


*Cum Privilegijs Casareo & Regio.*



IVSTI LITIS  
DESSONANCE  
LIBEL TRES

the first of the series of the  
series.

Vol. 1. No. 1.



ANTVERPIAE  
EX OFFICINA PLANTINIANA

Apud Willelmum, & Johannem Moretum.

M. D. XCIII.

Cur. Typographi Caspari & Regio.



AD  
TRES ORDINES  
BRABANTIAE

ANTISTITES  
NOBILES  
MAGISTRATVS.



IBELLOS de  
CRUCE quos scri-  
psi, meritissimò ad vos  
defero, patriæ nostræ  
primores viri. Primum, quia in so-  
lo vestro concepti natique sunt, in  
hac Louaniensi vrbe: tum quia au-  
ra fauoris vestri elicuit, qui me be-  
nignè huc arcessendum putastis,  
bono rei litterariæ & iuuentutis.  
Laudo hunc animum, atque etiam  
miror. qui in tot circumstantibus  
turbis, & cùm vndique insonuit  
a 2 bello-



bellorum tuba; tibias tamē & fistulas, vt sic dicam, Musarum cogitatis, & pacis artes neglectum non itis inter media arma. Quod rectē & vtiliter à vobis fieri, prudentes magis sentiunt quàm vulgus. Nam reuera, inclyti Ordines, hæc non ornamenta solùm reip. sunt, sed auxilia & fulcra. Tollite; quid nisi squalor & tenebræ occupant, & ferox quædam, aut vt veriùs dicam, ferina vita? Ab omni æuo (Annales sacros & profanos cōsulite) Deus extare artes istas voluit, velut pharos & lucentes quosdam ignes in tempestuoso mari. Istæ pacem dirigunt, bellum dirimunt: istæ vitia virtutēque premunt aut excitant, testes temporum, arbitræ meritorum. Reges, & magna illa nomina, obliuionem



nem æternam iam nunc cogitent,  
nisi pennatus iste currus euehat, &  
ostendat per æuum & per gentes.  
Quid argumenta colligo? vno ver-  
bo rem dixi, Deus exstare artes  
istas voluit: & hoc quoque ab eo,  
quod vos iuuatis. Eat in sæcula, fuisse  
in vnâ prouinciâ per quinque  
ampliùs lustra bellum, idque ci-  
uile, imò intestinum; collapsa tra-  
ctu, aut deiecta impetu omnia; pub-  
licam priuatamque inopiam: vos  
animo stetisse dites & vberes, &  
de rebus salutaribus iudicasse ma-  
gis quàm computasse. Enimuerò  
facite ita Ordines, manum laben-  
ti patriæ supponite; nec præsen-  
tia solùm in oculis habete, sed fu-  
tura. Potens ille Deus viult, &  
magnus noster Rex: vterque auxi-



liabitur, ille & iste in suâ caussâ. In-  
terea C R V C E M accipite, atque  
etiam ferte. Vt columna, quæ re-  
cta stat, imposito magis pondere  
firmatur: sic altas rectasque mentes  
oportet, non cedere oneri, sed ob-  
niti. Vos pervos facietis. ita vterque  
ille faueat & auxilietur, quem dixi.  
Louanij, pridie Nonas Nouemb.  
∞ . 10. XCII.





# AD LECTOREM.



**H**ABES Lector quæ de Cruce scri-  
 ptissimus, sed germana. Antea atque  
 alibi quæ edita ( credes hoc nobis )  
 non sunt nostra. Quid ergo? non  
 illa dictauimus? Fortasse. sed ô im-  
 peritiam! quasi edendi illo fine. Reuerentior po-  
 steritatis sum: & aliud scio esse Schedia, aliud  
 Opera; nec subitaria hac nostra dedicanda in  
 Memoria templo. Quid, quod alij grauius etiam  
 peccant? qui excipiunt aut intercipiunt dicta aut  
 oratiunculas nostras, & in contumeliam mei  
 diuulgant. Aliter non accipio. Acuum hoc ut  
 multis delictis fibulam, ita petulantia & licentia  
 laxat: & quod auct procacissimus quisque, id  
 etiam audet. Ego semel & seriò testor, audite  
 qui in Europâ. NIHIL MEVM EST, AVT  
 ERIT, QVOD NON DE AVTOGRAPHO  
 MEO, ET ME VOLENTE, SIT EXPRES-  
 SVM. Quicumque aliter, miki iniuriam facit,  
 vobis fucum. Deus bone, hac monenda publicè es-  
 se? Ecce in bona opesque externas ius est non vi-  
 uo mihi solum sed mortuo, & solatium fati est  
 voluntas ultra fatum: in istis animi & inge-  
 nij verè bonis non idem erit? Reprimite Princi-  
 pes qui potestis, & vos lectores quâ potestis: illi  
 punien-

Hoc de  
Romanā  
Tertull.  
prescript.  
adu. hæ-  
ret. cap.  
xxxvi.

puniendo, & vos spernendo. Ego prater testari ni-  
hil habeo. & hoc etiam addo, Siquid usquam  
prater religionem morēsque veterum, non agno-  
sco: & tibi adhæreo Statu felix Ecclesia, cui  
totam doctrinam Apostoli Petrus &  
Paulus cum sanguine suo profuderunt.  
*Hæc ex animo scripta, ut in animum demittas,*  
*te, per spes tuas & per quidquid carum est, Le-*  
*ctor rogo.*

I N





## IVSTI LIPS I V. CL.

## DE CRUCE LIBRVM,

ad Principes Christianos Elegia IO ANNIS  
BOCHII S. P. Q. Antuerpiensi à Secretis.



I Q V A salutiferi tangit vos gloria signi,  
 Si qua fides, si quis religionis amor;  
 Si meritum Crucis, & studiū vos excitat vllum,  
 Et memores vestri nominis esse iuuat;  
 Christi adūm o proceres, positis aduertite mentes  
 Rebus, & hoc vno figite corda libro.  
 Hic decus, & factis seges hic vberima vestris,  
 Laurus & hic vero Principe digna viret.  
 Quagenus humanum deuicta morte triumphat  
 Arbore, cui nostræ stemma salutis inest.  
 Ipsa Dei pietas ramorum amplexibus hæret,  
 Et rignus Christi sanguine vernat apex.  
 De trunco fidei pendent mysteria nostræ,  
 Maiestate Deus, corpore verus homo.  
 Radicem cruor innocui purissimus agni,  
 Qui lauat humana vulnera sortis, alit.  
 O crux, o columen, spes vnica, planta salutis,  
 O lignum etherij fertile depositi.  
 Noxia prima fuit miseris mortalibus arbor,  
 Damna sed hæc medica nostra resarcit ope.  
 Protulit illa necem, vitam hæc, erat illa doloris  
 Mater, at hæc plausus, lætitiæque fuit.  
 Perque nefas, vitiumque suo de semine, calum  
 Clauserat illa, fores hæc reserante patent.  
 Illam Tanario fallax è gurgite serpens  
 Occupat, impietas, & furor, ira, dolus.



Hanc natus genitore Deo , qui fœderis obſes,  
Lethæo veteres carcere traxit auos.  
Nec voluit ſeros Erebo parere nepotes,  
Colla ſed excuſſo libera ferre iugo.  
Victricis vexilla Crucis , credentibus omen  
Extulit, imperij ſigna futura ſui.  
Umbrarum hæc oculis haud aſpicit arbiter æquis,  
Savit , & auxiliis expedit arma nouis.  
In Crucis excidium Latias aptare ſecures  
Apparat , & domina concitat vrbs opem.  
Primaque Cæſareus tentauit verbera liſtor  
Incaſſum, & rabie proficiente nihil.  
Nam lignum Crucis ad quoſvis obduruit iſtus,  
Statque magis, quanto ceditur illa magis.  
Chriſtiadumque fides numerum cruciatibus auget,  
Et Crucis imperium creſcere pœna facit.  
Crux vicit crucis artifices , tormenta propago,  
Unus & innumeros Chriſtus in orbe Deos.  
Non tamen antiquus furiarum in ſede quieſcit  
Hoſtis , at indiſto prælia Marte ciet.  
Omnia conquirat pœnarum inuenta , tyrannos,  
Monſtra, faces, laqueos, flagra, metalla, ſeras.  
Donec Romuleos Chriſti victoria faſces  
Subdidit, & victo Cæſare iura dedit.  
Hinc aquilæ ceſſere Cruci, vaſtumque per orbem  
Crux fuit auguſtis gloria prima viris.  
Ut quoties fera barbaries , aut nominis hoſtis  
Chriſtiadum , ſacræ mouerit arma Cruci,  
Arſacides , vel mollis Arabs, Macedumque phalanges,  
Pontus , & Iſmarij Luna ſuperba ducis;  
Aut Scythæ , vel Garamas, medius vel Syrtibus Ammon,  
Errorum aut furis gens agitata nouis,  
Protinus intrepidis animis , armisque paratis,  
Sancta ſalutifera pro Cruce turba ſtetit.

Nunc



*Nunc idem, & rabie nunc imminet hostis eadem,  
 O procures, eadem causa tuenda Crucis.  
 Iungite communes fata in communia dextras,  
 Ne pereant omnes, dum sibi quisque cauet.  
 Crux acies volet in medias, hoc vincite signo,  
 Cui didicit famulas mors dare victa manus.  
 Quod stygii tremuere lacus, quod mundus, & hostis  
 Quo viso, trepida perdidit arma fuga.  
 Hæc monet antiqui scrutator Lipsius æui,  
 Et stimulos scriptis subdit ad arma suis.  
 Vile crucis quondam leti genus eruit umbris,  
 Pœnaque supplicij quanta, quibusque fuit.  
 Exemploque docet, tantum si dedecus insons  
 Mortis, ob humani criminis acta tulit;  
 Si Deus esse reus voluit, cu'pamque piauit,  
 Deleuitque necem morte, cruore nefas;  
 Hortari benefacta Crucis vos stringere ferrum  
 Pro Cruce, coniunctas sumere tela manus.  
 Hoc vos sancta fides (nam defensoribus istis  
 Tempus eget) pietas, officiumque rogant.  
 Arma dabunt superi victricia, tessera Christus,  
 Crux signum, noster buccina Iustus erit.*





DE IVSTI LIPSI  
LIBRIS DE CRUCE,  
MICHAELIS VANDER-HAGEN  
ANTVERPIENSIS

Ad Lectorem Epigramma.

**S**I te prisca iuuant: hoc, docti, DE CRUCE, LIPSI,  
Ingentis plenum, volue, laboris opus.  
Supplicium Crucis ille vetus describit ad vnguem,  
Quale fuit, nostram SALVIFICAMQUE CRUCEM:  
In qua hominum lapsus, scelerumque Piator, atrocem  
Mortem, insons, multo sanguine passus erat.  
Vnde noua extinctis lux extitit, vnde sepultis  
Vita oriens, rutilam sustulit alta facem.  
Vnde redemptio & alma reconciliatio manant:  
Vnde perennantis flumina pacis eunt.  
Ista vetustatis referat penetralia, Lector,  
Vtere eo, & quantus, disce, vir ille fiet.





IN CLAR. VIRI  
IVSTI LIPSI  
DE CRUCE LIBROS.

**L**IPSI, *Palladiæ decus corona,*  
**L**IPSI, *delicium nouem Sororum,*  
*Quo nec est melior benigniorque:*  
*Iam loquax nimium, nec æqua lingua,*  
*Quæ, vah, artibus abrogare sanctam*  
*Virtutem solet ac politiori*  
*Doctrina, reprimetur illa, nam tu,*  
*Qui doctissimus vnus es virorum,*  
*Vnus es simul optimus virorum.*  
*Est cura pietas, & ipsa virtus,*  
*Hac doctrina velut politur auro.*  
*Testes DE CRUCE sunt tres Libelli*  
*Docti, Jupiter! & p̃j libelli.*  
*Coniunctam, bone lector, hîc videre*  
*Virtutem licet eruditioni.*

Balthasar Moretus I. F.

# INDEX CAPITVM

## LIBRI PRIMII.



PRÆCATIVNCVLA. Materies & ordo operis.

Cap. I.

folio 1.

Crucis nomen polysemon. Hæc nostra Gabalus etiam dicta, item Infelix lignum & Infame.

Sed & Crux non in ligno. Cap. II. fol. 2.

Nomina phrasæ sue ad hoc supplicium: Figere, Configere, Cruciare. item Crucarius, pro appendendo. Cap. III. fol. 3.

Græcorum verba ad Crucem & crucifixionem. Hesychius & Ouidius emendati, iste etiam explicatus. Cap. IIII. fol. 5.

Divisio prima Crucium: & de specie vetustissima dictum, Affixione. Tertullianus per occasionem correctus, atque Isis eadem cum Cerere existimata. Cap. V. fol. 8.

Altera Simplicis Crucis species, Infixio. Seneca, Hesychius, Plato, Plinius, illustrati. Cap. VI. fol. 10.

In genere de Cruce Compactâ: tum de primâ eius specie, Decussatâ. & an hæc sit Andraæana? Cap. VII. fol. 12.

Commisssa Crux quid nobis sit? exemplis testibusque asserta, tum etiam vestigio nostræ linguæ. Cap. VIII. fol. 15.

Affirmata Crux Immissa è scriptis maximè Patrum: ipsi alij per alios, & imaginibus per nos etiam, explicati. Cap. IX. fol. 17.

In quâ Crucium formâ Christus mortem tulerit? videri in ultimâ, argumento è Patribus & picturis. Ruffini non bona fides notata in verbis Pauli citandis siue explicandis. Cap. X. fo. 22.

Apud plerasque gentium Cruces ferè vsitatas. Apud Syros, Iudæos, Ægyptios, Persas, Afros, Græcos, maximè Romanos.

Quando apud eos cœperit? An & apud Germanos? Cap. XI. folio 24.

Apud Romanos vile fuisse hoc supplicium, & plurimùm seruorum. Quas ob causas ij affecti. Cap. XII. fol. 26.

Etiam liberi quidam in crucem dati, sed viliores aut nocentiores: ut Latrones, Sicarij, Falsarij, atque alibi & Fures. Cap. XIII. folio 29.

Quæ causa falsò assignata in Cruce Christi? videri Innouationem & Seditionem esse. Cap. XIII. fol. 30.

Crux interdum liberè & laxè vagata: in hostes, in seditiosos, In Christianos, in fæminas denique. Cap. XV. fol. 31.



## LIBRI SECVNDI.

- Transitio ad Modum figendi præmissum de atrocitate huius supplicij, quod Summum & Extremum dictum. Cap. i. fol. 33.
- Duplex figendi Modus, Vulgaris & Rarus. In illo Flagellatio ex more semper anteiuit. Cap. ii. fol. 34.
- Flagellorum & Virgarum discrimen. Illa magis vilia, & magis acerba esse. solere & talis asperari. Cap. iii. fol. 35.
- Solitos ad Columnam verberari; atque aliàs per viam. De ipsâ columnâ cui sacrum corpus annexum. Cap. iiii. fol. 38.
- Crucem suam tulisse, aut totam, aut eius partem. Cap. v. fol. 39.
- Deductos cum vexatione, Stimulis etiam actos. Cap. vi. fol. 41.
- In ipsa Fixione nudi in crucem dati: an altam, an in terrâ depositam? id quæsitum, & vtrunque firmatum. Cap. vii. fol. 42.
- Clavis figi solitos, interdum funibus adstringi. Cap. viii. fol. 45.
- In quibus partibus clavi, & quo numero. Cap. ix. fol. 47.
- Ordo & modus affigendi. An lignum aliquod in Cruce suspendaneum? Cap. x. fol. 49.
- De Titulo, quid is Latinis? quomodo ascriptus aut prælatus. Cap. xi. fol. 52.
- Post fixationem, quomodo mortui in Cruce? languore, aut fame. Vitalitas quorundam. Cap. xii. fol. 53.
- Quosdam à volueribus, aut feris etiam viuos laceratos, & plerosque omnes mortuos. interdum & lanceis interfectos. Cap. xiii. fol. 55.
- Crurifragium à Cruce remotum. Quid fuerit, in quos receptum, & quomodo? Cap. xiiii. fol. 57.
- Corrumpi in Cruce passi sunt, & nefas sepelire. Cap. xv. fol. 59.
- Custodia & miles ad Crucē, ne quis detraheret. Cap. xvi. fol. 60.

## LIBRI TERTII.

- Transitio ad Rarum figendi Modum. Furca diuisa, & hic de Ignominiosâ dictum. Cap. i. fol. 62.
- De Furcâ Pœnali, & cæfos sub eâ ad mortem. Cap. ii. fol. 63.
- Ligatos ad Furcam in Crucem solere tolli, Furcam & patibulum videri eadem, aut haud longè dissita. Cap. iii. fol. 65.
- Quæ forma Furcæ fuerit, obscure traditum in veterum scriptis. Cap. iiii. fol. 68.
- Ex iis tres sententiæ erutæ, & singulæ explicatæ. Tertiâ *ἡρώδης* videri. Cap. v. fol. 70.
- Ratio suspendendi per singulas illas formas exposita, atque etiam oculis proposita. Cap. vi. fol. 73.
- De No-

De Nouâ Furcâ, quæ nostrum Patibulum. Tribonianum substituisse passim in Legum libris. Cap. v i i.	fol. 75.
De Raro modo in Schemate. & primùm de Inuersâ suspensione. Cap. v i i i.	fol. 76.
De obliqua suspensione, de varicante, & inter arborescissione. Cap. i x.	fol. 79.
De Modo qui Fine diuersus. primùm de his qui in Cruce vstulati. Cap. x.	fol. 80.
De his qui bestiis in Cruce obiecti. Cap. x i.	fol. 82.
De mortuorum in Cruce suspensione. Cap. x i i.	fol. 83.
E quo ligno Crux fuerit ? Item in Monte plerumque defixam, ipsam sæpe altiusculam. Cap. x i i i.	fol. 84.
Crux sublata, atque etiam Crurifragium fortasse. Quando id factum, quæsitum. Cap. x i i i i.	fol. 87.
Honores quos Constantinus Cruci habitum iuit. Signis ea & vexillis imposita, aut inserta. Cap. x v.	fol. 89.
Crux in militum armis : in Imperatorum capite & manibus : in monachorum veste : inferi eam præferunt & templa. Cap. x v i.	fol. 91.
Laudatiuncula Crucis. Cap. x v i i.	fol. 95.





I V S T I L I P S I  
D E C R V C E  
L I B E R I.

C A P. I.

*Preconiuncta. Materies & ordo operis.*



GGREDIOR de CRUCE  
scribere, sed tuam prius  
opem auxiliumque inuo-  
cans qui eam consecrasti,  
& infame illud lignum in-  
strumentum fecisti publi-  
cæ salutis. Tu Deus à Deo genite, homo  
ex homine genite, hominibus genite, da  
mihi vera, da recta scribere, tibi in ho-  
norem, Cruci in splendorem, nobis in  
fructum. Materies & ordo mei ope-  
ris iste. *Quid* Crux, & *Cuiusmodi* fuerit:  
*Vbi*, *Quare*, *Quomodo*, & *Quatenus* vsurpa-  
ta. Hæc omnia non distinctè solùm, sed  
diffusè dicam: nec displicebit accuratio  
illi, cui salutare hoc signum placebit.

A. CAP.

*Crucis nomen polysemon. Hac nostra Gabalus etiam dicta, item Infelix lignum, & Infame. Sed & Crux non in ligno.*

*Crux  
quidquid  
cruciat.*

**C**RUX significatione duplici, Laxâ & Adstrictâ. Illa est, cum pro omni angore, tormento, atque etiam interitu sumunt. vt Comici passim, qui *Abire* iubent in *malam Crucem*: vt Gracchus, qui dixit (alio etiam genere) *Malo Cruce perire*: vt Plautus de homine merso aquis, *Abstrâctum in maximam malam Crucem*. Sed & Terentius à cruciando, Meretrices dixit *Crucis*: nec dissimiliter Plautus, *Aliqua mala Crux semper est, quæ aliquid petat*. Paulo diuersius illud eiusdem: *Quæ te mala Crux agitat?* quod ad fine istis, *Quæ larux*, aut *quæ intemperix*? At Adstricta significatio est hæc mea, & vulgo receptissima, cum peculiariter cruciatum & interitum notamus in ligno. Quid ita? credo, quia eximius ille, mors tarda & planè cum sensu. Dixerunt & alio nomine *Gabalum*. Nonius ex Varrone citat: *Nos barbari quod nocentes in gabalum suffigimus homines, vos non barbari noxios absoluitis*. Quæ vox etiam in priscis Glossis, sed vocali mediâ mutante: *Gabulum*, Βάβυλ. explicatque laxè, vt vides, & pro quocunque tormento. Dixerunt aliter, *Infelicem arborem, lignum, stipitem*. In carmine horrendo apud Liuium: *Caput obnubito, arbori infelici*

*Menæch.  
Prolog.*

*Aulular.*

*Ibidem.*

*Mors in  
ligno.*

*Gabalus.*

*In Gabalum.*

*Infelix  
arbor.*

*Lib. 1.*

*suspen-*



*suspendito.* De Cruce accipi res docet, & Cicero, qui in eâ pro Rabirio palam sic interpretatur. &

Epist. c. 1. Seneca: *Inuenitur qui velit adactus ad infelix illud* Infelix  
*lignum trahere animam tot tormenta tracturam.* lignum.

In Octa- uio. Minutius Felix: *Deus ligneus, regi fortasse vel in-* Infelix  
*felicis stipitis portio: id est, crucis. Dixit & Infa-* stipes.  
In Cata- lect. Virg. *mem* Poëta incertus Infamis  
stipes.

*Noxius infami districtus stipite membra,  
Sperat & à fixâ posse redire Cruce.*

Naræ appellationes à iudicio & sensu vulgi, quibus hoc supplicium in horrore pariter & vilitate. Itaque Apuleius (in meo quidem & prisco libro)

Lib. 1. de Affn. *Damnatam Crucem dixit. \*Damnatæ, inquit, iam* \*Vulgò  
*Crucis candidatus: bene, & pro hoc sensu. Etsi au-* destinatæ.

tem Crux propriè in ligno: tamen adnoto, similitudine etiam ita dictam suspensionem aut fixationem in aliâ paraturâ. puta in monte aut petrâ. Sic

Lib. 1. aduersus Marc. ca. 1. Tertulliano sunt *Cruces Caucasorum*, alludenti ad Cruces in  
petrâ.

Promethea illic affixum: quem ipsum Lucianus describit & appellat *στυγερὴ τέτα*. Sic & Manilius de Andromeda, quæ in scopulo vineta & ceto exposita: *Et cruce virgineâ moritura puella pependit.*

Lib. v.

### C A P. III.

*Nomina phrasæ sue ad hoc supplicium: Figere, Con-*  
*figere, Cruciare. item Cruciarius, pro appendendo.*

**C**R V C I S hæc nomina: supplicij quod per  
eam, ista. *Cruci suffigere.* vt Velleius de pira-  
tis, quos Cæsar, inquit, *Cruci suffixit.* In cruce suf-  
A 2 *figere.*

*figere. vt Hirtius. Iuba Numidas eos, qui loco amisso fugâ se receperant, in cruce omnes suffixit.*

De bello Africo.

*Figere. Item Cruci affigere, & Cruci figere, crebra in libris. Illud minùs, Figere ἀπλῶς, & sine additione. Tertullianus sic vtitur: Taceo quòd figitur (Christus) in hoc enim venerat. Quod idem Configere*

De patientia, cap. III.

*Paulinus Nolanus Episcopus dixit:*

Natali IX. Felic.

*Agnoscant trepidi, quem confixere rebelles.*

*de Christo ad iudicium venturo. Etsi Tertullianus paullo aliter, veterem hominem confixum esse Christo dicit: quod vulgò, unâ crucifixum. Suo*

De Resur. carn. cap. XLVII.

*etiam & proprio verbo appellarunt Cruciare.*

*Aufonius: —Cruciauerat illic*

In Cupidine crucif.

*Spretâ olim, memorê Veneris, Proserpina Adonim.*

*Hegeſippus: Capiebantur innumeri (Iudæi,) quingenti fermè ad diem cruciabantur. quod est in cruce*

Lib. v. ca. XVII. Lib. VI.

*agebantur: atque Iosephus in istâ ipsâ re dixerat, ἀνεσώποδον. Paulinus:*

Excid. cap. XII.

*—Cruciatâ in carne coruscum*

Natal. IX. Fel.

*Agnoscant trepidi.*

\*Ita eadem:

Crucificatus,

ἀσώποδον.

Cruciaris, ὁ σάωσις.

Cruciaris, ὁ σάωσις.

Cruciaris, ὁ σάωσις.

Cruciaris, ὁ σάωσις.

Cruciaris, ὁ σάωσις.

*Glossæ veteres: Cruciat, \* crucificat, σάωσις. Ita & Cruciaris dictus, is qui in cruce, vel qui eâ dignus.*

*In ipsâ, vt Petronius: Cruciarij vnius parentes vt*

In Satyr.

*viderunt noctu laxatam custodiam, detraxere pendentem. Et in Declamationibus Calpurnij Flacci*

Declamat. XVII. & XXIII.

*inscriptio: Padagogus cruciaris, & : Peregrinus*

*cruciaris. de his qui appensi iam in cruce. At qui*

*eâ digni, per conuicium aut minas quoque sic nominati. Isidorus: Cruciaris, eo quòd sit cruce*

*dignus.*

*dignus.*

*dignus.*



gnus. Apuleius: *Nec tantillum cruciarius ille deter-*  
 Lib. XII. ritus. Ammianus: *Longum est, quæ cruciarius ille*  
*conflavit.*

## CAP. IIIL.

*Græcorum verba ad Crucem & crucifixionem. Hesychius & Ovidius emendati, iste etiam explicatus.*

ISTA Latinis: Græcis duo ferè Crucis nomina,  
 Σταυρός & Σκόλοψ. Illud frequentius: quod ta- Σταυρός  
quid?  
 men propriè non nisi stipitem signat singularem  
 & erectum. Latinè dixeris *Palum* siue *Vallum*.

In Odyss.  
 3. initio.

Eustathius: Σταυροί, ὄρθα καὶ ἀπωξυμυρία ξύλα· τὰ vnde vox  
facta?  
 ἑσταύραται πρὸς τοῖς μὴ λαλοῦσιν δι' ἡρώς· ἡρόν) ὃ πρὸς  
 τὴν εἰς αἶρα σάσιν, ἢ πρὸς τὸ εἰς ὄρος ἵστασθαι. (4) ὃ αὐτὶ  
 Σκόλοπες λέγον): *Stauri sunt, ligna recta & præ-*  
*acuta: quæ & Stauara dicuntur ab ijs qui minùs in-*  
*genue loquuntur. facta vox, vel quòd ad aërem stent,*  
*vel quòd in latum.* . Hi ipsi & Scolopes dicuntur.  
 Quod ait, *eis ὄρος* vel *in latum*, de pluribus iun-  
 ctis verum est, vt solet in castrorum vallo. Neque  
 immuto; etsi ex Hesychio paullo aliter deriuante,  
 possem. Ille sic: Σταυροί, (4) κατὰ πεπηγότες σκό-  
 λοπες, χάρακες, καὶ πρὸς τὰ ἐσώτα ξύλα. ὧπὸ δ' ἑστάναι  
 σταυροί, ἢ ἐν δ' εἰς τὴν αἶρα ἵστασθαι: *Stauri, defixi*  
*stipites sunt, valli, & omnia ligna recta stantia: ab*  
*eo quòd stent Stauri, vel quòd ad auram consistent.*  
 Allusisse ad postremum hoc etymon Prudentius  
 videatur.

Περὶ σερ.  
 Hymn. xi.

— *CruX istum tollat in auras*

*Vinentesq; oculos offerat alitibus.*

A 3

Hæc

Luciani  
iocosâ de-  
rivatio.

Σκόλοψ  
quid?

Hæc Grammatici, sed Lucianus ingeniosè & pro  
argumento, in Iudicio vocalium, deriuat à Tau  
litterâ, quæ figurâ crucem refert. Ait ὑπὸ τέτυ (ἔ-  
Ταυ) καὶ τῷ τεχνήματι τῷ ποιητῷ τῷ ποιητῷ ἐπω-  
μίδου (υπελθεῖν: *ab istâ etiam, instrumento pessimo*  
(cruci) *pessimum nomen venisse*). Atque hoc in fi-  
ne etiam dialogi iterat. Iam Σκόλοψ propriè,  
vallum, sudemque significat acutam. Hesychius:  
Σκόλοπες, ἑξέα ξύλα ὀρθά: *Scolopes, acuta ligna, re-*  
*cta*. Homerus:

— Σκόλοπες γ' ἐν αὐτῇ [τάφρῳ]

Iliad. μ.  
vers. 63.

Οξέες ἐσᾶσιν.

Ibi Eustathius: Σκόλοπες, ὀρθὰ ξύλα καὶ ὀξέα, ἃ καὶ  
σταυρὸς ἐκάλουν. ἐφ' ἧς ὁ κρεμαδέντες ἀνέσταυρόνται  
καὶ ἀνεσκολοπίδαι ἐλέγοντο: *Scolopes recta ligna ἔ-*  
*acuta, quæ ἔσταυρος vocabantur: in quibus appensi,*  
*cruci aut vallo figi dicebantur*. Et bene, quòd duo  
illa verba suggerit, quibus ipsam crucifixionem  
signabant, Ανασταυροῦν & Ανασκολοπίζειν. Ita enim  
plerumque compositè, ad elationem scilicet fixio-  
nemque in alto notandam: etsi aliàs etiam sim-  
pliciter, Σταυροῦν & Σκολοπίζειν. Sunt & alia duo  
verba, quibus vulgò valdè vñ, Προσηλῶν & Κρε-  
μᾶν siue Ανακρεμᾶν. quorum illud clauationem  
ipsam in ligno propriè notat, hoc suspensionem.  
In illo, scriptoris aliquis error videtur apud Hesy-  
chium: Προσήλω, ἀνέσρω. atque ego rescribam,  
ἀνεσᾶρω. In isto, sæpe interpretum, qui ad sus-  
pensionem vulgariam & in laqueo aptant. Ita  
quod

Hesychius  
correctus.



Lib. vi. quod Arrianus narrat de Musicano: τῆτον κρεμάσαι  
 Ἀλέξανδρον κελεύει ἐν τῇ αὐτῇ γῇ: aliter versum le-  
 gi, cum sic debuerit: *Hunc Alexander crucifigi in  
 suapte regione iubet.* Curtius satis præit, qui scribit  
*in crucem sublatum.* Ita quod Diodorus Siculus

Lib. xi. in eiusdem Alexandri rebus, de Tyro captâ: ὅν ὁ  
 νέους πέντας, ὄντας ὅκ' ἐλάττους τῶν διχιλίων, ἐκρέμασεν:  
 idem Curtius rectè: *Duo millia crucibus affixa, per  
 ingens litoris spatium pependerunt.* Et exempla  
 pluscula. Tale apud Latinos ipsum *Suspendere*,  
 quod ad Crucem referendum moneo iuuentu-  
 tem. Vt in Silio:

Lib. i. *Hunc postquam diro suspensum robore vidit.*

Epist. vii. In Senecâ: *Latrocinium fecit aliquis. quid ergo me-  
 ruit? ut suspendatur.* in Ouidio:

In Ibin. *More vel intereas capti suspensus Achai,  
 Qui miser aurifera teste pependit aquâ.*

Lib. viii. Quibus versibus vera historia & sensus è Polybio Ovidius  
explicatus.  
 reddatur iste. Antiochus rex per fraudē Achæum  
 ex arce Sardium deduxit, & per insidias cepit.  
 Καὶ ἔδωξε, addit, πρῶτον μὴ ἀκρωτηρίασαι τὸν ταλαίπω-  
 ρον, μὲν ὁ ταῦτα τὴν κεφαλὴν ἀποτεμόντας αὐτῷ, καὶ κα-  
 τὰ ῥήξαντας ἐς ὄνειον ἀσκὸν, ἀναστυράσαι τὸ σῶμα: Et  
*visum est, primò admutilare illum miserum & ex-  
 tremas partes succidere, deinde capite eius resecto &  
 in asinum culleum coniecto, reliquum corpus cruci-  
 figere.* Hæc res: sperne aliorum, inanes logos.  
 Sed & mecum lege, *teste pependit aquâ:* non *triste* Leuiter  
emenda-  
tus.  
 aut *reste*, quod vulgatur. Vult enim, eum non in

ipsâ

ipsâ auriferâ aquâ, id est Pactolo, suspensum: qui potuit? sed iuxta eam, atque illâ quasi arbitrâ & inspectante. Pactolus autem haud longè Sardes, vbi hæc gesta.

## CAP. V.

*Diuisio prima Crucium: Et de specie vetustissima dictum, Affixione. Tertullianus per occasionem correctus, atq; Jsis eadem cum Cerere existimat a.*

**V**ERBA non vltra me tenent: rem ordiamur. cui illustrandæ duplex genus Crucium statuo, *Simplex & compactum*. Illud voco, cum in uno simpliciq; ligno sit affixio, aut infixio. Quæ crux, meo iudicio, prima fuit, & in aliam speciem à rudi hac ventum. Sed ea quoque duplex, vt tetigi: altera ad *Affixionem*, altera ad *Infixionem*. Nam aliàs ad arborem siue stipitem alligabant figebantue hominem. vt in *Cupidine crucifixo* Aufonij, quem sic describit:

*Cruz simplex.*

*Eius discrimen.*

*Eligitur masto myrtus notissima luco,  
Inuidiosa Deum pœnis. Cruciauerat illic  
Spreta olim, memorem Veneris, Proserpina Adonim.*

*Huius in excelfo suspensum stipite Amorem,  
Deuinctum post terga manus, substrictaq; plantis  
Vincula marentem, nullo moderamine pœne  
Adfigunt.*

Verba omnia nota: videbis & in arboris stipite appensum, nec manibus expansis, sed à tergo deuinctis,



Apolog.  
cap. viii.

uinctis, denique nec clauis sed funibus substri-  
ctum. Simile in Tertulliano, de Tiberio: qui *In arbori-*  
Saturni sacerdotes, vt inquit, *bus Ap-* *pensio.* *in eisdem arboribus*

xxiii.  
Septemb.

*templi sui, obumbr-*  
*atricibus scelerum, vo-*  
*tiuis Crucibus expo-*  
*suit.* In Martyrologio,  
de Paphnutio: *Ipsē*  
*palma arbori affigitur,*  
*ceteri autem ferro ne-*  
*cantur.* Nec ambigi-  
mus arbores plerum-  
que huic rei seruisse,  
præsertim in grandi  
numero cruciando-  
rum, siue recisas leui-  
ter & ad Crucem ap-  
tatas, siue etiam co-  
mantes. Sed & in sti-  
pite simplici idē fuit. *Siue in*  
*rudi sti-*  
*pice.*

Apolog.  
cap. xvi.

Ex Tertulliano: *Quanto distinguitur à Crucis*  
*stipite Pallas Attica, vel Ceres Farrea, quæ sine*  
*effigie, rudi palo & informi ligno prostant?* Nam  
rudem ecce palum componit & assimilat cum  
Cruce. Sed in eius verbis menda de Cerere Farreâ.  
Cur enim sic appellet? an quia far inuenerit? esto.  
atqui non omnis Ceres sic efficta, sed certa aliqua,  
& in loco quem voluit expressum: sicut de Palla-  
de, quæ Athenis. Legendum arbitror, *Faria siue*

*Tertullia-*  
*nus emen-*  
*datus.*

Ceres  
Pharia,  
sive Aegy-  
ptia.



Pharia: quasi dixerit  
Cererē, quæ in Ægy-  
pto. Et intellegi cre-  
dam Isidem: quæ no-  
mine diuertit à Cere-  
re, numine commu-  
nicat. Ita Herodotus:  
Ἀφύμῃ δὲ, ἰσὶς. In  
Apuleio, ipsa de se  
Isis: *Me primigenij*  
*Phryges Pessinuntiam*  
*matrem nominant, me*  
*Eleusiniy vetustam,*  
*deam Cererem.* Euse-  
bii de Præparatio-  
ne: *Φασὶ τὸν αἰγύ-  
πτιοι τὸν μὲν Οσίριον εἶναι*

Lib. xi.  
de Asia.

Lib. xi.  
cap. l.

τὸν Διόνυσον, τὸν δὲ ἰσὶν τὸν δῆμῳ λέγουσιν. Αἰοῦντ Ἀγ-  
πτιῷ Οσίριον εἶναι Βακχόν, Ἰσίδεμ δὲ Κερέρεμ.

## C A P. VI.

*Altera Simplicis Crucis species, Infixio. Seneca,  
Hesychius, Plato, Plinius, illustrati.*

**A**TQUE hæc fuit in Simplici Cruce Affixio:  
est & in eadem Infixio. qualis? *cū nudum*  
*hominem erecto acutoq; stipiti insigebant*, eā formā  
& facie quam exempla hæc docebunt. Seneca: *Consolat.*  
*Video istic Cruces nec unius generis, sed aliter ab* ad Marr.  
*alijs fabricatas. Alij capite conuerso in terram sus-* cap. xi.  
*pendere.*

Infixio,  
quæ vulgò  
Impalatio.



Epist.  
XIII.

pendere, alij per obscæna stipitem egerunt. Duo in  
ijs verbis obserues, & Cruces varias fuisse, quod  
nunc diducimus: & inter eas, Infixionem. Quam  
magis etiam aperit idem Seneca: *Cogita hoc loco*  
*carcerem & Cruces, & adactum per medium homi-*  
*nem, qui per os emergat, stipitem.* Viden' clarè me-  
dium hominem scissum & transfossam? Atque  
id imagine etiam illustrat Hesychius: Σκόλοψιν, <sup>Σκόλοψις,</sup>  
<sup>ea dicta.</sup> αἷς ὅπλησιν τὸ γὰρ παλαιὸν οὗτο κακουργούτας ἀνεσκολόπι-  
ζον, ὁξύνοντες ἔλπον διὰ ῥα χέως καὶ ἔνωτος, καθάπερ οὗτο  
ὀπλωμένοι ἐχθρὸς Ἰπὶ ὀβελίσκων: *Sudifixionem dixe-*  
*ris, quasi Affationem. Nam antiquitus maleficos*  
*sudi infigebant, acuto ligno penetrantes spinam &*  
*dorsum, sicuti assos in verubus pisces.* Vbi amplius  
disco, propriè hoc esse Σκόλοψιν; & Σκολοπιζέειν vbi  
legitur, plerumque referendum ad hanc formam.  
Ista Crux nescio an Mæcenati etiam descripta: <sup>Mæcenati</sup>  
<sup>lux.</sup> cuius versus apud Senecam iam olim sic legimus:

Epist. ci.

*Hanc mihi, vel acutâ*  
*Si sedeam Cruce, sustine.*  
*Vita dum superest, bene est.*

Vult miser & adsuspirat viuere, etiam inter tor-  
menta, & in istâ maximè cruciante Cruce, quam  
signanter dixit *Acutam*. Sed aijt etiam *Sedere*: be-  
nè. Nam ille profectò habitus hominis ab infero  
in superum sic transfixi. Hoc ipsum genus *Ανασ-*  
*κινδυλώσεως* dictum Græcis, quasi diffindere & dif-  
secare. Hesychius: *Ανασκινδυλώσεως, ἀνασκολοπιωθή-*  
*ναι.* Plato eo verbo vsus: *Μασιγώσε), σρεβλώσε), τε-*  
<sup>Εἰς Πλα-</sup>  
<sup>τονι.</sup>

II. De  
Repub.

λατάν ὃ πῶτα κακὰ παθὼν διασκηδύλδθησεν): *Flagellabitur, distorquebitur, denique omnia mala passus Cruce diffindetur.*

Et Plinio.



Plinij etiam verba huc referā narrantis, Polybium cum Scipione in Africā leones homicidas crucifixos vidisse, quia ceteri metu pœna similis absterrerentur eādē noxā. Quis enim credat operosam & cōpositam crucifixionem illam fuisse? non ego: & accipiam de hac promptā & fortuitā in stipite infixione, siue etiam affixione.

Lib. viii.  
cap. xvi.

## C A P. VII.

*In genere de Cruce Compactā: tum de primā eius specie, Decussatā. Et an hac sit Andreana?*

**A**T Compacta Crux est, quæ manu facta, idq; è duplici ligno: Ita septuaginta Interpretes Ptolomæani, libro Iosua quā vulgò est, *lignum*, & Chaldaeo paraphraste, *Cruce*, ipsi verterunt

\* *Lignum geminum.*

\* ξύλον δίδυμον: bene sanè, ad hanc formam. Hæc est



est plena & vera Crux, in quâ brachia etiam explicantur, atque ideo *Patibulum* non semel dicta. *Patibulum quid proprie.*

Huius species triplex, vt distinctè imò curiosè edisseram, & semel tollam dubitationes aut lites. Est *Decussata*, est *Commissa*, est *Immissa*. Illa prima mihi dicitur, in quâ duo ligna directâ & æqualia, inter se obliquantur. *Crux Decussata.*

In Hierem.  
cap. xxii.

manī dixerunt. Hieronymus: *Decussare*, est per medium secare, veluti si duæ regula concurrant ad speciem litteræ X quæ figura est Crucis. Nec minùs clarè Isidorus: X littera, & in figurâ Crucem, & in numero decem demonstrat. Obscuriùs paullo alijs

Li. i. Orig.  
cap. iiii.

Aduers.  
Tryph.

Patres & Doctores nostri. vt Iustinus Martyr: qui illud Platonis in Timæo, *Εχίαζεν αὐτὸν ἐν τῷ πᾶσι*: *Decussauit eum in vniuerso*: adseueranter ad Christum & Crucem nostram retulit, quo nisi hoc aspectu? Iam cùm transuersis obliquatisque manibus benedictionem Iacobi eodem aptant: quid

Iustinus  
explicatus.

Lib. iiii.  
de Orth.  
cap. xii.

nisi hæc forma in oculis? Damascenus: *Ἰακώβος προσκυῶν τὸ ἄκρον τῆς ράβδου, ἐνῆλλα γράφαις ταῖς χερσὶ τοῦ υἱοῦ Ἰωσήφ διλογήσας, καὶ τὸ σημεῖον ἔσπευσε διαγράφει λαφείσας*: *Jacob adorans extremum virga, alternantibus manibus liberos Ioseph benedicens, etiam signum hoc Crucis describit manifestissimò.*

Et Damascenus.

Quid *χεῖρες* istæ ἐνῆλλα γράφαις etsi non ambiguum, tamen audiamus Cedrenum commodè explicantem. *Ἰσραὴλ* (idem cum Iacobo) *τὰς χεῖρας ἀμείβων, τὴν μὲν δεξιὰν ἐπὶ τῷ νεωτέρῳ, τὴν ἀριστερὰν ἐπὶ τῷ πρεσβυτέρῳ τὴν κεφαλὴν πείσας*: *Israël manus*

B 3

per-

*permutans, dextram quidem in iunioris, sinistram  
verò in senioris caput imponens. Et Tertullianum  
in istâ ipsâ re: Impositis & intermutatis manibus  
benedixit, & quidem ita transversim obliquatis in-  
ter se, ut Christum deformantes, iam tunc portende-  
rent benedictionem in Christum futuram. Quomo-  
do Christum deformatunt illæ manus? imò Cru-  
cem: & sic mihi libido aliquando legere: sed re-  
fræno, & accipio Christum crucifixum. Hæc illa*

De Baptis-  
cap. VII.

*Cruz An-  
dreana.*



\* Vti & in  
Abdia lib.  
111.

*est quâ Andræanam  
hodie dicimus, vali-  
dâ & fatis veteri fa-  
mâ diuum istum in  
eâ cruciatum. Anne  
verâ? facit me vt am-  
bigam Martyrolo-  
gium Romanum: in  
quo hoc saltem \* le-  
gas, in Cruce suspen-  
sum. & magis Hip-  
polytus, qui scribit  
Crucifixum Patris in  
Achaiâ, ad arborem  
olivæ rectum. Quid  
magis cōtra famam?  
Atque hæc fixio ad  
Simplicem nostram*

In Com-  
ment. Greg-  
co.

*potiùs abeat, longè a Decussatâ.*



## CAP. VIII.

*Commissa Crux quid nobis sit? exemplis testibusq;  
asserta, tum etiam vestigio nostræ lingua.*

**I**AM Commissam Crucem appello, cum ligno ere- <sup>commissa</sup>  
cto breuius alterum supernè, & in ipso capite com- <sup>crux.</sup>  
mittitur, sic ut nihil exstet. ea forma examussim  
est in T litterâ, quam vno ore omnes cum Cruce  
componunt. Lucianus vbi Tau accusatur: τὸ γὰρ  
τοῦτο Λάματι φασὶ οὐδὲν πρῶτον ἀκολοῦθόντως καὶ  
μιμησαμένους αὐτῷ τὸ πλάσμα, ἔπειτα γήματι τοῖς τοῦ  
ξύλου τεκλίναντες, ἀνθρώποις δύσκολοις εἶναι ἐπ' αὐτά:  
*Huius enim corporis filium tyrannos aiunt secutos,  
eiusq; speciem imitatos, simili deinde figurâ ligna fa-  
bricasse, & homines in ijs fixisse.* Palàm est Cru-  
cem intelligi. Tertullianus: Ipsa enim littera Gre-  
corum Tau, nostra autem T, species Crucis. Isido-  
rus: Tau littera speciem Crucis demonstrat. Hiero-  
nymus: Antiquis Hebræorum litteris, quibus usque  
hodie Samaritæ vtuntur, extrema Tau Crucis ha-  
bet similitudinem. Paulinus Nolanus: Christus  
non multitudine nec virtute legionum, sed iam tunc  
in sacramento Crucis, cuius figura per litteram Gre-  
cam Tau numero trecentorum exprimitur, aduersa-  
rios Principes debellauit. Adstruunt etiam pictu-  
ræ, & nostra lingua. In illis quidem, passim ho-  
die videas D. Antonij vetustissimi monachi pe- <sup>Antonia-</sup>  
nulæ & manui assui aut imponi hanc crucem. <sup>na Crux.</sup>  
An quia Ægyptius ille vi- quibus iam olim no-  
tum,

III. aduer.  
Marcion.

De vocat.  
gent.

In Ezech.  
cap. ix.

*Egyptijs  
inter no-  
tas.*

tum, & inter sacra hoc signum? Certè in obeli-  
scis, qui inde Romam vecti, sculptum sic vidi-  
mus †: cum anulo tamen vel anfulâ supernè,  
nec satis solidè scio ad quam rem aut vsum. Sed  
de præcipuâ ipsâ notâ, dignum aliquid notâ Ec-  
clesiasticæ nostræ historiæ prodiderunt. Ruffinus:

*Signum hoc dominica Crucis, inter illas quas dicunt  
ιεργικὰς id est Sacerdotales litteras habere Egyptij  
dicuntur, velut unum ex ijs quæ apud illos sunt lit-  
terarum elementis. Cuius littera seu vocabuli hanc*

*Lib. I I.  
cap. XXI.*

*Significa-  
tio eius.*

*asserunt esse interpretationem, VITA VENTURA.*

Sozomenus: Φασὶ δὲ ἔναος καθαυρεμένης τούτης ( ἔ  
Σαργ. πιδ Θ ) Ἰνὰς τῶν καλχυμένων ἱερογλυφικῶν χα-  
ρακτηρῶν σαυροῦ σημείω ἐμφερεῖς ἐγκεχαράμμεναι τοῖς  
λίθοις ἀναφθῆναι. παρ' Ἰπσισημόνων δὲ τὰ τοιαῦτα ἐξη-  
νυθεῖσαν σημαίνει τὴν τῷ γραφίῳ, ζωὴν ἐπεχομέ-  
νῃν. *Aiunt templo isto ( Sarapidis ) diruto & disse-  
cto, quasdam ex ijs, quas vocant Hieroglyphicas no-  
tas, similes signo Crucis inscriptas lapidibus appa-  
ruisse. Ab ijs autem, qui docti hac talia, explica-  
tam eam notam, significare Vitam venturam. In*  
Suidâ etiam historiola hæc breuiter. *Επὶ Θεοδοσίῳ  
ἔ μεγάλου βασιλέως καθαυρεμένης τῶν Ἑλληνικῶν ἱε-  
ρῶν, ἀρέθσαν ἐν τῷ Σαργαπίδος νέῳ ἱερογλυφικὰ γράμ-  
ματα σαυροῦ ἔχοντα τύποις. ἀπὸ θεασάμενοι οἱ ἑλ-  
λῶν χριστιανίσαντες, ἔφασαν σημαίνειν τὸν σαυροῦ πα-  
ρὰ τοῖς ἱερογλυφικὰ γινώσκουσιν γράμματα ζωὴν ἐπεχο-  
μένην. Theodosio magno regnante, cum fana genti-  
lium diruerentur, inuenta sunt in Sarapidis templo*

*Lib. VII.  
Eccl. Hist.  
cap. XV.*

*Hiero-*



*Hieroglyphica littera habentes Crucis formas. quas videntes ij qui gentilium Christo iam addicti erant, aiebant significare Crucem apud peritos Hieroglyphicarum notarū Vitam venturam. Atqui & à linguâ argumentum petij, sed nostrâ. Nos inquam Belgæ hodie, bacillos in hanc formam, quos ægrorum brachijs sustentaculum subijcimus, vocamus ipsâ Latinâ voce Cruckas.*

## CAP. IX.

*Affirmata Crux Immissa è scriptis maximè Patrum: ipsi alij per alios, & imaginibus per nos etiam, explicati.*

**D**ENIQUE Immissa crux est, cùm ligno erecto transversum alterum iniungitur atque immittitur, sed sic ut ipsum secet. Ita eminentia hîc semper aliqua & capitellum, aliter quàm in Commisâ. Etiâ anguli hîc siue fines quaterni, illic terni. Quis de istâ ambiget? Ingerunt eam oculis Picturæ pariter & Scripturæ prisce. Sed illas omitto aut differo: hæ varix & obuix sunt, atque ex ijs eligam, non colligā, nostro more.

Immissa  
quid?



C Iusti-

*A Iustino  
descripta.*

Iustinus signanter in primis deformat aduersus Tryphonem. Explicat vetus illud vaticinium de

Vnicorni, & ad Crucem sic aptat. Μονοκέρωτος γὰρ κέρατα ἔδενός ἀλλὰ πρᾶγματός, ἢ χήματος ἔχοι ἄν τις εἰπεῖν ἔδωκεῖται εἰ μὴ ἔ τύπεός τὸν Σταυρὸν δαίκνυσιν. ὄρδιον γὰρ ἐν ἐστὶ τὸ ξύλον, ἀφ' οὗ ἐστὶ τὸ ἀνώτατον μέρος εἰς κέρας ἐπηρμηδόν, ὅταν τὸ ἄλλο ξύλον παρὰ καρμοδῇ, ἔ ἐκατέρωθεν ὡς κέρατα τὰ ἐνὶ κέρατι παρεσθυγμένα τὰ ἀκροα φαίνε. καὶ τὸ ἐν τῷ μέσῳ πηγνύμενον ὡς κέρας ἔ αὐτὸ ἰδέχον ἐστίν, ἐφ' οὗ ἐποχού) ὁ σταυρέμενοι: Unicornis enim cornua alteri rei aut figura haud quispian similia dixerit aut ostenderit, quàm illi qua Crucem refert. Rectum enim unum est lignum à quo est suprema pars in cornu sublata, cum alterum lignum aptatum est: & utrimque tanquam cornua illi uni cornu coniuncta, extrema apparent: & illud in medio defixum, & ipsum tanquam cornu eminet, in quo requiescunt & innituntur crucifixi. Obscuriuscula alibi verba, sed hac parte liquidissima, quòd eminens vnum cornu facit à vertice crucis. Iam alij Patrum, variâ imagine, non sine lasciuiâ quadam ingeniorum & stili eam describunt & notificant. Vt Hieronymus: Ipsa species Crucis, quid est nisi forma quadrata mundi? Aues quando volant ad aethera, formam Crucis assumunt. In Marc. cap. xi.  
Homo natans per aquas, vel orans, formâ Crucis visitur. Vt Tertullianus: Victorias adoratis, cum in Tropais Cruces intestina sint tropaeorum. Omnes illi imaginum suggestus in signis, monilia crucium sunt. Apolog. cap. xvi.  
Sympara illa vexillorum & cantabrorum stola crucium

*Ab Hiero-  
nymo.*

*Tertullia-  
no.*



In Dialo-  
go Octa-  
uio.

cium sunt. Laudo diligētiam, noluiſtis incultas Cru-  
ces conſecrare. Vt Minutius Felix: Cruces nec Minutio.  
colimus, nec optamus. Vos planē, qui ligneos deos  
conſecratis, cruces ligneas, vt deorum veſtrorum  
partes, forſitan adoratis. nam & ſigna ipſa, & can-  
tabra, & vexilla caſtrorum quid aliud quā inau-  
rata Cruces ſunt & ornata? Trophæa veſtra vi-  
etricia non tantum ſimplicis Crucis faciem, verum  
& affixi hominis imitantur. Signum ſanè Crucis na-  
turaliter viſimus in naui, cū velis tumentibus ve-  
bitur, cū expansis palmulis labitur: & cū erigitur  
iugum, Crucis ſignum eſt: & cū homo porrectis  
manibus Deum purā mente veneratur. Ita ſigno  
Crucis aut rationaturalis innititur, aut veſtra re-  
ligio formatur. Vt Maximus Taurinenſis: Maximo.

De Cruce  
Rom. Ho-  
mil. 11.

Grande eſt Crucis ſacramentum, & ſi intellegamus,  
per hoc ſignum mundus ipſe ſaluatur. Nam cū à  
nautis ſcinditur mare, prius arbor erigitur, velum  
diſtenditur, vt Cruce Domini facta aquarum fluen-  
ta rumpantur. Sed & bonus agricola, cū parat ter-  
ra ſolum vertere, non niſi per ſignum Crucis id fa-  
cere conatur. Dum enim aratro dentale ſubjcit, af-  
ficit (lege, affigit) aures, ſtiuam inſerit, figuram  
Crucis imitatur. Celum quoque ipſum huius ſigni  
figurā diſpoſitum eſt. Nam cū quatuor partibus  
distinguitur, Oriente, Occidente, Meridiano, ac Se-  
ptentrione, quatuor quaſi Crucis angulis contine-  
tur. Ipſius etiam inceſſus hominis, cū manus leua-  
uerit, Crucem pingit. atque idè eleuatis manibus

Iterum  
Iustino.

Apolog.  
II.

orare precipimur, ut ipso quoque membrorum gestu  
passionem Domini fateamur. Et diffusissimè

omnium Iustinus: Κατανοήσατε παῖτα τὰ ἐν τῷ κόσ-  
μῳ, εἰ ἄνθρωπος ἔχῃ ἡμᾶς τέττα (Σταυροῦ) διοικεῖται, ἢ κοι-  
νωσίαν ἔχειν διώα. Θάλασσα μὲν γὰρ ἔτέμνετο, ἀλλὰ μὴ  
τοῦτο τὸ τρέπαιον ὃ καλεῖται ἰσίου ἐν τῇ νηὶ σῶον μείνη-  
γῇ δὲ οὐκ ἀροῦται ἄνθρωποι αὐτῆς. σκαπταῖς δὲ ἐργασίαν ἔ-  
ποιεῖν, ἐδὲ βαναυργοὶ ὁμοίως, εἰ μὴ διὰ τῶν τῶν ἡμᾶς  
τοῦτο ἐχόντων ἐργαλειῶν. τὸ δὲ δυνάμειον ἡμᾶς ἐδὲν  
ἄλλω τῶν ἀλόγων ζώων διαφέρει, ἢ τὰ ὀρθόν τε εἶναι, καὶ  
ἐκτασθὶν χερῶν ἔχειν, καὶ ἐν τῷ πρὸς ὁπῶν δὲ τῶν μετωπίου  
τεταμένον τὸν λεγόμενον μυζωτῆρα φέρειν, δι' ἧς ἡ τε ἀνα-  
πνοή ἐστι τῷ ζώῳ, καὶ ἐδὲν ἄλλο δείκνυσιν ἢ τὸ ἡμᾶς τοῦ  
Σταυροῦ καὶ τὰ παρ' ὑμῖν δι' ἐσύμβολα τῶν ἡμᾶς  
τέττα διώαμιν δηλοῖ. \* \* \* λωμν καὶ τῶν τροπαίων δι'  
ᾧν αἱ τε πρὸς οὐδοὶ ὑμῶν πανταχοῦ γίνονται, τὸ δὲ χῆς καὶ δυ-  
νάμειος τὰ σημεῖα ἐν τέττοις δεικνύουσιν, εἰ μὴ νοῦντες ἔ-  
τε πρᾶττετε. καὶ τῶν παρ' ὑμῖν δυνάμειον ὄντων αὐτοκρα-  
τέρων τὰς εἰκόνας ἵπτι τέττω τῶν ἡμᾶς ἀνατίθετε, καὶ  
δεῖς διὰ γραμμάτων ἐπονομάζεσθε. Considerate om-  
nia quæ in mundo sunt, an sine signo hoc Crucis gu-  
bernentur, aut possint præbere sui usum. Mare enim  
non scinditur, nisi tropæum istud, quod malus appel-  
latur, saluum in naui maneat. Terra non aratur  
sine eo. Fossores verò opus non absoluunt, neque alij  
item operarij Mechanici, nisi per instrumenta quæ  
formam hanc referant. At humana figura non  
aliâ re belluis differt, quàm quòd, & recta sit, & ma-  
nuum extensionem habeat & in facie à fronte pro-  
ten-



*tensum nasum per quem & respiratio animalibus est, neq; aliud demonstrat quàm signum hoc Crucis. Sed & apud vos nota huius signi potentiam declarant: \* cùm alia quadam, tum tropea, ob quæ progressus & expeditiones ubique vobis sunt imperij & potentia signa in istis præferentes, et si ignorantes hoc facitis. Et Imperatorum qui apud vos mortui sunt imagines in hac figurâ ponitis, & Deos per litteras appellatis. Quæ pluscula posui, quia me quoq; inter exscribendum delectarunt inuentiunculæ istæ Patrum. Spero & te, si plenè intelleges: atque adminiculum, figuras istas, habe.*



## CAP. X.

*In quâ Crucium formâ Christus mortem tulerit? videri in ultimâ, argumento è Patribus & picturis. Ruffini non bona fides notata in verbis Pauli citandis siue explicandis.*

*Crux quadrangula, quo mysterio?*

**H**ABES omnes Crucium species. In quâ earum ille mortuus, qui morte suâ nobis vita? Ne quærendum quidē censeam, nisi dubitasse & disputasse viderem viros graues & sacrorum peritos. ego arbitror & pronuncio, in hac postrema. in illâ inquam, quæ quatuor finibus vniuersum orbem complexa est, non sine mysterio, quod toti orbi mortuus, Saluator noster pependit. Tangit hoc & docet Sedulius:

Lib. I. II.

*\* Siue, patens.*

*N' èue quis ignoret speciem Crucis esse colendam,  
Quæ Dominum portauit ouans, ratione \*potenti,  
Quatuor inde plagas quadrati colligit orbis.  
Splendidus auctoris de vertice fulget Eous,  
Occiduo sacre labuntur sidere plantæ,  
Arcton dextra tenet, medium laua erigit axem.*

*D. Paulus explicatus.*

Et auctoritas etiam firma à D. Paulo. eius hæc verba, *Ut possitis comprehendere cum omnibus sanctis, quæ sit latitudo & longitudo, & sublimitas & profundum*, plerique Doctorum veterum referunt ad Crucem. Augustinus: *Erat latitudo, in quâ porrectæ sunt manus; longitudo à terrâ surgens, in quâ erat corpus infixum; altitudo, ab illo innexo ligno sursum quod eminet; profundum, ubi fixa erat*  
*Crux,*

*Ad Ephef. cap. III.*

*In Psalmo. CIII. & alibi.*



De Orth.  
lib. III.  
cap. XII.

*Crux, & ibi omnis spes vite nostra.* Damascenus: *Ὡς περ τὰ τέσσαρα ἄκρα τῆς Σταυροῦ διὰ τῆς μέσης κέντρης καὶ συσφίγῃς*, ἔτω διὰ τῆς τῆς Θεοῦ δυνάμεως τῆς τε ὕψους καὶ τοῦ βάθους, μῆκους καὶ πλάτους, ἥτοι πᾶσα ὁρατὴ τε καὶ ἀόρατος κτίσις (ὑπέχει). *Sicut quatuor extrema Crucis per medium centrum vinciuntur & iunguntur: sic per diuinam potentiam Sublimitas & Profunditas, Longitudo & Latitudo, siue omnis conspicua & inconspicua creatura continetur.* Pa-

lām & ipse quatuor fines nominat, & verba Pauli huc adaptat. Ruffinus cur dissentit? qui tres

modò agnoscit, & ipsa Apostoli verba (nefas!) ad-  
mutilat & detruncat. *Docet, inquit, Apostolus*

In Sym-  
bol.

*Paulus illuminatos esse debere oculos cordis ad intellegendum quæ sit altitudo, latitudo & profundum.*

*Descriptio Crucis est. cuius eam partem quæ in terram defixa est, profundum appellauit: altitudinem*

*verò illam, quæ in aërem porrecta sublimis erigitur: latitudinem quoque illam quæ distenta in dextram*

*lauiamque protenditur.* Mirum, & in verbis Pauli, & in eorum sensu longitudinem vbique improui-

dè omisit. An de industriâ eiecit? Culpa, si illud: crimen, si istud. Sed ad rem: Poëtæ quoque & Pi-

ctores sunt à formâ istâ. Nonnus disertè scribit, Christum sublatum. *Εἰς δόρυ τελέει πλάτυρον: in lignum quadrilaterum.* Et in priscis sculpturis (il-


lis meritò fides) quadrata conspicitur hæc forma. Constantinus Imp. in Labaro suo expressit: &

Deus ipse in aëre ei deformarat. In columnis  
eiusdem

Ruffini  
singularis  
sententia.

Crux in  
lapidibus.

*Crux in  
lapidibus.*

eiusdem Principis, quæ nunc in cognomine vrbe  
(heu, quò ea recidit?) Crux eiusmodi  insculpta  
visitur, & vtrimque ab alatis Genijs sustentatur.  
Quid, quod in Numis plurifariam sic appâret?  
quorum alibi damus typos. Nec meo sensu, am-  
bigi profectò potest, in tam veteri Christianorum  
sensu. Tamen sunt qui de Commissâ siue de Tau  
formâ contendunt. nec damno, etsi dissideo: quia  
& illi si Titulum supernè addis, efficere atq; ima-  
ginari possis quaternos istos fines.

## C A P. X I.

*Apud plerasque gentium Cruces ferè vsitatas. Apud  
Syros, Iudeos, Ægyptios, Persas, Afros, Gracos,  
maximè Romanos. Quando apud eos cæperit?  
An & apud Germanos?*

**C**RUCES satis vidimus: vbi gentium eæ in  
vfu fuerint, addam. Etsi vno verbo pænè  
dixerim, vbiq; gentium receptas. Oriens qui-  
dem plerisque vsurpauit, idque iam olim. De Sy-  
*Crux Sy- ris in vfu.* ris in Esthêre scriptum: *Suspensus est Aman in pa-* Cap. vii.  
*Iudæis,* *tibulo, quod parauerat Mardocheo.* De Iudæis, in  
Iosuâ: *qui regem eius (Hai) suspendit in patibulo* Cap. vii.  
*vsque ad vesperam.* Item in Numeris: *Tolle cun-* Cap. xxv.  
*ctos Principes populi, & suspende eos contra Solem*  
*in patibulis.* Atque in sacris libris sæpius. Ægy-  
*Ægyptijs.* ptios etiam vfos reperio. vt Thucydides de rege  
Inaro: *ᾠδοσία ληφθεὶς ἀνεστωρῶν:* proditione ca- Lib. i.  
ptus,



Lib. xii. *ptus, in crucem est actus. Et Iustinus, in eâdem Ægypto: Agathocles occiditur, & mulieres in ultionem Eurydices patibulis suffiguntur. Et Persas* Persis.

In Thaliâ. crebrò. Herodotus de Polycrate: *Ἀποκρίνας δὲ μὴ ὅτι ἀξίως ἀπηνήσθη & Οὐρίης ἀνὲς αὐρῶσι: Interficiens eum (quod indignum relatu sit) Orætes in Cruce suffixit. Ammianus de suo æuo: Ælianus Comes & Tribuni patibulis scelestè suffixi: capti nempe à Persis. Sed Afros vel omnium creberrimè: qui* Afri.

Lib. r. r. cap. vii. *Duces, bella pravo consilio gerentes, et si prospera fortuna subsecuta esset, Cruci suffigebantur: Video & Græcos vñtasse. Certè Alexander Macedo Glau-* Græci.

Plutarch. in Alexan. cum medicum, & Tyrios, & plures crucifixit. Etiam Xanthippus Atheniensis Artâyctam Persam, de quo apud Herodotum in Calliope extrema leges. Iam Romanis *vetus veterrimumq;* (ver- Romanis, & quando.

In Cōstantino. Lib. i. *ba Victoris vsurpabo) supplicium patibulorum. Si Liuius fides, statim sub primis regibus vsurparunt: & exemplum in Horatio, cui id sub Tullo parabatur. Etsi Cicero dissentire videtur, & horridum illud Carmen ad Tarquinium Superbum auctorem referre. f lictor, inquit, colliga manus.*

*qua non modò huius libertatis mansuetudinisq; non sunt, sed ne Romuli quidem, aut Numa, sed Tarquinij, superbissimi ac crudelissimi regis ista sunt, cruciatus carmina, Caput obnubito, arbori infelici suspendito. Quæ tamen aut populariter & ad caus-*

Cicero explicatus.

fam Cicero dixerit, aut hoc sentiens, non ab auctore illa Tarquinio fuisse, sed illo maximè digna, & apud eum crebra. Vtrum horum est, video etiam liberâ rep. statim in usu cruces. Dionysius de seruis coniuratis: Καὶ αὐτίκα ὅ μὴ ἔξ οἰκῶν συλληφθέντες, ὅ ἢ ἐν τῶν ἀγορῶν ἀχθέντες ἀνεσκολοπίσθησαν ἅπαντες. Et ilicò alij quidem è domibus extracti, alij è foris abducti, omnes in Crucem acti sunt. & deinceps \*ψαμμακόσιοι, vt cum Græcis dicam, testes. Quid Germani? nunquid & illi vsi? distrahor. Tacitus videtur dicere: *Proditores & transfugas arboribus suspendunt*. sed fortassis ad laqueum & suffocationem hoc aliquis trahat. Tamen idem *Patibula* etiam attribuit: *Quot patibula captiuis, quas scrobes*: quo nisi suo & Romano, sensu?

Lib. 5.  
Antiq.

\*Infinit,  
& vt arena.

An Germani crucifixerunt?

Videri.

De mor.  
German.

Annal. 1.

## C A P. XII.

*Apud Romanos vile fuisse hoc supplicium, & plurimum seruorum. Quas ob causas ij affecti.*

Serui ple-  
rumque in  
Cruce.

**P**LVRIFARIAM igitur receptæ Cruces, sed vix tamen nisi in homines viliores, Romano quidem ritu. Atque apud eos seruorum ferè hoc supplicium, aut plebeiorum qui iuxta seruos. De seruis mulier apud Iuuenalem:

*Pone Crucem seruo.*

Sat. vr.

Et alia apud Petronium: *Nec Dij sinant, vt amplexus meos in Crucem mit tam*. Ita enim venustè seruum cruciarium appellat, quâ facie sermo-

In Sary-  
rico.

nis



nis Scelus pro scelesto. Seruus ipse apud Plautum comiter fatetur.

In Milite.

*Noli minitari, scio crucem futuram mihi sepulcrum,*

*Ibi maiores mei siti sunt, pater, avus, proavus, abavus.*

Atque adeò peculiare hoc seruis, vt nomine *Seruilis supplicij* Crux veniat capienda. In Tacito: *Seruile supplicium, quid?*

III. Hist.

*Asiaticus (enim is libertus) malam potentiam ser-*

II. Hist.

*uili supplicio expiauit. Iterum: Sumptum de eo supplicium in seruilem modum.* In Vulcatio explica-

In Auidio  
Cassio.

*tius: Centuriones rapi iussit & in crucem tolli, serui-*

In Macri-  
no.

*lique supplicio affici. In Capitolino: Nam & in crucem milites tulit, & seruilibus supplicijs semper*

Lib. III.

*affecit. Ergo Liuium sic euolues: De captiuis, vt quisque liber, aut seruus, suæ fortunæ à quoque sum-* *Liuius il-*  
*ptum supplicium est. Suæ fortunæ: nempe Crux* *lustratus.*

De bello  
Hispan.

*feruo reposita, gladius aut securis libero. Ipsum hoc ita in Hirtio legas: Prehensi serui tres, & vnus è legione vernacula. Serui sunt in crucem sublati, militi ceruices abscissæ. Seruile igitur hoc supplicium, sed non ob leuem aut cottidianam noxam.*

Horatius indicat:

Lib. I.

Serm. III.

*Si quis eum seruum, patinam qui tollere iussus*  
*Semesos pisces, tepidumque ligurrierit ius,*  
*In cruce suffigat; Labeone insanior inter*  
*Sanos dicatur.*

*Causæ*  
*grauiores*  
*ad Cru-*  
*cem.*

Indicat, inquam, graues fuisse & in extremo supplicio extremas causas. Sed quas illas? ægrè vni-

*Vt Dela-  
tio.*

uersas dixerim: quasdam adnumerabo. Delatura domini. Pertinax apud Capitolinum, *eos qui calumniis appetiti per seruos fuerant, damnatis seruis delatoribus, liberauit, in Crucem sublati talibus seruis.* Sic Macrino iam Principe, *συκοφάνται τὲ ἡ δούλοι, ὅτι δεσπότης κατήγελον, ἀνεσκολοπίσθησαν: Syco-*

*Herodian.  
lib. v.*

*Machina-  
tio.*

*phanta, aut serui, quicunque dominos detulerant, in crucem sunt acti.* Et in genere, omnis machina contra dominicam salutem. Paulus: *Si serui de domini salute consuluerint (Mathematicos, intellige:)* summo supplicio, id est Cruce, afficiuntur. Item

*Lib. v.  
Sent.  
Tit. xxi.*

*Fuga.*

Fuga, sed (vt opinor) diuturna, aut repetita. Cicerero tangit: *Quæ Crux huic fugituo potest satis supplicij adferre?* Et Valerius: *Cruce dignissimi fugitui.* Quin Scipio, apud eundem, *transfugas Romanos, tanquam patriæ fugituos, Crucibus affixit.*

*Pro Deiotaro.*

*Lib. ii.  
cap. vii.*

Simile sub Augusto, in Sexti milite puniendo, qui ferè è fugitiuis: *Τὸ μὲν δεδραλθὺς, αἶτ Dio, τοῖς δεσπότης πρὸς τιμωρίῳ ἀπεδόθη· εἰ δὲ τοῦ μηδεὶς κύριος δέσποιετο, ἀνεσκολοπίζετο: Seruitia dominis reddita ad pœnam, quorum domini non exstarent, Cruci sunt fixa.* Quanquam hîc & alia caussa suberat, Hostilitas in rem Romanam. Hæc & plura in seruis: quos mitiores durioresve domini, grauius, mitius, pro arbitrio sunt puniti.

*Dio. lib.  
liiii.*



## CAP. XIII.

*Etiam liberi quidam in Crucem dati, sed viliores aut nocentiores: ut Latrones, Sicarij, Falsarij, atque alibi & Fures.*

**Q**UID autem in liberis? Rara crux, ut prædixi. Quin remouere prorsus ab hoc genere Cruce indigna liberis,

Lib. III.  
Inst. cap.  
XXVI.

Lactantius videatur, vbi de Christo: *Cur si Deus fuit, & mori voluit, non saltem aliquo honesto genere mortis affectus est? cur potissimum Cruce? cur infami genere supplicij? quod etiam homine libero, quamuis nocente, videatur indignum.* Sed frænanda ea assertio est: & ciue quidem indigna

Cruce, nec credo usurpatam in eos nisi præter leges, & per sæuitiam: viliores liberi, & prouinciales, non ab eâ profectò immunes. Atque hæc crimina in ijs cruciaria: primùm, Latrocinium. Se-

Præsertim ciuibus.

Epist. VII.

neca: *Latrocinium fecit aliquis. quid ergo meruit?* Latrones sic puniunt.

*ut suspendatur.* Caue de alio suspendio interpre-

In Satyr.

têre. Petronius: *Imperator prouinciæ iussit latrones Crucibus affigi.* Apuleius: *Latronem istum,*

Lib. III.  
de Asin.

*miserorum pignorum meorum peremptorem, Cruci affigatis.* Callistratus Ictus: *Famosos latrones, in*

L. XXXVIII.  
De pœnis.

*his locis ubi grassati sunt, furcâ figendos compluribus placuit.* Scripserat ille, *Cruce*, ut post docemus.

Cum ipso Seruatore vtrimque secus latrones duo fixi: quos duo Euangelistæ disertè *ληστές* appellant, Lucas paullò communius *κακέργες*. Deinde Sicariatus. Paulus: *In honestiores (sicarios) pœ-*

Lib. V. Sct.  
cit. XLIII.

*Et Sicarij,*

na capitis vindicari placuit, humiliores verò in Crucem tolluntur, aut bestiis subijciuntur. Tertio, crimen Falsi. Firmicus: *Facient in crimine falsi comprehensos in Crucem tolli.* Anne & furtum? ita, sed non Romæ. Lampridius: *Cùm quareretur à regibus, quid apud eos fures paterentur? illi responderunt, Crucem.* Et mirum ni è Gallis Germanisque isti reges, quorum moribus etiam nunc Fures ad furcam. Alia etiam crimina in hanc poenam, ne ambigas: sed ego fileo, quæ testibus aut tabulis non consigno.

Alibi &  
Fures.

Lib. vi.  
Math. cap.  
xxvi.

In Alexan.

### C A P. XIII.

*Quæ causa falsò assignata in Cruce Christi? videri Innovationem & Seditionem esse.*

Christus  
non ob  
blasphemiam  
fiscus.

Potius ob  
regni cupidinem.

CVM hæc vidimus, piè non curiosè quæro, in Seruatore nostro quis prætextus (nam causa nunquam fuit) ad Crucem? Blasphemiam aliquis dixerit, ex vocibus aut iudicijs Iudæorum. Atque ipsi sanè ita apud Pontificem accusant, & huic noxæ testes quærentur, & ipse denique Pontifex eius damnat. Attamen, si legem spectes, hi tales lapidibus, non cruce puniti. An non veriùs ac simpliciùs, totum illud iudicium, etsi iudicij dissimile, Romanis moribus legibusque directum? Mihi videatur. & respondeam damnatum innoxium nostrum agnum, quasi Seditionis nomine & Regni affectati. Certè Romanâ lege, auctores seditionis aut tumultus, pro quali-

Lib. v.  
Paulus,  
Tit. xxi.



Cap. xxi.

*qualitatis dignitate, aut in Crucem tolluntur, aut  
bestijs obijciuntur. Quod autem sic etiam apud Pi-  
latum accusatus, Lucas clarè: Hunc inuenimus  
subuertentem gentem nostram, & prohibentem tri-  
buta dare Cæsari, & dicentem se Christum regem  
esse. Credidit, nec credidit Pilatus: & Titulum ta-  
men causamq; mortis inscripsit, Rex Iudæorum. Apud In-  
Ex Iudæorum quidem libris si rem decidimus, daos noxa  
intricamur. nec vsquam traditum clarè quæ no- cruciaria  
xa ad crucem, nisi quod Philo prodidit de Ho- hodie in-  
micidis. contra quos ait Legislatorem mille mortis certa.  
genera, si potuisset, dilecturum fuisse: cum non po-  
tuit, ἡμεῖς αὐτὸν ἀποδιδάττειν, καὶ δὲ αὐ-  
τὸς ἀνακλονεῖτο: pœnam aliam adiunxit, ius-  
bens homicidas & sicarios crucifigi. Sed tuâ pace  
Philo, vbi hoc Legislator? nusquam expressè. hoc  
tantum vniuersè: Quando peccauerit homo, quod  
morte plectendum est, & adiudicatus morti appen-  
sus fuerit in patibulo. Peccatum non designat: &  
frustrâ credo fore, si quis nunc quærat. Tamen \* In alieno  
Theologi vidento. ego \* ἐν ἄλλοτεῷ χορῷ πόδα & dem non  
τίθωμι. pono.*

Libello de  
speciali  
lege.Deuteron.  
cap. xxi.

## CAP. XV.

*Crux interdum liberè & laxè vagata: in hostes, in  
seditiosos, in Christianos, in feminas denique.*

**I**N hos ergo tales ex ordine & more Crux vsur-  
pata. Interdum regnum ei largius, & præsertim  
apud reges. nam hi ex libidine sæpe ita sæuierunt  
in ho-

in hostes aut rebelles, & vno tempore multos.

Hostes sic  
puniti.

Alexander Magnus vt suprà tetigi, *duo millia Tyriorum*, capta eorum vrbe, *crucifixit*. Alius minu-

Ioseph. lib.  
xiii. Antiq.  
cap. xxi.

Aut tur-  
bidi.

tus Alexander in Iudæa, ἐσιώμετο ἐν δρόπῳ μετὰ τῶν παλλακίδων, ἀνασυνέλαυναι ἀγοσέταξεν Iουδαίων ὡς ὧ:

*Conuiuans in publico & conspicuo loco vnà cūm pellicibus, iussit in Crucem dari Iudeorum ad octingen-*

Ioseph. lib.  
ii. Excid.  
cap. iiii.

*tos*. Quintilius etiam Varus, ex eadem gente, ob nescio quem motum, ἀνεσάυρωσε περὶ διχίλις: *crucifixit circiter bis mille*. At Titus in obsidione illa

Idem lib.  
v. Excid.  
ca. xxviii.

Grandi  
numero  
sape.

exitiali, *quingenos, & plures, in singulos dies Crucibus affixit*: καὶ διὰ τὸ πλῆθος χάρα τε ἐνεδείπειτο τοῖς Στρωγῆς, καὶ Στρωγὶ τοῖς σώμασι: & ob multitudi-

*nem terra Crucibus, & Cruces corporibus deerant*. Nota, nota. historicā hæc fide, non attollendi causā dicuntur, & ab eo qui vidit, Iosepho. Nec ego miseror. abi pessima natio, hæc præmia Cru-

cis illius, quam impiè posuisti nostro & tuo (voluisses modò) Seruatori. Iam & Augustus con-

fecto bello Siculo, *\*sex millia seruorum, quorum domini non exstabant, in Crucem egit*. Et in Chri-

\*Est idem  
quod ex  
Dione su-  
prà cap.  
xii.

istianos Tyranni crebrò adhibuerunt, atque eos

Orosius  
lib. vi.  
cap. xvi.

numerosos. Legō vno tempore, vno loco, *ad mil-*

Martyrol.  
xxii. Iunij.

*lia decem sic interfecta*. Atqui nec à fæmineo sexu

Interdum  
& femina.

abstinuerunt hoc supplicium. & Tiberius, ob adulteratam in templo Isidis Paulinam, τοὺς τε ἱε-

Ioseph.  
xviii. Antiq.  
cap. vi.

ρεῖας ἀνεσάυρωσε, καὶ τὸν Ἰδην ὀλέτης ἡγομένην αἰτίαν: & *Sacerdotes crucifixit, & Idam* (ancillæ nomen)

*qua corruptela causa fuerat*. E Christianis etiam

Beata



Martyrol.  
xii. Febr.

Idem xxii  
Maij.

Beata Eulalia, *ungulas flammâsque perpeſſa*, *de-*  
*munum cruci affixa martyrij coronam accepit*. Sed  
& in Corſicâ, *ſancta Julia virgo crucis ſupplicio*  
*coronata eſt*. Plura in Martyrum historijs exem-  
pla reperies, & ſi voles, addes.

I. L I P S I  
D E C R V C E  
L I B E R . I I .

C A P . I .

*Transitio ad Modum figendi præmiſſum de atroci-*  
*tate huius ſupplicij, quod Summum & Extre-*  
*munum dictum.*



IXI ſatis *Quid* Crux & *Cuiusmo-*  
*di fuerit, Ubi & Quare* uſurpata:  
pergo longiùs, & vniuerſum hoc  
poenale ædificium exſtruo, per  
ſingula etiam membra. Dicam

enim *Quomodo* uſurpata: & non animis ſolùm, <sup>Crudele  
hoc ſup-  
plicium.</sup>  
ſed pænè oculis ſubijciam ſæuitiam & ſœdita-  
tem eius ſupplicij: quæ ſanè magna. Nec temerè

v. in Verr.

Cicero *crudeliſſimum teterrimùmque* appellauit:

In cap. xix.  
Ioan.

& poëta Nonnus

— ἐλέγχισόν ἡναποδμόν: *damnaſiſſimum quod-*

E dam

Summum  
dictum,

Supre-  
mum,

*dam fatum.* Quin etiam Iurisconsulti, nomine *Summi supplicij*, velut ob eminentiam, designant istud. Paulus: *Summo supplicio, id est Cruce, afficiuntur.* Ab eâdem mente *Supremum* Vlpianus dixit: *Si liberi sint, ad bestias dari; si serui, supremo supplicio affici.* cùm enim aliud non exprimat, & de seruis responsum sit, iure capio Crucem. Cur non ignem? inquires: cùm Tertullianus etiam dixerit & censuerit, *Summam ignium pœnam?* Quia ex Iurisconsultorum mente, Crux etiam supra ignem. Certè Paulus hoc ordine *Summi supplicij tria genera* recenset: *Crucem, Cremationem, Decollationem.* Præit, vt vides, Crux: & cum causâ, si infamiam, magnitudinem, & præsertim diuturnitatem pœnarum in eâ attendis. Dicta hæc ipsa *Extrema pœna.* vt in Apuleio de seruo cruciando: *Certum extrema pœna, quæ more maiorum in eum competit.* An & sic Arnobius? *Crucem mereatur extremam, quisquis vobis dominis supplicarit.* Quod tamen etiam laxè, & de peste aut perniciæ capit interpretari.

Lib. v. Sæt.  
tit. xxi.  
L. viii.  
Ad leg.  
Cor. Falsâ.

Ad Marty.  
cap. iiii.

Li. v. Sent.  
tit. xvi.

Et Extre-  
mum.

Lib. x.

Li. i. Adu.  
Gent.

## C A P. I I.

*Duplex figendi Modus, Vulgaris & Rarus. In illo Flagellatio ex more semper anteiuit.*

Diuisio di-  
cendorum.

**S**ED sæui fœdique quid in hoc supplicio fuerit, Modus ipse dixerit: quem graphicè imus repræsentatum. Vt magis possit, partimur, & duplicè eum facimus: *Vulgarem, & Rarum.* Illum, qui



qui receptissimus & quo vulgò utebantur. Alterum, qui magis sepositus, nec in tam assiduo usu. De illo priùs: & quidem ordine hæc tria, *Quæ ante fixationem, Quæ in ipsâ, Quæ post ipsam.* Ante Fixionem duo adhibita: *Flagellatio & Deductio.* Flagellatio quidem sollennis antecessor, & rarò in cruce.

Flagellati  
ante cruce.

Li. XXIII. cem dati nisi sic purpurati. Apud Liuium, de seruis coniuratis: *Multi occisi, multi capti, alij verberati crucibus affixi.* Verberatos ecce prædixit.

Lib. VIII. Alexander apud Curtium, moris huius retinens, eos qui Petram obstinatè defenderant, *omnes verberibus affectos, sub ipsis radicibus Petra crucibus*

Lib. v. Ex-  
cid cap.  
XXIX.

*insit affigi.* Iudæi, apud Iosephum, μαργύροισι & ῥαβδοῖσιν ὡς ποινῇ πᾶσαν αἰνίαν, ἀνέσταντο: *flagellati & præcruciati ante mortem omne genus verberibus, crucifigebantur.* Philo item narrans Iu-

Contra  
Flaccum.

dæos Alexandriæ in crucem actos à Flacco, hoc addit: *ἔτι τὸ αἰνίσασθαι ἐν τῷ θεάτρῳ: postquam flagellati fuissent in theatro.* Sollennis ergo mos, imò lex: & horrendum Carmen disertè canebat: *Verbera intra aut extra pomerium: & tum denique succinebat, Arbore infelici suspendito.*

Apud Liu.  
lib. I.

### C A P. III.

*Flagellorum & Virgarum discrimen. Illa magis vilia, & magis acerba esse. solere & talis asperari.*

**V**ERBERATI igitur: sed vtrum virgis an flagellis? Illas interdum reperio: sed magis crebrò ista. Discrimen enim esse scimus: & quia Vir-

Flagra  
cruciaris  
propria.

gæ honestiores, inhonestissimo huic supplicio  
*Cicero explicatus.* adtributa Flagra. Cicero illudens & cauillans in  
 Labienum: *Porcia lex virgas ab omnium ciuium corpore amouit; hic misericors flagella retulit.* Quo-  
 modo retulit? vnà cum Cruce, cui hæc adiun-  
 cta. Dixi inhonestiora fuisse. Ita, & propriè ser-  
 uorum. Sic apud Terentium

*Terentius,* — *ad necem operiere loris.* S AN. *loris liber?* Adelp. h.

Exclamat & indignatur, vt in re insolenti, quòd  
 libero intentata lora. Et ab hac notâ seruilem  
 conditionem Menæ Horatius opprobrat:

*Horatius,* *Sectus flagellis hic triumphalibus*  
*Præconis ad fastidium.* Epod. Od. IIII.

Significat à Triumuiris (Imperium ijs & animad-  
 uersio in seruos) cæsum flagris publicè, idque sub  
*Vide Fabr. in Semestr.*

*Macer,* præconis voce. Itaque & Macer Ic. tus scripsit,  
*Ex quibus causis liber fustibus, ex his seruum flagel-* L. x. De pœnis.

*lis cadi.* Et Impp. rescripserunt, mulierem habe-  
 re iustas diuortij causas, *si se verberibus, quæ in-* L. viii. C. i. de repud.  
*genus aliena sunt, afficientem maritum probauerit.*

Flagra hæc ipsa intelligunt: quæ cùm ab inge-  
 nuis, tum à fæminis remota maximè. Atque vt  
 nouum & feuerum in Licinio Pontifice narrat.

*Valerius.* Valerius: quòd ei virgo Vestalis, *quia parum dili-* Lib. i. cap. i.  
*gens ignis æterni custos fuisset, digna visa est, quæ fla-*  
*gro admoneretur.* Flagella autem hæc aspera. adeò L. viii. De pœnis.  
 vt Vlpianus scripserit, *ministorum immanitate,*  
*multos sub eiusmodi flagellis interysse.* Et Horri-  
 bile etiam id Horatio visum agnominare:

*Nec* Lib. i. Serm. iiii.



*Nec scuticâ dignum, horribili sectere flagello.*

Quod magis fuit, cum ea insitis talis aut officulis <sup>Flagella</sup> exasperabant. Factum Romæ, atque alibi. Eusta- <sup>taxillata.</sup>

thius dici notat ἀσεραλαλώτας μάστιγας, τὰς δὲ ἀσερα-  
γάλων ἐνεργημάτων καὶ ἀκρογυμνίας: *Flagra talaria,*  
*quæ talis insertis inuolutisq[ue] confecta sunt.* Apud

Lib. IIII. Athenæum quispiam recenset, in Parthis optima-  
tes quoque & Satrapas, vbi visum Regi, ῥάβδοις ἐ-  
μάσιν ἀσεραλαλώτοις μασιγούδαι: *virgis & loris ta-*  
*xillatis cadi.* Apuleius agnoscit, & *Flagrum pe-*

Lib. VIII. *cuinis ossibus catenatum,* scitè appellat. Ille idem

Gallis Matris deûm adscribit. *Arrepto flagro,* in- <sup>Gallis</sup>  
quit, *quod semiviris illis proprium gestamen est, con- <sup>usitata.</sup>  
*tortis taniis lanosi velleris prolixè simbriatum,* &*

*multiungis talis ouium tessellatum,* indidem sese  
*multimodis commulcant ictibus.* Et Plutarchus ap-

Contra  
Coloff.

positè ad eius lucem: Οὐδὲ μάστιγ & ἐλδοθέρας δέο-  
μεν &, ἀλλὰ τὴν ἀσεραλαλώτην ἐκείνην, ἣν οὖν Γάλλοις  
πλημμελοῦντας ἐν τοῖς μηρώοις κολάζουσι: *Nec qui*  
*libera verberationis egeat, sed flagri illius taxillati,*  
*quo Gallos aliquid offendentes in sacris Magnæ ma-*  
*tris coercunt.* An tale aliquod flagri genus, quo

Christus etiam noster cæsus? imaginantur, aut <sup>Christus</sup>  
pingunt per pietatem nonnulli. Haud ego asse- <sup>flagris cæ-</sup>  
ro: sed illud Euangelistæ, cæsum esse & quidem <sup>sus.</sup>

flagro. Sic enim Matthæus, corruptâ ipsâ Latinâ  
voce: Τὸν δὲ Ἰησοῦν φερελλώσας παρέδωκεν ἵνα σταυρωθῇ.

*Jesum cum flagellasset, tradidit ut crucifigeretur.*

Ἰμάθλην, id est, lorum, flagellū appellat Nonnus.

Πιγεδανῇ Χειροῖο δέμας φοίνιζεν ἱμάδιον.  
*Horribili Christi corpus rubescit habenâ.*

## C A P. I I I I.

*Solitos ad Columnam verberari; atque aliàs per  
 viam. De ipsâ columnâ cui sacrum corpus  
 annexum.*

Plurifa-  
 riam fla-  
 gellatio.

Ad co-  
 lumnâ  
 domi.

**S**ED observa. Flagellatio hæc non vno sem-  
 per loco, aut tempore. Aut enim ante Dedu-  
 ctionem utebantur, idque domi: quod in Serua-  
 tore factum. Aut in ipsâ Deductione, per viam:  
 quod moris fuit magis prisce. Si domi, ligabant  
 ferè ad columnam. Firmamenta huic ritui. non  
 tam multa reperio, reperio tamen. Artemidorus  
 ubi somnium narrat serui, qui visus sibi ab hero  
 δέφεσται, *deglubi* & turpiter tangi: addit, *περὶ δε-  
 σεῖς κίονι πολλὰς ἔλαβε πληγὰς: columna alligatus,  
 multas accepit plagas.* Phileas etiam apud Euse-  
 bium, sæuitiam in Martyres, qui Alexandriæ, re-  
 ferens: Ἄλλοι δὲ πρὸς τοῖς κίονιν αἰπὲρ ὄπποι ἐδοῦντο:  
*Alij autem ad columnas vultibus inter se aduersis,  
 astringebantur: & de flagellatione sentit. An &  
 Plautum sic accipimus?*

Lib. vii.  
 Eccl. Hist.  
 cap. x.

Plauto  
 lux.

— Abducite hunc

Bacchid.

*Intro, atque adstringite ad columnam fortiter.*

Id Christo  
 factum.

Ego quidem: etsi ad custodiam modò id factum  
 aliquis pertendat. Sed de Seruatore nostro non  
 ambiguum, pijs quidem & in religione antiquis.  
 Etsi enim Euangelia non exprimunt: tamen se-  
 cuti



cuti Patres. Prudentius clarè, & cum ritus quo-  
 que prisci attestatione: — *atque columna*

Nouo Te-  
 stam.

*Annexus, tergum dedit, ut seruile, flagellis.*

Epist. ad  
 Eustoch.

Hieronymus & suo æuo exstitisse commemorat:

Ibidem.

*Ostendebatur illi (Paulæ) Columna, Ecclesiæ porticum sustinens infecta cruore Domini, ad quam victus dicitur & flagellatus.* Indicat fulcri vsum habuisse in ædificio tēpli: quod ipsum Prudentius.

De Glor.  
 Matt. cap.  
 I I.

*Perstat adhuc, templumq; gerit veneranda columna.*

Etsi Bedæ tempore in medio Ecclesiæ fuisse, ipse

testatur. Meminit huius quoque, & miraculo-

rum per eam, Gregorius Turonensis. Hæc do-

mi flagellatio, & ad columnam: quid per viam?

Lib. III.  
 cap III.

sub furcâ id factum, de quâ in \* loco dicam.

## C A P. V.

*Crucem suam tulisse, aut totam, aut eius partem.*

**A**D Deductionem venio, in quâ duo obser-  
 uo, *Ludibrium & Tormentum.* Ludibrium,

quod ipsi coacti crucem suam ferre, aut certè eius partem: ut verè esset illud quod dicitur, *Suo sibi* <sup>*Crucem humeris ferebant.*</sup>

Lib. II.  
 cap. LXXI.

*iumento malum.* Artemidorus: Βασάλειν ὑπὸ τῶν

δαιμόνων χθονίων κακῆργῶ μὴ ἰδόντι Σταυρὸν αὐτῶν σι-

μαίνεσθαι. ἔοικε γὰρ καὶ ὁ Σταυρὸς θανάτῳ, ὅς οἱ μέλλοντες

συνελθεῖν πρὸς τὸν Σταλῆα: ferre aliquem Deo-

rum inferorum, malefico quidem id videnti Crucem

prodicit. Similis enim est Crux morti; & qui in eâ

figendus, prius eam portat. Plutarchus etiam com-

paratione quadam utili: Καὶ τὸ μὴ σώματι τῶν κο-

λαζο-

De tarda  
 Dei vin-  
 dictâ.

λαζορδίων ἕκαστος τῶν κακῶν ἐνφέρει τὸν αὐτὸς Σταυρὸν, ἢ ὃ κακία τῶν κολασιῶν ἐφ' ἑαυτῷ ἕκαστος ἔξ αὐτῆς τεκταίνε'): *Et corpore quidem quisque maleficorum suam effert Crucem: malitia autem cruciatuum quemque in se, ex se, gignit & fabricatur.* Benè hoc & salubriter Plutarchus: *Ἐ Δὲ de αἷς* (ait quispiam) *quàm malè est extra legem viventibus? quidquid meruerunt, semper expectant.* Sed repono me in gradum. Ferebant Crucem. Atque ita

Petron-  
Satyr.

Fecit  
Christus.

Iohannes de Christo: βασιλῶν τὸν Σταυρὸν αὐτὸς ἔξ-  
ἤλθεν εἰς τὸν λεγόμενον κερανοῦ ἔπον: *baiulans suam Crucem, exiit in locum Calvarie dictum.* Quâ solâ causâ vetera quædam vaticinia aut imagines

Cap. XII

Vates te-  
stati sunt.

Doctores nostri ad Christum trahunt. Vt Tertullianus hoc de Isaaco. *Cum, inquit, Isaac à patre hostia duceretur, & lignum ipse sibi portaret, Christi exitum iam tunc denotabat, in victimam concessi à Patre, lignum passionis sue baiulantis.*

Aduersus  
Iudæos  
cap. x.

Idem in Isaïæ verbis istis: *Cuius imperium factum est super humerum ipsius. Solus, ait, novus rex Christus novæ gloriæ potestatem & sublimitatem in humero extulit, id est Crucem.* Et Christus fanè totam plenamque Crucem tulit. Ni fecisset, quid opus erat auxiliatore & subsequâ, qui adleuasset? Alij non semper totam: atque ideò cautè prædixi, *eius partem.* Nam qui ritu veteri sub furcâ cæsi ducebantur, \* ferebant non nisi istam. Imò interdum nec istam. Pone in arbore aliquâ crucifixum, & subitò: profectò, præter se, nihil tulit.

Eod. libr.

\* Vide lib.  
III.

CAP.



## CAP. VI.

*Deductos cum vexatione, Stimulus etiam actos.*

**T**ORMENTVM etiam in Deductione: quia <sup>Tracti per viam.</sup> trahere, diuexare, & stimulis agere per viam solent. Dionysius de tractione: δι' αἰσῶτος αὐτῶν μα-  
 σιγέρμον ἐκέλευεν ἔλκειν: *per forum flagellatum ipsum, trahere eos iussit.* Nec dubium est quin im-  
 pulerint, deiecerint, erexerint, per sæuitiam aut per lusum. De Stimulis etiam non temerè addo. <sup>Et stimulis fessi.</sup> & apertè auctor adfirmandi Plautus, apud quem conferuo feruus:

Lib. vii.  
Antiq.

Mostellar.

*O carnificinum cribrum! quod credo fore,  
 Ita te forabunt patibulatum per vias  
 Stimulis, si noster huc reuenerit senex.*

Plautus il-  
lustratus.

Afinar.

Habes *Stimulos*, idque in *Patibulato* (ad furcam astricto) & *per vias*. Iungit iterum cum *Cruce* Plautus: *Stimulos, Laminas, Crucésque*. & aliàs meminit, sed sic vt seorsim eos fuisse sciamus inter cruciatus & tormenta, sicut laminas & ignes. Pictores nostri (nec heri, aut hodie) asserculum siue tabellam imæ Christi vesti appingunt, quæ clauis præacutis confita pedibus calcibúsq; eun-  
 tis illidatur: nunquid alludentes ad hanc Destimulationem? quæ tamen stimulis alijs facta. quos oblongos, siue è sudibus præacutis, siue & ferro præfixis gestabant ad hunc vsum. Sumptum à bubus, quos sic exstimulabant. Sed nisi ea Pictorum mens, ipsi vidento: ego inuenticulæ eius nec auctor sim, nec interpret.

## CAP. VII.

*In ipsa Fixione nudi in crucem dati: an altam, an in terrâ depositam? id quæsitum, & utrumque firmatum.*

*Nudari  
ante fixio-  
nem.*

**I**STA sunt quæ Ante fixationem: nunc quæ In ipsâ. Tria considero, *Suspensionem, Astricti-  
onem, Inscriptionem.* Suspendio præit, & ante illam etiam Nudatio. quia simul ad crucem ventum, spoliabant hominem, & sic in eam dabant. Receptum hoc in plerisque supplicijs, velut Naturæ suasu, quæ nudos induxit in vitâ & educit: etiam in isto. Artemidorus: Στρωγυδα ἀγαθὸν τῷ πένητι. καὶ ὃ ὑψηλὸς ὁ σωρωθεὶς. ὅτι δὲ πλοῖσι βλάπτει. γυμνοὶ δὲ σωροῦν. *Crucifigi bonum pauperi, quia sublimis est crucifixus: noxium verò diuiti, quia nudi crucifiguntur.* In Christo factum hoc obserues: quem Euangelistæ narrant recepisse vestes post flagellationem iam deducendum, & posuisse iterum deductum. Ergo nudi dati in crucem: sed

*Lib. I. r.  
cap. LVIII.*

*Quomodo  
in crucem  
dati.*

*Pro Iac-  
cente.*

Iacentem an Erectam? Pro Iacente, Acta vetera de Pionio Martyre: *Ultrò se vestimentis spoliavit, & in calum suspiciens ac Deo gratias agens, super lignum seipsum extendit, militique tradidit ut clavis configeretur.* Satis clarè: atque etiam mox clariùs: *Eum igitur ligno fixum erexerunt.* Dici nihil potest, quin fixio hîc in Iacente facta fuerit, quæ post erecta. Et ratio etiam aliqua suadet. Nónne enim faciliùs hominem sic affigere supinum & incli-



inclinatum: quàm tollere in erectam, pendulum, labentem, fortasse & reluctantem? Videtur. Tamen quòd in Erectam, plusculi adfirmant testes. Pro Sublata.

Lib. v.  
in Ver.

Cicero in Gauianâ cruce describendâ: *Quid attinuit, cum Mamertini more atque instituto suo Crucem fixissent post urbem in viâ Pompeiâ, te iubere figere in viâ qua Rhegium spectat?* Et verba & rei seriem vide, obseruabis fixam primò crucem, & tum in eam datum. Idem in Rabirianâ: *In campo Martio Crucem ad ciuium supplicium defigi & constitui iubes.* Stabat iam defixa, dum caussa diceretur, & cruciarium suū expectabat.

Cap. IX.

Lib. VII.  
Exc. Iud.

Galba apud Suetonium, cuidam inclamanti se ciuem Romanum esse, *multo prater ceteras altiorē & dealbatam crucem statui iussit.* Statui, ac tum suffigi. Iosephus de Iudæo quodam à Romanis capto: *Ο ὁ Βάσις ἀγορεύει καὶ τὴν νύκτι Σαυρὸν, ὡς αὐτίκα κρεμῶν τὸν Ἑλεάζαρον: Bassus iussit defigi crucem, tanquam statim suspensurus in eâ Eleazarum.*

In cap. VI.

Denique & libro Esdræ: *Ut omnis homo qui hanc mutauerit iussionem, tollatur lignum de domo ipsius, & erigatur, & configatur in eo.* Vtrobique hîc erectio, fixationem antecedit. Nec video quid obduci possit: nisi istud infirmum, statutas quidem, sed sub aduentum noxij iterum demissas. Quis credat? aut irriti laboris quæ ratio? Abnuunt etiam phrasēs veteres, quas scimus plerumque adsimiles rebus ipsis: Dicunt enim *Tollere, Agere, Ferre, Dare* in crucem: quæ omnia Reiectio cauilli.  
  
Iterum pro Sublata.

elationis sunt aut molitionis. Item in ipsis fontibus, *Excurrere, Ascendere, Salire* in crucem: quæ mihi videntur conuenire non nisi in Erectam. Priorum phrasium exempla nota atque obuia sunt: posteriorum cape ista. Plautus:

*Ego dabo ei talentum primus, qui in crucem excucurrerit.* Mostellar.

Prudentius.

Plautus.

*Crux illa nostra est, nos patibulum ascendimus.* Περὶ σεφ. Hymn. x.

*Credo herclè adueniens nomen mutabit mihi,* Bacchid.

*Faciet q̄, extemplo Crucisalum me ex Chryfalo.*

Sed & testes, in ipsâ narratione, pro Erectâ. Nonnus de Christo:

Εἰς δόρυ τετραπλῆδες, ἐπ' ὅρον, ὕψ' ὅτε γαῖης  
Ορθιον ἐξεγάνυας δὺ.

*In lignum quadratum, altum, terrâque leuatum, Rectum extenderunt.*

*Extentum* manifestò ait *sublimem, & super terram.*

De eodem eadem Nazianzenus versibus luculentis: In Christo patiente.

Αὐτίχ' ὁμιλος ἐρανοδρόμῳ ξύλῳ

Ἀνῆγον, ἤγον, ἤγον εἰς ἄκρον τέλ' ὦ.

Ορθὸς δ' ἐς ὀρθὸν αὐτ' ἐρ' ἐστηρίζετο.

Εἰς κλῶνα δ' ἐγκαρσίον ἄλλον οὐδέως

Εἴπειναν, ἐξέτφναν, ἤλωσαν χέρας,

Πόδας δ' καθήλωσαν ἐν πηκτῷ ξύλῳ.

\* Neque scio an ipsa Tragedia Germana Nazianzeni,

Quorum versuum (haud sanè \* optimorum, liberè dicam) hæc sententia. *Ductum & subductum in altam crucem, ad ultimum eius finem: rectum ita statutum: tum ad transversarium lignum manus fixas: denique & pedes ad stipitem defixum.*

Atque



Atque ista pro Erectâ. In dissensu autem nos quid definimus? consensum, quâ licet. Dicimus vtrumque vsurpatum, sæpius tamen hoc postremum. Imò interim necessariò hoc postremum. Pone enim in arbore suspensos (sæpe factum:) quomodo demitti ea potuit, & tunc attolli?

## CAP. VIII.

*Clavis figi solitos, interdum funibus adstringi.*

SEd iam ad *Adstrictionem* transeo; quæ facta clavis, aut funibus, sed plurimùm illis. Seneca nominat: *Cum refigere se crucibus conentur, in quas unusquisque vestrûm clauos suos ipse adigit.* Ita legendum, *non adijcit.* Illi, inquit, conantur tollere se de crucibus suis: vos contrâ, magis magisque affigitis, & clauos adigitis in lignum. Meminit & Apollo in oraculo quopiam, de Christo:

Γόμοις καὶ σκολόπεσι πικρὴν ἀνέτλησε τελευτήν:

*Clavisq; ex palis mortem exantlauit acerbam.*

Loquitur de hac eius morte per crucem: quia, vt Artemidorus ait, ἐκ ξύλων καὶ ἥλων γέγονεν ὁ σω-  
 εὖς: *ex lignis ex clavis crux confecta est.* Atque ab hac re Græcis passim ipsa crucifixio, *παραθήλωσις* dicta: quasi dicas *clavi-fixio*. Vlpianus in Demosthenem explicat *παραθηλωθαι*, *Σταυρῶ παραθηλῶσθαι* τῶν ἥλων: *cruci affigi clavis.* Et fortasse eò respexit Strabo cùm de Cantabris dixit, ἀναπεπηγότες ἐπὶ τῶν Σταυρῶν: *suffixos in crucibus.* Ergo de clavis cer-

Devit.  
beat.  
cap. xix.

Apud La-  
ctant. lib.  
iiii. cap.  
xiii.

Lib. ii.  
cap. lviii.

Contra  
Mid.

Lib. iiii.

tum: an etiam de funibus? sunt exempla. Aufonius suum Cupidinem facit

*Deuinctum post terga manus, substrictaq; plantis  
Vincula marentem.*

Et communi ligandi verbo in hac re Artemidorus vsus: Σταυροῦνται, inquit, ἀνδρὶ ἀγάμω γάμον ἀγοράσασθαι διὰ τὸν δέσιν: Crucifigi (in somnis) viro calibi nuptias designat, ob ligaturam. quia scilicet ligno iungitur copulaturque. Plinius inter magicas ineptias *Spartum* etiam è cruce numerat, id est sparteos funes. Quid, quod D. Andreas ita alligatus? Abdias apertè, & caussam etiam addit: *Proconsul mandat questionariis, ut ligatis manibus & pedibus, non clavis affixus suspenderetur, quo diutino cruciatus deficeret.* Ex quo colligas, habitum id magis sæuum. Et si prima fortasse crucifixio talis, & in Liuij priscis scriptisque libris legas: *Arbori infelici recte suspendito.* Recte, inquam, additur: quod tamen heri ac nuper eiecerunt correctores. An sic quoque appensi latrones bini, qui cum Christo? Vulgò sentiunt, nec aliter pingunt. Tamen falsò: quia illi, pariter ac Christus, fixi. Nonnus adfirmat.

Lib. II.  
cap. LVIII.

Li. XXVIII.  
cap. IIII.

Lib. III.  
Hist. Apo.

Lib. I.

In cap.  
XIX.

κέντροις ἀντὶ ὑποποισιν ἐπὶ Σταυροῖο δεδεμέναις:

*In cruce præduris clavis fixi, inque ligati.*

Et magis Historia prisca, quæ est de Helena Constantini matre. Ea cùm venisset sacra & Deo homini trita loca, cupidine visendi & venerandi: de cruce etiam inquisiuit nostra illâ seruatrice. Fodit



dit, tres reperit, ac diu animi anceps hæsit quæ esset illa vera. Nam Titulus, quo dignosci potuisset, iacebat seorsim disiectus. Denique miraculo & diuina indicatione opus fuit ad discernendum. Quid autem opus, si vestigia clauorum modò in vnâ? Argumentum certum est, & res ipsa per Ecclesiæ annales.

## CAP. IX.

*In quibus partibus clauī, & quo numero?*

**C**LAVOS autem istos, siue & funes, in manibus pedibusque fuisse satis notum. Nonnus de Seruatore:

καὶ ποσὶ καὶ παλάμησι σιδήρεα κέντρα κομίζων:

*Et pedibus manibusque ferens stimulos ferratos.*

Adu. Iud.  
cap. x.

Tertullianus de veteri vaticinio: *foderunt manus meas & pedes, quæ propria atrocitas crucis.* Habent atrocita libri scripti: & rectè, vt amat loqui ille, scriptor. At quàm multi isti clauī? enimuerò dissident. Alij de ternis asserunt. vt Nonnus, qui Christum depingit

*Quot clauī in pedibus.*

— ἀμετρήτῳ ὃ πεκαρυμένον ἄζυγι γόμφῳ

Διπλόον ἥτορ ἔχοντα μὴ τέτσημένον ἐρμῇ,

Ποσὶν ὁμοπλεκέεσσιν.

*Tres quidam volunt.*

Facit ecce magno & singulari clauo pedis vtriusque *pectusculum transfigi, & quidem uno ictu, idque pedibus mutuò impositis & complicatis.* Clarum est. etiam illud Nazianzeni, pariter de Christo, vbi cruce deponitur:

In Christo  
patiente.

Γυμνὸν

Γυμνὸν τεσσάρῳ κείρῳ ξύλῳ λαβὼν:

*Nudum triclauis repositum ligno auferens.*

At contrà tamen tendunt alij, & suggerunt quaternos. De eodem Christo Gregorius Turonus:

De Glor.  
cap. vi.

Alij quatuor.

*Clauorum dominicorum, quòd quattuor fuerint, hæc est ratio. Duo sunt affixi in palmis, & duo in plantis.* Sed & Cyprianus melior maiorque auctor

Serm. De  
Passione.

*πληθυντικῶς* scripsit: *Clauis sacros pedes terebrantibus.* Quid, quod Plautus ex more astruere videtur tantos?

*Ego dabo ei talentum, primus qui in crucem ex-*

Mostellar.

*cucurrerit,*

*Sed eâ lege, vt affigantur bis pedes, bis brachia.*

In Plauto  
noua ex-  
plicatio.

Nisi is tamen ibi sensus. vt seruulus ad maiorem quasi cautionem, & ne facillè se reficeret, voluerit non semel manus pedesque, sed bis singula figi: ita inquam, vt bini in quoque membro essent clauis.

Pluribus  
clauis fixi.

Quàm magis considero, tam magis hoc dictum censeo: cùm id quoque reperiam, per sæuitiam multiplicatos alibi clauos. Vt in Martyro-

logio: *Agricolam plurimis clauis Cruci affigentes interemerunt.* Interdum & in aliâ corporis parte. In eodem Martyrologio: *Philomenus manibus*

IIII. No-  
uembr.

*pedibusque, ac demum capite clauis confixo, martyrium consummauit.* Itaque si morem veterem vides; arbitrium fuit de clauis, & frustra litigemus. Si de Christo tamen quæritur; nescio, & in

XXIX. No-  
uembr.

disсенсу Patrum non est meum arbitrari.

C A P.



## CAP. X.

*Ordo & modus affigendi. An lignum aliquod in Cruce suppedaneum?*

**A**D D O magis de figendi modo. Is fuit, vt <sup>Manus primū fixa.</sup> manus primū figerent, inde pedes. Graphicè Lucianus in Dialogo vbi Prometheus figitur. Vulcanus Mercurio loquitur: Αναστροφάτω, ἐνπελάδεῖς τὰ χεῖρε ἀπὸ τοῦτοῦ πρὸς τὸ ἐναντίον: *Crucifigatur, ex tensus ambas manus ab hac parte in aduersam.* Atque initium à manu dextrâ. Ibidem Mercurius Prometheo: Ἀλλ' ὅρεγε τὴν δεξιάν. σὺ δ' ὦ Ηφαισε, κατὰ κλῆε, καὶ πρὸς ἡλκ, καὶ τὴν σφύραν ἐρρωμύως καλὰ φερε· δὸς καὶ τὴν ἑτέραν, κατὰ κλῆφθω δὲ μάλα καὶ αὐτή: *Sed præbe dexteram. tu autem Vulcane, astringe, & confice, & malleum fortiter demitte. Da & alteram, quò illa etiam rectè astringatur.* Tum itum ad pedes. Sed ambigas, Manúsne fuerint toti moli ferendæ? Appâret enim <sup>An ferre potuerint pendulum corpus?</sup> corpus omne (præsertim si quis pedes inflecteret) pependisse à manibus solis. Ego ita arbitror. Quidni? Duræ & neruosæ illæ partes, & lentæ frangi. Fortasse nec in mediâ semper manus volâ <sup>An semper in ipsâ volâ fixior?</sup> clauī fixi, sed superius paullò quâ cum brachio coit, id est circa carpum. Plautus facit suspicari, qui disertè scribit *brachia offigi*, non manus. Sed puto equidem amplius. si corpus grauius, aut manus tenuior; adminiculum sæpe fuisse funes. Illos quoque additos, & circa humeros aut pe-

G ctus

De tabellâ  
suppeda-  
neâ.

Etus medium, ad crucem astrictos. Hoc malim, quàm cum alijs asserculum siue tabellam inducere, in quâ innixi & fixi simul pedes. Nimis accurata ea fabrica, imò delicata. Tamen in Christi cruce Gregorius Turonicus agnoscit; quâne fuit, an quia piè imaginatus est? Ipse quidem sic: *In stipite erecto foramen factum manifestum est. pes quoque parua tabula in hoc foramen insertus est: super hanc verò tabulam, tanquam stantis hominis, sacra affixa sunt planta.* Nec scio an illuc Innocentij hæc referenda: *fuerunt in Cruce dominicâ ligna quattuor, stipites erectus, & lignum transversum, truncus suppositus, & titulus superpositus.* Nam vidi qui de *Trunco* sic acciperent: etsi vox videtur abnuere: quæ parùm apta ad minutam illam tabellam. Verba etiam plura & sequentia Innocentij cùm examino, sentire eum dixerim non de hac impositâ, sed verè (vt loquitur) *supposito trunco*, è quo ipsa crux surgat. Ita enim sensisse videtur: truncum aliquem fuisse, siue fulciendæ cruci in imo appositum (αὐτὴν ἐπὶ δὲ τῇ Græci id genus obliqui sustentaculi vocant;) siue sub ipso recto stipite in terrâ, cui ille immissus, vt firmior staret. Neque ego assero id factitatum: sed mentem scriptoris pono. Trahunt etiam Irenæum istuc, qui crucem sic deformat: *Ipse*

De Glor.  
Mart.  
cap. vi.

Serm. i. de  
vno Mart.

Lib. ii.  
cap. xlii.

*habitus crucis fines & summitates habet quinque. duos in longitudinem, & duos in latitudinem, & unum in medio ubi requiescit qui clavis configitur.*

En,



En, inquiunt, medius ille finis tabella est in quâ corpus requiescit. Fateor verba huc ire, nec temerè contenderim de alienâ mente. Tamen Iustinus martyr, è quo sumpta hæc videntur, sic de isto fine: Καὶ τὸ ἐν τῷ μέσῳ πηγνύμενον ξύλον ὡς κέρας & αὐτὸ ἔχον ἐς ἑν, ἐφ' ᾧ ἐποχοιῶται & σταυρούμενοι: Et illud in medio defixum lignum, ut cornu ipsum etiam eminet, in quo feruntur & quasi inuehantur, qui crucifiguntur. Cornu id appellat, & notare vult: quomodo aptè in planâ hac tabellâ? Videntum ne vterque ille scriptor aliud intellegat à iam dicto sensu. Diuidunt crucem in quinque

Vide sup.  
Lib. 1.  
cap. viii.

Aduers.  
Tryph.  
Iud.

Lib. vii.  
adu. Marc.  
cap. xix.



fines (Apices Tertulianus scitè appellat) quattuor illos, qui noti sunt & incurrūt: quintum, quem in mediâ cruce collocant, vbi lignū transversum scindit transitque stipitem defixum. Hac consideratione, quinque sunt fines: & vnus ille stipex (sed sectus) facit ternos. Quod autem aiunt inuehi & requiescere: verum est. corpus acclinatur ei &

quasi innititur à tergo. Augustinus hoc sensu scripsit, *Longitudinem crucis à terrâ surgentem, cui corpus erat infixum*. An totum corpus? imò pedes tantum, quod liquet: sed adfixum innixumque intellegit, nec scio an *innixum* scripsit. Tamen in picturis sculpturisque etiam priscis vestigium tabellæ huius exstare audio: non ergo temerè spreuerim. non certè à Christi cruce: de alijs, audacius. Quodenim vestigium in scriptoribus antiquis?

Vide sup.  
lib. i.  
cap. x.

## CAP. XI.

*De Titulo, quid is Latinis? quomodo ascriptus, aut prelatus.*

Titulus  
quid Latinis?

**P**OST Astrictionem *Inscriptio*. Quid ea est? Causa supplicij, & ipsum crimen, & Romanâ voce *Titulus*: quâ & Iohannes est usus. Atque item Nonnus:

Γράμμα, τῆς καλέσαι Λαλῶντι Τίτλον ἰωή.

In ca. XIX.

Mathæus Αἰτίαν benè & signanter dixit. Glossæ Græcanicæ veteres: Αἰτία, *caussa, materia, titulus*. Eadem Latinæ, *Titulus*, ἐλέγχιον. Latini etiam passim pro causâ. Vt poëta:

*Et poteris titulum mortis habere mea?*

Lib. IX.  
cap. XII.

Valerius: *Fine vitæ nostræ variis & occultis causis exposito, interdum quadam immerentia supremi facti titulum occupant*. Atque hic Titulus præferri aut apponi solet damnatis. Præferri, ut in Suetonij Caligulâ: *Præcedente titulo qui causam pœne*

Cap.  
XXXVIII.

*indica-*

Damnatis  
anteferri  
solitus.



*indicaret, per cœtus epulantium circumducitur.*

Apud Eu-  
seb. lib. v.  
cap. i.

Epistola Lugdunensium, de Attalo Martyre: Περὶ  
εὐχαρίστας κύκλῳ τῶν ἀμφοτεράων, πίνακα αὐτὸν περ-  
γούτος, ἐν ᾧ ἐγγράφω ῥωμαῖσι, Οὕτως ἐστὶν Ἀτταλὸς ὁ  
χριστιανός: *Circumactus per Amphitheatrum, tabellâ  
ipsum præunte, in quâ Latine scriptum, Hic est  
Attalus Christianus.* Sed & appendi, aut apponi

Vel ijs  
apponi.

Cap. x.

*damnatis solet. Suetonius Domitiano: Patrem-  
familiâs detractum è spectaculis in arenam canibus  
obiecit cum hoc titulo, Ἰμπίε locutus parmularius.*

Declamat.  
cccii.

Quintilianus ostendit Gladiatores quoque sic  
productos: *Quidam ut patrem sepeliret, auctora-  
uit se. Die muneris productus sub titulo caussæ, ru-  
dem populo postulante accepit. Sed facit propriè ad  
Crucem Dionis locus, de seruo, quem Dominus  
agi in crucem, idque per forum iussit: καὶ γραμ-  
μάτων τῷ αἰτίῳ τὸ θανατώσεως δηλώων: Cum litte-  
ris (siue Titulo) quæ caussam mortis aperirent. Sæ-  
pe etiam neglecto aut spreto titulo contenti Su-  
perditione fuerunt, id est ut Præconis præeuntis  
voce populo id nunciaretur: de quo more alij, &  
ego aliàs.*

Loco eius,  
sæpe vox  
præconis.

Lib. lxxxii

## C A P. XII.

*Post fixationem, quomodo mortui in cruce? languore,  
aut fame. Vitalitas quorundam.*

**B**E NE iam & fideliter fiximus: quid Post fi-  
xionem? hæc tria, *Mors, Corruptio, Custodia.* Mors, lenta, molesta, & vel à stillante pau-  
latim

Mors va-  
ria in Cru-  
ce, sed ferè  
lenta.

G 3

latim

latim sanguine, vel à fame. Quid si etiam ab auium ferarumque laniatu? videbimus, & singillatim diducemus. De sanguine quem demittebant fixi, clarum est, nec testimonij eget: & tum eâ causâ, tum ex acri verberatione quæ præiuerat, credo inualidiores multos obijisse. At de fame, Eusebius vbi Martyres narrat crucifixos in

Ægypto: Τηρμενοί τε ζῶντες, εἰσότε ἑπ' αὐτῶν ἰκεῖων *Lib. vii. x.*  
 λιμῶ διαφθαρείεν: *cap. vii. x.* *Et seruati sunt viui, donet in ipsis*

*Plasculos  
dies qui-  
dā vixere.*

*patibulis fame morerentur.* Itaque legas quosdam diu in crucibus vixisse, vt ingenitum scilicet ro-

bur erat, aut vires. Beatus Andreas *in Cruce sus-* *Martyrol.*  
*spensus, in eâ populum docens, (ô athletam Deo di-* *xxi. Nou.*

*gnum!) biduo superuixit.* Victorinus sub Neruâ, *Martyrol.*  
*iussus suspendi capite deorsum, ita per triduum vi-* *v. Septem.*

*xit.* Quod fanè miror in schemate illo minimè apto ad longam vitam. Magis etiam istud: quòd

*Loquentes  
& sermo-  
cinantes.*

*Timotheus & Maura in Cruce nouem diebus viui* *Martyrol.*  
*pendentes, ac seipsos in fide corroborantes, marty-* *xii. Maij.*

*rium consumpserunt.* Vnde hæc vis aut vitalitas,

nisi à vitæ ipso fonte? Quamquam & alij quidam animosè egisse in extremis istis rebus legan-

tur. velut Bomilcar ille apud Iustinum: *qui pati-* *Lib. xxi.*

*bulo suffixus in foro medio, magno animo crudeli-*

*tatem ciuium tulit: adeò vt de summâ Cruce, veluti*

*de tribunali, in Pœnorum scelera concionaretur.*

Quidam etiam petulanter: vt proteruuli apud

*Alij illu-  
dentes.*

Senecam, *qui ex patibulo spectatores suos conspuunt.* *De Vit.*

Atque etiam adnotaui, quosdam miseratione *beat.*  
*cap. xix.*

Prin-



Principis, aut Magistratum è Cruce ablatos, post vixisse. Iosephus in vitâ suâ recitat: *Redibam, inquit, è vico quodam, & vidi multos ex hostibus (Iudæis) crucifixos: & tres ex ijs adagnoscens, cum quibus antè mihi consuetudo, valdè in animo dolui, & cum lacrimis progressus, dixi Tito. Ille, autem statim depositos eos mandat diligentissimè curari, atque ex ijs duo inter ipsam curam obierunt, tertius supervixit.*

## CAP. XIII.

*Quosdam à volucris, aut feris etiam viuos laceratos, & plerosque omnes mortuos. interdum & lanceis interfectos.*

**A**T de laniatu etiam addidi, & causam illam quoque feci mortis. Haud temerè. quia sic ligati, & cùm se non commouerent, dati reuera \* ἐλώεα, vt cum poetâ dicam, κύνεςσιν Οἰωνοῖσι \* canibus laniena  
Atque auibus cunctis

ἐπὶ σφ.  
Hymn. xi.

τε πᾶσι. Atque id etiam viui. Prudentius:

— *CruX illum tollat in auras,  
Vinentesque oculos offerat alitibus.*

Lib. i.  
epist. xvi.

Horatius aspexit:

*Non hominem occidi. non pasces in cruce coruos.*  
quia sicarij scilicet & homicidæ dari solent in crucem. Item Iuuenalis:

Horatio  
lux.

*Vultur iumento, & canibus, crucibusque relictis  
Ad foetus properat, partemque cadaveris affert.*  
Quin reperio in sententiâ iudiciali quoq; id aliquan-

Iuuenalis.

quando expressum. Actis Martyrum: *Claudius, Asterius, Neon, cruci affigantur, & corpora eorum auibus laceranda relinquantur.* Itaque Apuleius

Lib. v r.  
De Afri-  
in fine.

Apuleio.

proprium hunc refert *Patibuli cruciatum, cum canes & vultures intima protrahunt viscera.* Addit autem & *Canes*: & discas licet cruces non semper fuisse per-altas. Quomodo enim, si canes attingerent, atque etiam lupi? Nam & hos Catullus addit in Epigrammatico, quod mihi quidem non nisi circumlocutio videtur cruciariæ huius mortis.

Opinio de  
Catulliano  
Epigram-  
matico.

*Si Comini arbitrio populi, tua cana senectus  
Spurcata impuris moribus, intereat:*

*Non equidē dubito, quin primū inimica bonorum*

\* Fortasse  
exserta.

*Lingua \* exserta auido sit data vulturio:*

*Effossos oculos voret atro gutture coruus,*

*Intestina canes, cetera membra lupi.*

Lanceis  
transfixi  
quidam.

Istæ mortes. nisi quod interdum lanceis etiam transuerberatos lego, an ad accelerandum fatum, an explorandum? Illud fuit in Marcelliano & Marco: *quibus ad stipitem ligatis in pedibus eorum affixi sunt clavi; cumque transisset vnus dies & nox, iussit ambos (Fabianus iudex) lanceis per latera verberari.* At istud in nostro Domino; cui miles iam mortuo lanceâ latus aperuit, scilicet periculum an bonâ fide obijisset.

Martyrol.  
xviii.  
Iunij.



## CAP. XIII.

*Crurifragium à Cruce remotum. Quid fuerit, in quos receptum, & quomodo?*

**N**ON autem & crura ijs fracta, inquires, atque ita interempti? Vulgò inualuit hæc opinio, sed vulgò. Qui penetrant & examinant, <sup>Crura non ijs fracta.</sup> vident disparata hæc supplicia & seorsim fuisse. Induxit vulgum, quòd in sacrâ historiâ latronibus duobus crura fracta leguntur. Atqui sciant pro moribus Iudæorum id fuisse; atque illic fortasse tantùm. <sup>Nisi forte in Iudæa.</sup> Lactantius monuit: *Suffixus itaque Christus cum spiritum deposuisset, necessarium carnisces non putauerunt ossa eius suffringere, sicut eorum mos ferebat.* <sup>Cur ibi</sup> Ait cautè eorum mos: nempe Iudæorum. Et cur hoc Iudæi? ne fraus legi fieret, quæ iusserat ad Solem occasum suspendiosos deponi. At deponi nisi mortui non debebant: diutius autem plerique viuebant: ergo hac, aut aliâ viâ mors festinanda. Aliâ etiam dico viâ: nec crediderim fuisse hanc solam. Lex quam tango, est in Deuteronomio, & vertit sic doctor Afer: *Si autem fuerit in aliquo delicto, ita ut iudicium mortis sit, & morietur, & suspendetis eum in ligno, sed & sepulturâ sepelietis eum ipsâ die.* Ergo Crurifragium propriè nihil ad Crucem: tamen quia se ingerit, & vile, atque item sæuum est iuxtà crucem, breuiter de eo dicam. Vox ipsa proba & vetus. Glossæ priscæ: *Crurifragium* <sup>De Cruri, fragiq.</sup> *οκελοντια*. atq;

H

alibi

Lib. III.  
cap. xxvi.

Tertull.  
adu. Iud.  
cap. x

alibi *Crurifrangium* rectè etiam scribunt. Nam *Tago* & *Tango*, & *Frago* & *Frango*, dixerunt: sed prior scilicet scriptio magis pro archaïsimo. Diuinitas elegantiae gratiâ Apuleius: *Uxor diras in eum deuotiones deprecata, & crurum eius fragium, abominata. vbi adominata* pro vero magis & pro sensu. Ipsa res antiqua, & iam Plauti, & antè æuo, passim *Crurifragium* minati seruis. In eius *Afinariâ*:

Lib. ix.  
de Afin.

— *Crura herclè offringentur,  
Age impudice, nisi istum percies.*

Afinar.

Ferè in  
seruos.

Et credam, vt crucem ipsam, peculiare fuisse seruis. Seneca: *Magnam rem sine dubio fecerimus, si seruulum infelicem in ergastulum miserimus. Quid properamus verberare statim, crura protinus frangere?* Suetonius Augusto: *Thallo à manu, quòd pro epistolâ proditâ denarios quingenos accepisset, crura effregit.* Idem in Tiberio: *Utrique mox (ministro cuipiam, & tibicini) quod mutuò flagitium exprobrassent, crura fregisse.* Ergo in seruis: sed ita, vt liberi non immunes. siue in crimine, siue potius per sæuitiam vindicantis. Ita M. Mario Graciliano Cornelius Sulla *perfringi crura, erui oculos, amputari manus iussit.* Et Spendiani rebelles in Africâ, cum Poenorum optimates cepissent, *Κολοβώσαντες, καὶ Λωπεύσαντες τὰ σκέλη, ἐπὶ ζωτὰς ἔρριψαν εἰς τινὰ τάφρον: admutilantes, & crura conterentes, adhuc viuos proiecerunt in foveam aliquam.* Et in Martyres nostros plurifariam sic sæ-

De Ira. iiii  
cap. xxxii.

Cap. lxxvii

Cap.  
xliiii.

Interdum  
& liberos.

Sen. de  
Ira iiii.  
cap. xviii.

Polyb. i.

Martyres  
sic occisi.

uitum.



Lib. VII.  
cap. XII.

III.  
Martij.

XXII.  
Maij.

Tom. v.  
die VII.  
Septembr.

\* Lib. III.  
cap. XIII.

uitum. Eusebius de his quæ in Arabiâ aut Cap-  
padociâ: τὰν Μαρτύρων τότε πέλυξιν ἀναιρουμένων, ὅ-  
τε ἢ τὰ σκέλη καὶ γυνυμένων: *Martyribus aliâs se-  
curibus interfectis, aliâs Crurifragio punitis.* Mar-  
tyrologium memorat *Hadrianum Nicomedia,*  
*cum aliis vigintitribus, omnes sub Diocletiano mar-  
tyrium crurifragio consummasse.* Idem de pluribus,  
atque innominatis: *Commemoratio S S. Marty-  
rum, qui in persecutione Maximini fractis cruri-  
bus necati sunt.* Et sæpius: *Modus huius suppli-  
cij, ut incus cum malleo, vel vecte ferreo inferretur,*  
*ac tibiae incudi imponentur,* validis ictibus sic  
frangendas. Colliges ex Actis Martyrum priscis,  
quæ Surius vulgavit. Sublatum hoc supplicium à  
Constantino Victor asseuerat, de quo in \* loco.

Ratio  
frangendi  
crura.

## CAP. XV.

*Corrumpi in cruce passi sunt, & nefas sepelire.*

**C**ORRVPTIO iam post Mortem. Quam sic  
intellego, quòd nec mortuos deponerent,  
sed tabo illic passi sunt diffluere, & à Sole ac plu-  
uiâ corrumpi. Valerius impresè hoc narrat de  
Polycrate, qui ab Oroete cruci affixus: *Equâ, in-  
quit, putres eius artus, & tabido cruore manantia  
membra, atque illam leuam, cui Neptunus annu-  
lum manipulatoris restituerat, situ marcidam, Sa-  
mos latis oculis aspexit.* De quo ipso Afer noster,  
ut solet, succinctè: *Polycrati Samio filia Crucem*

Corrupti  
in Cruci-  
bus.

Lib. VI.  
cap. IX.

Tertul. De  
Animâ.

Tertullianus explicatus.

*prospicit de Solis unguine & lauacro Jouis. Tangit historiam, & somnium quod in Herodoto, & tu ab eo pete. Sed hæc mens somnij, sublimem in cruce madidandum à Ioue cum plueret, à Sole ungedum cum is calidus è nudo corpore faniem eliceret adipemque. Hanc in cruce putrefactionem intellexit Theodorus Cyrenæus, cum Tyranno minanti eam respondit: *Suâ nihil interesse, humi, an sublimi putresceret.* Neque aliam Artemidorus, cum malum diuitibus ominatur à somniatâ cruce: τὰς ψυχὰς ἀπολύουσιν ὅτι σαυρωθέντες: *Carnes enim amittunt qui in cruce fixi.* Ita inquam, amittunt, siue tempore & defluxu: siue & lanienâ volucrum ferarumque, de quâ dixi.*

Lib. III.  
Apud Cic. & Valer.

Et Artemidorus.

Lib. I.  
cap. LVIII.

## C A P. XVI.

*Custodia & miles ad Crucem, ne quis detraheret.*

Raro ablati è cruce.

**I**TAQUE hoc fine asseruati in Cruce, & deponi rarum omnino fuit. Nisi quod Philo tamen notat, *receptum moribus fuisse in Natali Imperatoris, aut simili die festo quosdam è crucibus deponi, & permitti ad sepulturam: at Flaccum contra, novos etiam tum ips affixisse.* Ne quis autem deponeret, miles & custodia assedit. Petronius: *Miles cruces asseruabat, ne quis corpora ad sepulturam detraheret.* Plutarchus in Cleomene: Ολίγαις δὲ ὑπερβν ἡμέραις ὅτι τὸ σῶμα ἔκλειοιτο ἀνεσαυρωμένων φυλάττοντες, εἶδον διμεγέθη δράκοντα τῇ κεφαλῇ περιπελεγμένον, καὶ ἀποκρύπτοντα τὸ πρὸς ὄψον, ὥστε μὴ εὖ ὄρεσεν

Contra Flacc.

Custodes inibi.

In Satyr.



ὀρεον ἐφίπλιας σαρχοφάγον: *Paucis pòst diebus, ij qui Cleomenis cruci affixum corpus custodiebant, viderunt magnum serpentem capiti eius circumplexum, & faciem velantem tegentemque, ne qua carniuora auis attingeret. Vbi vtrumque habes, & custodiri solitos mortuos; & aues faciem in primis inuolasse. Possis ad hanc Custodiam illud Euangelistæ referre: Εχετε κρυψιδίαν, ἀπ' ἀγερτε: Habetis custodiam, abite. Quæ Pilati vox fuit ad Iudæos petentes asseruari monumentum. Videtur autem intelligere custodiam, quæ paullo antè ad crucem. nisi quis malit, Habet custodiam; quasi ab imperante, & indignanter dante. Vox enim Græca in vtrumuis valet.*

Matth.  
xxvii.

*Ambiguus  
intellectus  
in Euan-  
glistâ.*



## I. L I P S I

## D E C R V C E

## L I B E R I I I.

## CAP. I.

*Transitio ad Rarum figendi Modum. Furca diuisa, & hic de Ignominiosâ dictum.*



*Quid Rarus  
modus.*

*Is diuisus.*

*Furca duplex.*

*Iterum  
duplex.*

AVNDE, quæ ad *Vulgarem* cruci-  
figendi modum, diximus: *Rarus*  
superest, quem ipsum pari curâ  
imus expunctum. Eum suprà de-  
scripsimus (& vox præfert) *seposi-*  
*tum, & minus in assiduo vsu.* Sepositum æuo, Inu-  
sitatum vel *Schemate* vel *Fine.* De his tribus or-  
dine & partitè dicam (iuuat in his talibus) & in  
lucem fortasse protraham, quæ vsque adhuc pa-  
rum claro oculo conspecta. Æuo seposita *Fur-*  
*ca* est: olim quidem in creberrimo vsu, sed quæ  
paulatim desijt atque aboleuit. Mentio crebra  
non in historijs solùm, sed *Comoedijs* priscis:  
mentio tamen magis, quàm explicatio. ego hîc  
faciam, & pro copiâ ingenij dabo in splendorem.  
Ut possim, duplicem illam facio, *Veterem &*  
*Nouam.* Priorem, quæ priscis Romanis (non  
enim apud alias gentes legi) vsitata: atque hanc  
iterum duplicem. *Ignominiosam & Pœnalem.* Illa  
est,



Lib. x.  
Orig.

est, quâ collo impositâ serui circumduci solent ob culpam aliquam, ostentui & ad irrisum. Isidorus: Furcifer dicebatur olim, qui ob leue delictum cogeatur à dominis, ignominia magis quàm supplicij causâ, furcam circa urbem ferre, pradicans peccatum suum, & monens ceteros ne quid simile peccarent. Plutarchus in Coriolano, Humanè habitos seruos à pri-scis dominis notat, & addit: ὡς ἡ μεγάλη κόλασις οἰκέτεσσι πλημμελήσαντες, εἰ ξύλον ἀμάξης ᾧ τὸν ῥύμον ὑπερείδουσιν ἀράμην, διεξέλθοι παρὰ τὴν γεινίαν. ὁ γὰρ τοῦτο πατρὶων καὶ ὀφθαίς, ἐκέτι πίστιν εἶχεν, ἐκαλεῖτο δὲ Φερκίφες: *Erat autem magna castigatio serui delinquentis, si lignum currus, quo temonem sustentant, tollens & ferens exiret circa viciniam. Id enim passus, & sic conspectus, non ultra fidem habebat, & vocabatur Furcifer.* Talia idem in Quæstionibus Romanis Glossæ veteres: *Furcifer, σωροκόμισ, διανοφόρος. ὁ παῖοντες ἀντὶ ὑμωρίας διανονον ἐν τοῖς τερχήλοις ἔχοντες παειεκόμιζον, διὰ τὴν πολέως παειαγόμουντοι: qui patibulum fert, qui furcam. Qui peccauerant, pro pænâ furcam in collo habentes circuibant, per urbem undique ducti.* Atque hæc illa prima est, ab ipsâ re & fine ignominiosa à me dicta: quæ origo aut exemplar tamen Pænalis.

## CAP. II.

*De Furcâ Pænali, & casus sub eâ ad mortem.*

**E**A est, quâ item collo impositâ circumducti, sed cum verberibus & pænâ causâ. Atque adeò  
mors

mors plerumque huic consequa : siue sub ipsâ

*Sub furcâ  
cadi.*

Furcâ ad necem cæsis, siue cum eâ in crucem latis.

Seorsim vtrumque explicabo, & firmabo. Sub

*Ad mor-  
tem.*

eâ ad mortem cæsi: ex Suetonio, *qui pœnam more*

Neron.  
cap. XLIX.

*maiorum* interpretatur, *nudi hominis cervicem in-*

*seri furcâ, corpus virgis ad necem cadi.* Atque idem

etiam Victor: *Senatus sententiâ constitutum, ut,*

In Nero-  
ne.

*more maiorum, collo in furcam coniecto, virgis ad*

*necem caderetur.* Ac reperio exempla etiam in hi-

*\*Vide Fe-  
stum in  
Probrum.*

storiâ, etsi haud crebra. Liuius\* incestum cum

Vestale sic punitum ostendit: *L. Cantilius scriba*

Lib. XLIX.

*Pontificum, quos nunc minores Pontifices appellant,*

*qui cum Floroniâ stuprum fecerat, à Pontifice*

*Max. eoque virgis in Comitio cæsus, ut inter ver-*

*bera exspiraret.* Dionysius in culpâ simili, & de

Lib. I. X.  
Antiq.

ijs qui Vrbiniam stuprarant: τῶν ἡ διαπραξαμένων

τὴν ἀνοσίαν φθορὰν, ὃ μὲν ἕτερος ἐαυτὸν διεχειρίσατο,

τὸν δὲ ἕτερον ὁ τῶν ἱερῶν ἐπισκοποὶ συλλαβόντες, ἐν ἀγο-

ρᾷ μάστιγιναίικισάμενοι, καθάπερ ἀνδράποδον, ἀπέκλιναν:

*Ex ijs autem qui illicitam corruptionem patraue-*

*rant, alter seipsum interemit, alterum ij qui sacris*

*præerant (ij sunt Pontifices) comprehendentes, in*

*foro flagris secantes tanquam mancipium, intereme-*

*runt.* Nam etsi neuter furcæ hîc mentionem

faciat, tamen cum verberibus ad necem datos de-

narrent, probabile id ita ritu prisco factum: hoc

magis, quòd Dionysius quasi indicans addidit,

*καθάπερ ἀνδράποδον, servilem in modum.* Quòd au-

tem liberi etiam sub furcâ interdum cæsi, exem-

plum



Lib. xv.

plum in Epitomâ Liuij clarum, de C. Matieno: qui *accusatus apud Tribunos quòd exercitum in Hispaniâ deseruisset, damnatusque, sub furcâ diu virgis cæsus, & sestertio nummo varij.* Nam etsi ille non ad veram mortem cæsus, tamen ad ciuilem, & libertatem ciuitatemque pariter amisit. Atque ideò dixi *plerumque* mortem consequam: cum & in Plauto legam:

Non ad mortem.

Menæch.

*Et obeam rem in carcerem te desse compactum scio,  
Et postquâ es emissus, cæsum virgis sub furcâ scio.  
Quæ obijciuntur seni viuo etiam & videnti.*

## CAP. III.

*Ligatos ad Furcam in crucem solere tolli, Furcam,  
& patibulum videri eadē, aut haud longè distita.*

**S**ED cum Furcâ in crucem latos etiam dixi: quod rei nostræ facit: atque id tale fuit. Ligati ad Furcam, & sub eâ cæsi, per viam ducebantur; fixi deinde ad eam, tollebantur in crucem. Firmamus veterum scriptis. Arnobius: *Seruum pessimè meritum per Circi aream, mediam traduxisse cæsum virgis, & ex more, multasse post patibuli pœnâ.* Ita legimus, non pœnam. Et quod ait, *ex more*, huic rei seligimus: quasi receptum videlicet & tralaticium post cætionem hanc, suspendi. Nam etsi Arnobius non expressit sub Furcâ cæsum: tamen ita fuit, & in ipsâ hac narratiunculâ alij omnes consensu produnt. Liuius: *Seruum quidam paterfamilias nondum*

Cum Furcâ appensi.

Arnobius obiter cor-  
rectus.Lib. vii.  
adu. Gent.

Lib. ii.

*dum commisso spectaculo, sub Furcâ casum, medio egerat Circo. Cicero: Seruus per Circum, cum vir-*

De Diui-  
nat. I.

*gis caderetur, Furcam ferens ductus est. Valerius:*

Lib. I.  
cap. VII.

*Cum seruum suum verberibus multatum sub Fur-*

Lib. II.  
cap. VIII.

*câ, ad supplicium egisset. Denique Lactantius, qui & Patrisfamilix nomen expresseit: Antonius Maximus (potius Autronius, ex Macrobio) di-*

Furca &  
patibulū,  
eadem.

*uerberatum seruum sub Furcâ, medio Circo ad sup-*

*plicium egerat. Ergo sub Furcâ ad supplicium acti: sed nunquid in eâ appensi? Ita. quia hæc Furca non aliud quàm Patibulum fuit. Certa au-*

Lib. I.  
Saturn.  
cap. X.

*toritas Macrobij: qui de illo ipso facto. Autro-*

*nus, inquit, Maximus quidam seruum suum ver-*

Plautinis  
locis facta  
lux.

*beratum, patibuloque constrictum, per Circum egit. Quid hoc est, patibulo constrictum, nisi quod alij omnes Furcam dixerunt, & Liuius de Horatio, sub Furcâ vinctum? Nam ita res fuit. Alligari bra-*

*chia manusque ad hanc furcam solent: atque ita circumduci, mox in eâ attolli. In Plauto legis,*

*Dispersis manibus patibulum habere. item: ire pa-*

*tibulatum per vias. Et quod Nonius ex eo citat: In patibul-*

*Patibulum ferre per urbem, deinde affigi cruci. Nota verba & seriem: Ferre, deinde Affigi. Quæ ipsa in Licinij historici fragmēto apud eundem Non-*

*nium: Ad patibulos (ita mutato genere, pro pa-*

*tibula) deligantur, & circumferuntur, cruci defiguntur. Clarè omnia. Habes, vt in Macrobio, ligari constringique ad patibulum, habes, circumferre, habes defigi. Circumferre inquam. nam quod*

vulgò



vulgò est *circumferuntur*, vereor vt rectum sit. *Correctus  
Licinius  
Macer.*  
quia non profectò circumlati, sed ipsi pedibus  
suis ibant: nisi tamen capias quasi circumductos.

Sed ego malim, *circumferunt* reponi. vt sit ligatos ad patibula, ea ipsa circumtulisse. Ita Plautus: *Tu quidem hodie canem & furcam feras.* Nam ibi Furcam, quod patibulum aliàs dixit. sicut & hîc: *Cum furcâ in urbem, tanquam Carbonarium.*

Atqui docendum etiam est, inquires, in eâ appensos. Nónne res clamat? Si enim Furca idem quod patibulum: quid ambigas? Constat certè in patibulo suspensos. Sed firmo & testibus. Festus: *Furcilla siue furcilla, quibus homines suspendebant.* *In ipsâ  
furcâ appensi.*

Cedò, de quibus alijs hoc accipies? Plinius: *Supplicia annua canes pendunt, inter adem Iuuentutis & Summani, furcâ sambuceâ, arbore fixi.* Vix est vt aliter intelligas, quàm in furcâ ad arborem fixos.

At clarissimè iam Firmicus: *Seuerâ animaduertentis sententiâ patibulo suffixus, in crucem crudeliter erigetur.* En, primò patibulo suffigitur, deinde tollitur in crucem. Atque hinc illa phras

is, *Patibulo crucis affigi*: quia patibulum scilicet, hoc sensu, pars crucis. Distinguit & Tacitus: *Patibula, ignes, cruces.* & quod patens hæc transuersa que pars sic dicta, Seneca indicat: *Alij brachia patibulo explicuerunt.* sicut inferior defixusq; stipes, *Cruce* propriè dictus. *Patibulum  
propriè à  
Cruce di-  
uersum.*

Caſinâ.

Lib. vi.  
Mathes.  
cap. xxxi.

## CAP. II II.

*Qua forma Furca fuerit, obscurè traditum in veterum scriptis.*

Quid  
Furca  
quaestum.

Plutarchi  
designatio.

Dubitatu  
de Hesy-  
chij loco.

**S**ED qualis hæc suspensio, & quâ verâ germanaque facie ipsa Furca; vt ingenuè dicam, hæreo, & velut inter Solem & Orcum erro. Video, non video; probo, improbo; & planè quod Græci dicunt, τὸ γνῶμιν τελευτῶ. Suidas Furcam sic describit: Φέρκα ὡς ῥωμαίοις ξύλον δίδυμον: *Furca Romanis est lignum duplex siue geminum.* Plutarchus paullò magis videtur aperire: διπλὸν ξύλον, ὃ τοῖς ἀμάξαις ὑφίσταται: *duplex lignum quod curribus subiiciunt.* Tamen hoc ipsum satis ἡλικῶς & ἀορίτως. itaque distinctius alibi: ξύλον ἀμάξης ὃ τὸν ῥυμόν ὑπερείδουσι: *lignum currus, quo temonem sustentant.* Atque addit: ὃ γὰρ ἔλληες ὑποστάτω καὶ στήριγμα, τοῦτο ῥωμαίοις Φέρκαν ὀνομάζουσι: *quod enim Græci Hypostaten & Sterigma (suffulcimentum & sustentaculum) id Romani appellarunt Furcam.* Benè & clarè pro suis Græcis: nos an scitiores? In Hesychio hoc saltem reperio: στήριγας (idem quod στήριγμα) dici à quibusdam, τὸ διπρὲν ὅπερ ὑποιδέεται τῷ τῆς ἀμάξης ζυγῷ: *illud biceps aut furcatum, quod subiiciunt currus iugo.* Iuuat, an moratur? istud potius, quoniam Ζυγὸν scribit siue *Jugum*, quod Plutarchus *Temonem* & ῥυμόν. Vtri accedimus? Plutarcho magis, nec video quid Iugo fulciendo subieceris, quod dependet & fer-

In causis.

In Coriolano.

tur



tur collo boum. Ergo, me quidem arbitro, He- Fortassis  
emendan-  
dus.  
sychius, in vicinis oculis, sic corrigatur. Atque

Lib. VII.  
Antiq.

poenā describit serui illius Autronij Maximi (de  
quo pluscula suprā) hæc lego: Dionysij  
verba de  
Furcā. Ἀνὴρ Ῥωμαῖος οὐκ ἀ-  
φανὴς θεράπων τοῦ ἰδίου ἐπὶ πτωλείᾳ θανάτου πατρὸς τοῦ  
ὁμοδόχου ἀγειν, ἵνα δὴ περὶ φανὴς ἡ πτωλεία τοῦ ἀνδρὸς  
ποῦ ἦν, δι' ἀγορᾶς αὐτὴν μασιγέμενοι ἐκέλευσαν ἐλ-  
κειν, καὶ εἴς τι ἄλλος ὡς τὴ πόλεως ἔπος ἐπιφανὴς. ὃ  
ἀγοντες τὴν θεράποντα ἐπὶ τῷ πτωλείᾳ τὰς χεῖρας ἀ-  
ποταίναντες ἀμφοτέρωθεν, καὶ ξύλῳ προσδήσαντες περὶ τὰ  
σένα τε καὶ οὐδ' ὧμοις, ἕως μέλει τῶν καρπῶν διήκουσι, πα-  
ρηκολούθουν ξαίοντες μάστιγι γυμνὸν ὄντα: *Vir Romanus*  
*haud ignobilis, seruum suum ad mortis supplicium*  
*tradens conseruis aliis ducendum, ut conspicua &*  
*illustris poena hominis eius fieret, per forum verberib-*  
*us affectum trahere ipsos iussit, & si quis alius in*  
*urbe locus celebris. Qui autem ducebant eum ad poe-*  
*nam, manus eius ambas extendentes, & ad lignum*  
*alligantes, quod circa pectus et humeros ad manuum*  
*volam pertingeret, sequebantur flagris cadentes sic*  
*nudum. Iam Plautus imagine etiam videtur vo-*  
*luisse expressam:*

Plauti  
compara-  
tio.

Casina.

— ego remittam ad te virum  
*Cum furcā in urbem, tanquam carbonarium.*

## CAP. V.

*Ex ijs tres sententia eruta, & singula explicata.  
Tertiam πικρὺντάτω videri.*

*Opiniones  
tres de  
Furcâ.*

*Prima.*

**H**ÆC sunt quæ apud veteres quidem legem rei huic illustrandæ. Nos ex ijs sententias, an somnia nostra? proponemus: impetrabili tamen veniâ, sicubi in antiquitatis illis tenebris subsistemus, aut labemur. Sententias, dixi. nam tria sunt quæ ex descriptiunculis elicio iam dictis. Primùm, Furcam potuisse esse facie quâ nostrum hodie Patibulum: atque id ipsum reliquias & exemplar esse à poenâ priscâ. Ait Plutarchus, *curru aut temoni subiectum fuisse*. quid olim, nescio: tale aliquid in nostris curribus supra ipsum axem. Ait Dionysius, *per humeros, per pectus ijsse*: hoc in isto, si collo imponas. Obstat tamen huic, quod disertè aiunt ξύλον διπλὲν, διχρῆν, δίδυμον: *lignum duplex, biceps, geminum*. Nam certè hoc triplex lignum est: etsi ista quoque forma Furca olim dicta.

*Secunda.*

Sententia altera, Lignum fuisse geminum, quod à tergo per humeros, & antè per pectus, hominem medium includeret; atque ita rectum ad expansas vtrasque manus iret. Forma, quam Dionysius ingerere videtur & suadere. Quid tamen hîc simile Furcæ? quomodo in vtroq; isto ligno homo suspensus? Nam antè illud incommodauerit, imò ad guttur strangularit. Sed nec in curribus quid simile, scio. Sententia tertia. Fur-

*Tertia: at-  
que ea fir-  
mata.*

*III.  
De L. L.  
cam,*



cam, veram esse furcam: quam hodieque dicimus, & quam Varro indicat, vbi Vallum ἐπομολογῇ: quòd *singula ibi extrema bacilla furcillata figuram habeant litteræ v.* Pro hac sententiâ multa sunt. Primum quod *Furca* δικεγενος in bonis priscisque Glossis. item *Furcifer*, δικεγενοφόρος. Atqui δικεγένους Hesychius describit τὰς ἀπὸ μιᾶς δεξιᾶς ἑπὶ δύο ἐκινδύσας, οἷον δύο τέλη ἔχουσας: *eas quæ ab uno initio & capite in duo desinunt, tanquam duos fines habentes.* Est planè figura Varroniana, & litteræ iam dictæ. Quid, quod in curribus hodie, quâ Temo cum axe coit, Furca est sustentando illi aut fulciendo? Denique cum descriptione Dionysij mihi conuenire videtur examussim. Da Furcam istam paulatim diuariantem; ab humeris per pectus, & inde manus veniat; est illud ipsum lignum quod descripsit. Iam Plauti Carbonarium, quò nisi huc referas? Ecce qui lignarios fasces aut carbonum saccellos hodieque ferunt, furcam iungunt. cuius caput cum exstantiâ aliquâ bacillorum à tergo est; longiores duo fines diuersi pectus descendunt, & manu utrâque (quasi ad contranixum) sustentantur. Atqui, inquires, manus hîc non in alto expansæ. Fateor non in alto, Iniectio remota. expansæ tamen: & cum funibus traherentur, ligatis ad extremas manus, etiam protendebantur tollebanturque. Quin alius locus Plauti est, qui videatur ab hac modestâ expansione, si attendis. Nam in Milite, seruus quispiam in ostio stabat, mulier-

mulierculam redituram expectans, & nequa  
elaberetur. Adeum seruus alter:

*Credo ego istoc tibi exemplo eundum esse actus- Milite.  
tum extra portam,*

*Disperdis manibus, patibulum cum habebis.*

Benè est, inquit. forma & status in te, qui mox  
erit; cum herus alligatum te patibulo per urbem  
ducet. Atquin stetisse ego eum opinor, manibus  
ante se proiectis & leuiter diductis, habitu quo  
solent captantes & apprehensuri.





## CAP. VI.

*Ratio suspendendi per singulas illas formas exposita, atque etiam oculis proposita.*

**T**RES sententias super Furcæ formâ habes: tu elige: etsi nos ad vltimam vides proclinos. Quomodo autem nunc Suspendio? Pro formis distinguenda est. Si prima placet, res facilis. In primâ Furcâ appensio. in trunco absciso, in paxillo infixo, imò in fissurâ supernè factâ, potuit firmiter appendi. Imaginem (oculorum enim magis res quàm verborum est) infrâ habes. Si altera, tùm sic censeo, ductos In secundâ. quidem cum duplici ligno ad Crucem, sed non cum vtroque in eam actos. Quod ante pectus, depositum putem: manus fixas in altero, atque idipsum in trunco, paxillo, fissurâ (vt prius) firmatum. Imaginem vide. Nec absurda aut vero nimis extranea sententia est: cùm & Patibulum Patibulū vnus stipes etiam. reperiam singularem eiusmodi rectumque stiptem dictum. Nonius ex Titinio citat:

*In Patibulum.*

— si quisquam hodie\* præter hanc  
Posticum nostrum pepulerit, patibulo hoc  
Ei caput defringam.

\* Malim præter hac, v post hac, antehac.

Et interpretatur *Seram, quâ ostia occluduntur, quòd hac remotâ valuæ pateant.* Credo eum ex ipso argumento fabulæ sic proferre, & quòd Ianitor aliquis atque ostij custos hæc dicat. Certè quidem Sera est lignum transfuersum quod ostijs opponi solet, in postem vtrimq; immisum. Hodie quoq;

K vsus

vsus. Itaque Glossæ : *Sera, μοχλὸς ὑέας*. Et Poeta aliquis — *excute poste seram*. Atque ego amplius arbitror. etiamsi olim Furca aliâ facie fuerit: tamen commodi causâ, & quia pronior facilior-  
 que hæc appensio, successisse singulare hoc re-  
 ctumque lignum, & id tulisse in humeris, mani-  
 bus inibi reuinctis, in eoque mox figendis. At  
 si tertia sententia sedeat, duplex potuit fuisse sus-  
 pensio. Prior ista, quod hominem sic reuinctum  
 clavis in loco fixerint: tum Furcâ sublatum ap-  
 penderint funibus ijsipsis (siue & alijs, non refert)  
 quibus traxissent. Figuram infra vide. Posterior,  
 quod Furcam ipsam, sed inuersam, in trunco, aut  
 paxillo appenderint, facie quam hîc quoq; vides.

*Furca  
species.*

*In tertiâ  
appensio.*

Ouid. in  
Amor.





## CAP. VII.

*De Nouâ Furcâ, qua nostrum Patibulum. Tribonianum substituisse passim in Legum libris.*

**D**E veteri Furcâ sic censemus, cum lege respiciendi & resiliendi, si quis meliora. Mutare in his tabulis non mihi probum. *Noua* sequitur quam dixi, quia inferioris æui inuentum. Ea est *instrumentum è ligno triplici, formâ fusi veteris*, Quid noua Furcâ? cui appensos homines laqueo strangulamur. Hodie quoque vsum & speciem hanc habet in plerâque Europâ. Non & priscis cognita? non arbitramur. Poena quidem laquei Homero expressa, qui facit Laqueo an prisci necauerint? impudicas ancillas ab Vlyssæ sic puniri. atque idem infamem *οὐ μὴ καὶ θάρον θάνατον* (ita loquitur) *et impuram mortem ostendit*: vti & Plinius, qui *preposteram* dixit. quia *spiritus intercluditur, cui exitus quærebatur*. Sed à Græcis vsurpatam vix reperiās: nec à Romanis quidem in publico. etsi ij, in carcere, damnatis gulam \* laqueo frangebant. Credo cœpisse, cùm Crux desijt, & vicariam illi factam. Isidori quidem æuo nomen hoc & vsum habuit. *Patibulum vulgò*, inquit, *Furca* Quando id cœperit? *dicitur* (ita nunc quoque in Hispaniâ, vbi ille scripsit) *quasi ferens caput. Suspensum enim & strangulatum hæc exanimat*. In libris legum, quas Tribonianus atque eius adiuuæ collegerunt, satis frequens hoc nomen: &, vt opinor, significatione nouitiâ: quia sublato Crucis supplicio, quidni

Lib. v.  
Orig.

\*Cuiaciū,  
Fabrum,  
alios.

etiam Furca vetus? Itaque ipsos Iurisconsultos  
vsurpasse, non habet fidem apud \*iuris & moris  
antiqui peritos. qui verè notant, substitutum id  
pro Cruce: causâ apertâ & liquidâ, quia Con-  
stantinus lege latâ sustulerat Crucem. Ergo ipsi  
quoque, qui leges collectum ibant in æui illius  
& sequentis vsum. Exempla plura sunt, & notata  
alijs: quædam etiam vbi inconspectio .vt in isto  
Callistrati, de Pœnis: *Famosos latrones furcâ fi-* L. XXX.  
*gendos placuit.* Inconspectè, inquam, imò ineptè.

Quid? ad Furcam nouam homines figuntur? cer-  
tum est astringi. Sed fuerat *Cruci figendos*: moue-  
runt alterum, altero retento, quod non debebant.

Simile in Vlpiani de Pœnis: quod exscriptor  
etiam fortasse corripit. *Decuriones in metallum* L. IX.  
*dari non possunt, nec furcâ subijci.* *Cruci* in Vlpia-  
no fuerat: sed quis dixerit, *Cruci subijci*? Itaque

\*Vt in li-  
bris ali-  
quoties  
scriptum  
vidimus,  
causam  
corruptelæ.

\**subfigi*, vel *suffigi*, verum censeam, & eandem  
*ἀπερεβλεψίαν* hîc agnoscam.

## C A P. V I I I.

*De Raro modo in Schemate. & primum de Inuer-  
sâ suspensione.*

Varij fi-  
gendi  
modi.

**A**D FATIM de Furcâ, quæ inter Raros figen-  
di primus Modus fuit. Alter, qui *Schemate*  
à vulgari diuersus. Intellego, *cùm alio atque alio*  
*habitu hominem affigebant*. Id quoq; factitatum,  
vt ingeniosa crudelitas est in pœnas. Iosephus, vbi  
narrat Iudæos iussu Titi crucifixos: *Πεσοῖεν δὲ* Lib. v.  
Excid.  
cap. XXV: II



Ἐσφαλῶνται δὲ ὀρεγνῶντες αὐτοὺς αἰνῶντας, ἄλλον ἄλλῳ  
 χήματι, πρὸς χλευσῶν: *Affigebant milites, ab ira &*  
*odio, eos quos ceperant, alium alio schemate, ad lu-*  
*dibrium.* Hæc schemata varia fuere; quæ in le-  
 ctione vidi, tangam. Est illud, quod *Inuersum*

Consolat.  
 ad Mart.  
 cap. xx.

Lib. vii.  
 cap. vii.

dixeris, cùm hominem in caput suspendunt, pe-  
 dibus sublatis. Seneca: *Alij capite conuerso in ter-* *Inuerso*  
*ram suspendere.* Eusebius ostendit Martyribus in *capite.*

*Ægypto id factum: καὶ ἄλλοι πάλιν μὲν ἀναπολο-*  
*πιθόντες, ἢ μὲν καὶ τὸ ζυγέσθαι τοῖς κακέρχοις, ἢ καὶ*  
*χειρῶν ἀνάπαλιν κατακάρα προσηλωθέντες: Atque*  
*alijs iterum crucifixi. quidam more in maleficis rece-*  
*pto; quidam etiam deterius, inuersâ figurâ, & in*  
*caput pendentes.* Quod ipsum in D. Petro, sed eo  
 rogante, ne assimilaretur Magistro. Abdias: *Et*

Oration.  
 in Petr. &  
 Paul.

*accedens ad Crucem, rogauit ut inuersis vestigijs fi-*  
*geretur.* Chrysostomus: Χαίρεις Πέτρε, ὁ τοῦ ξύλου  
 τοῦ σαυροῦ ἀπολαύσας, καὶ καθ' ὁμοιότητι τοῦ διδασκάλου  
 σαυρωθῆναι & θελήσας ἐν ὁρθῇ χήματι, ἀλλὰ μᾶλλον  
 ἐπὶ κεφαλῇ, ὡς εἰς ἕρανὸν τὴν πορείαν ἐπὶ γῆς ποιέ-  
 μεν: *Gaudeas, ὁ Petre, crucis lignum degustans,*  
*& ad instar Magistri crucifigi recusans in recto*  
*Schemate, sed magis in caput obuersus, tanquam in*  
*caelum viam à terrâ faciens.* Et Petrum quidem  
 etiam clavis inibi fixum, idem Chrysostomus te-  
 statur: Ω δὲ λογημῶν ἡλοὶ, οἵτινες τὰ ἅγια ἐκείνα μέ-  
 λη διήλθον: *O benedicti Clauī, qui sacra illa mem-*  
*bra penetrarunt!* Sicut & Calliopius Martyr, *post*  
*t tormenta, verso in terram capite Cruci affixus est.*

Martyrol.  
 vii. April.

Affixus, non deuinctus. Tamen & funibus ad-  
 stricti . vt Symeon Metaphrastes de Philippo  
 Apostolo: *Flagris cadunt & verberant, deinde  
 cum funibus à talis vinxissent, sublimem suspen-  
 dunt precipitem.* In cruce enim aut stipite sic sus-  
 pensum accipio . Nec aliter Ammianum: *Dra-* Lib. xxix.  
*contius & Diodotus, iniectis per crura funibus, ex-  
 animati sunt.*





## CAP. IX.

*De obliquâ suspensione, de varicante, & inter arbores scissione.*

**R**EPERIO & obliquos super crucem crucisve positos: vt in Plutarchi Artaxerxe: Is narrat Parysatidem regis matrem infensam Eunucho cuipiam, arte redegisse in suam potestatem. tum iussisse ἐκδεῖραι ζώνῃα, & τὸ μὲν σῶμα πλάγιον διὰ τριῶν σωρῶν ἀναπνέου, τὸ δὲ δέρμα χεῖρὶ διαπαλαλεύσαι: *cutem vino detrahi, & corpus quidem obliquum iacensque tribus stipitibus siue crucibus infigi, pellem seorsim in palo poni.* Video & inter duos palos dispeffis manibus pedibusque alligatos, vt in Martyrologio, de Anastasiâ: *Manibus & pedibus extensis ligata est ad palos.* Video & inter arbores appensos, & reductis ijs, scissos. De Coronâ Martyre: *Ipsa inter arbores scissa, Victor autem decollatus est.* Quod ipsum Schema ad Cruces referendum Propertio facilè accredam, qui sic appellat: *Arboreaſque cruces Sinis, & non hospita Graijs Saxa, & curuatas in sua fata trabes.*

*Obliqua infixio.*

*Decussata.*

Martyrol.  
xiiii.  
Maij.

Epist.  
xiiii.

Senecam etiam huc traham, si fidem libris priſcis habeo, qui inter genera Crucium recenset, *distracta in diuersum actis cruribus membra.* Ita libri inquam, quos ego vidi. Est tamen vulgò *curribus*, bono & suo sensu. ad Metium enim respiciat: etsi vetus desitumque id supplicium, nec inter vsitata fortasse ibi referendum.

C A P.

## CAP. X.

*De Modo qui Fine diuersus . primùm de his qui in  
Cruce vstulati.*

*Fumo  
necati in  
cruce.*

**T**ERTIVS figendi modus Rarior, qui *Fine* diuertit à vulgato. Quem intellego, cùm *crucēs aliò spectant, & hominem capiunt moriturum in ipsis, non per ipsas.* In exemplis discēs. Tale, cùm appensi flamâ aut fumo necati. Olim factum, ex Cicerone discas: qui fratrem obiurgans, *Quid opus fuit, inquit, eiusmodi litteris, quas ad ipsum misisti? Illum crucem sibi constituere, ex quâ tu eum antè detraxisses. te curaturum fumo vt comburatur, totâ plaudente provinciâ.* Verba Quincti & minæ eò spectant, vt homo in cruce fixus vstuletur fumo. Alexander etiam Imp. quempiam qui

*Lib. 1. ad  
Q. Frat.  
epist. 11.*

*Lamprid.  
in Alex.*

*Aut flam-  
mâ.*

*in cruce, aggestis lignis, flamâ combustus est.* Nec aliter Polycarpus mortuus, antistes Smyrnæorum. Ipsi in epistolâ: *Μελλόντων ὃ αὐτὸν καὶ παροισλύν, εἶπον, Ἀφετε με ἔτιως. ὃ ᾧ διδῶς ὑπομῆναι τὸ πῦρ, δώσειτε χωρὶς τὸ ὑμετέρας ἐν τῶν ἡλὼν ἀσφαλείας ἀσχύλως ἐπιμῆναι τῇ πυρᾷ. Οἱ ὃ ἐκαθήλωσαν, παροσέδωσαν ὃ αὐτόν: Cùm pararent eum cruci suffigere, dixit,*

*Apud Eu-  
seb. li. iiii.  
cap. xv.*



dixit, Relinquit me sic. qui enim dedit expectare ignem, dabit & sine vestrâ clauorum firmitate, solutum manere in rogo. Illi autem non confixerunt eum, sed ligarunt. Quin vno etiam tempore plures, appensi pedibus in sublime (nota hîc & Schema inuersum) capite verso deorsum, suffocati fumo, & lento igne consumpti sunt. Non ergo iniuriâ Tertullianus scripsit: *Licet nunc Sarmentitios & Semaxios appelletis, quod ad stipitem dimi-*

*Tertullianus explicatus.*

*dij axis reuincti, sarmentorum ambitu exurimur.* significat enim adeò crebrum in maiores illos nostros & in religione, procures supplicium hoc fuisse, vt in illudium conuitiumque venerit, & Christiani vulgò *Semaxij*, à stipite cui astringebantur, & *Sarmentitij*, à sarmētis quibus vrebantur, sint dicti. Atque hoc est quod *Axem*, vocat alibi *incendio constrictum*, id



est, ad incendium iam cum homine ligatum.

*De his qui bestijs in Cruce obiecti.*

Bestijs ob-  
iecti in  
cruce.

**C**RUX & ista *Fine* alia, cùm homines in eâ fixos bestijs obijciebant. In publicis spectaculis id sæpe factum. Epistola Lugdunensium, de Blandinâ Martyre: Βλανδίνᾳ Πηξύλου κρεμαδεῖσα πρῆκειτο βορρᾷ τῶν εἰσβαλλομένων θηρίων . ἡ καὶ διὰ τοῦ βλέπεσθαι Σλαυροῦ χήματι, & διὰ τῶ ἐν τῷ περὶ σφυγμοσύνης πολλῶν περὶ θυμῶν τοῖς ἀγωνιζομένοις ἐνεποίει: *Blandina in ligno suspensa prostituta est esca & laniena incurrentium ferarum. Quæ & quòd in specie Crucis videbatur, & ob continuam orationem, multam alacritatem inijciebat certantibus.* Sed factum & nō Christianis. vt illi apud Martialem Laureolo:

Apud En-  
seb. Lib. v.  
cap. i.

Martialis  
explicatus.

*Qualiter in Scythicâ religatus rupe Prometheus* Lib. i.

*Afiduam nimio pectore pauit auem,*

*Nuda Calidonio sic pectora præbuit vrsō*

*Non falsâ pendens in cruce Laureolus.*

Nec satis capiunt, certè non reuelant, interpretes. Vult quempiam sustinuisse velut in fabulâ personam Laureoli: & cum is pro argumento crucifigendus esset, sed in speciem & moris causâ: rem ex fabulâ Titus fecit, & noxium quempiam ita fixit, & fixum bestijs etiam obiecit. Dico *ob-*  
*iecit.* atque ita propriè: aliud est, dare ad bestias. Vopiscus in Aureliano: *Sanè Mnestheus postea surrectus ad stipitem, bestiis obiectus est.* Surrectus, valet rectus ligatus. Hic est *stipes*, quem Ter-  
tullia-





Sueton.  
cap. XLIX.

In Nero-  
ne.

lianus appellat *Leoni* <sup>Tertullia-  
num.</sup> *concessum*. Ita lego,  
non *Leone*, libello De  
Pudicitia extremo.

Atq; ad hunc ipsum  
morem infamis & in-  
fanda illa turpitude  
Neronis : *quâ viros* <sup>Et Sueti-  
nium.</sup> *feminâsq; ad stipitem*  
*deligatos, ipse ferâ pel-*  
*le contectus, emissus è*  
*caueâ, medios inua-*  
*debat.* Xiphilinus è  
Dione : *Μαργάρια καὶ*  
*χόρας τανυγίς γυμνὰς*  
*παραδίδων, θηρίων τέτ-  
νος δορὸν ἀνελάμβανε, &*  
*παραπίπτων σφισὶν ἡσέλγαιεν, ὥσπερ τὶ ἐδίω.*

## C A P. XII.

### *De mortuorum in Cruce suspensione.*

**A**C postremò Crux *Fine* alia, cùm non viui  
sed mortui in eâ appensi. Notabis. & quod <sup>Mortui in  
Cruce  
diti.</sup> nobis solenne in rotâ exponere supplicio iam af-  
fectos, ad notam sceleris & infamiam, id olim in  
Cruce, & Orientalibus præsertim. De Romanis  
nondum lêgi. nisi quòd Cæsar *piratas*, à quibus  
*captus esset, cùm in deditiōem rede-  
gisset, quoniam*  
*suffixurum se cruci iurauerat, iugulari prius insit,*

Suet. cap.  
LXXIII.

Plerumq;  
post mutilationem.

atque ita suffigi. Sed id per clementiam, & vt subtraheret diuturnæ poenæ. Alij per sæuitiam & ad infamiam, vt dixi. Ita Carthaginenses in Hannone. qui captus virgisque casus, effosis oculis, & manibus cruribusque fractis, velut à singulis membris poena exigerentur, in conspectu populi occiditur: corpus verberibus lacerum in cruce figitur. Idem Parysatis in Eunuchis, de quo \* supra. Item Ptolomæus Ægypti rex, in Cleomene. qui etsi manu suâ animosè cecidisset, tamen *αγορεύει τὸ σώμα καὶ ἐμαρτύρει τὰ βυρσαντάς*: iussit corpus crucifigi, cum catem prius detraxissent. Vbi obseruo obiter, antiquum hunc morem excoriandi in supplicijs, Ægyptijs Persisque fuisse, quem & hodie Ægyptij tenent. nam grassatores sicariosque ita puniunt, diu viuos, donec ad vmbilicum carnifex perueniat: quod narrat Iohannes Leo, qui cum fide satis & iudicio res Africæ & Ægypti scripsit. Nec cadauer solùm, sed imagines sublatae in crucem. exemplo in Celso: cuius corpus à canibus consumptum est, & nouo iniuriæ genere imago in crucem sublata. Auctor Pollio in xxx. tyrannis.

Iustin.  
lib. xxx.

\* Cap. xx.  
huius libri.

Deglubere  
olim cre-  
brum O-  
rientalibus

### C A P. XIII.

*E quo ligno Crux fuerit? Item in Monte plerumque defixam, ipsam sæpe altiusculam.*

**P**EREGIMVS, de Formâ & Modo: duo velut succisiua & extra diuisionem relicta, nunc adiungo *Materiam & Locum*. E quâ materie Crux?



Cruce? ex obuio & prompto aliquo ligno. E quâ nostri Seruatoris? censemus è quercu. Primum quia viri fide digni asserunt, frustra sacratissimi huius ligni quæ hodie exstant, speciẽ hanc referre. Tum, quia crebra & frequens in Iudæâ olim & nunc quoque illa arbor. Tertiò, quia robustum lignum & fixationi laturæque aptum. Itaque Silius in eo etiam crucifigit.

*Cruce  
Christi è  
quercu.*

Lib. I.

*Quem postquam diro suspensum,\* robore vidit.  
Iterum.*

Ibidem.

*— Erecto suffixum robore mastis*

*Ostentabat ouans populus.*

Nam quòd superioris aliquot æui scriptores tria aut \* quatuor genera ligni in Cruce dominicâ agnoscunt, curiosè magis dictum arbitramur quàm verè. At quis *Locus* cruci? Incertus, & pro arbitrio: tamen plerumque conspectus aliquis, & iuxta vias. Exempla enim exempla esse definunt, nisi aliorum animum oculosque in se vertant. Quintilianus: *Quoties noxios crucifigimus, celeberrima eliguntur via, ubi plurimi intueri, plurimi commoueri hoc metu possint.* Ita Alexander Imp. Eunuchum in crucem tolli iussit per eam viam, quâ erat seruis suis ad suburbana Imperatoria iter frequentissimum. Quinetiam opida, certa loca habuisse videntur, huic rei adtributa. Sic Mamertini, more atque instituto, crucem fixerunt, in viâ Pompeiâ. Sic Romæ iuxta urbem Tacitus agnoscit *Locum* seruilibus pœnis sepositum: quod

\* possis ta-  
men pro  
quouis li-  
gno cape-  
re, more  
poetarum.

\* Cedrum,  
Palmam,  
Cupressum,  
Oliuam.  
Cruces  
ubi.

Declam.  
CCLXXV.

*Quoties noxios crucifigimus, celeberrima eliguntur via, ubi plurimi intueri, plurimi commoueri hoc metu possint.* Ita Alexander Imp. Eunuchum in crucem tolli iussit per eam viam, quâ erat seruis suis ad suburbana Imperatoria iter frequentissimum. Quinetiam opida, certa loca habuisse videntur, huic rei adtributa. Sic Mamertini, more atque instituto, crucem fixerunt, in viâ Pompeiâ. Sic Romæ iuxta urbem Tacitus agnoscit *Locum* seruilibus pœnis sepositum: quod

*Iuxta  
vias.*

Cic. v. in  
Vert.

Annal. xv.

*Mamertini, more atque instituto, crucem fixerunt, in viâ Pompeiâ. Sic Romæ iuxta urbem Tacitus agnoscit Locum seruilibus pœnis sepositum: quod*

In alto.

de Cruce & Crurifragio interpretamur. Hac ipsâ de causâ posita ea sæpe in monte. Vt Seruatoris nostri, in Caluariæ: vt Polycratis, *in excelsissimo Mycalensis montis vertice*. Quin ipsa sæpe alta, præsertim in noxio aliquo insigni. Irrisio Galbæ huc pertinuit. qui cuidam *imploranti leges & ciuem Rom. se testificanti, quasi solatio & honore aliquo pœnam leuaturus, mutari, multoque præter ceteras altiore, & dealbatam, statui crucem iussit*. Altiore, vt digniori; albatam, \* vt ciui, qui in veste albâ. Tale in Iustino, de Carthalone: quem pater, *cum ornatu suo, in altissimam crucem, in conspectu urbis suffigi iussit*. Et Pœni factitarunt in Regulo. Apud Silium:

Lib. vi.  
cap. vii.Sueton.  
cap. ix.

Lib. xviii.

\* Siue  
etiã, vt  
magis no-  
tabilis  
conspicuâ-  
que esset.

— vidi cum robore pendens

*Italiam cruce sublimis spectaret ab altâ.*

Ipsa cru-  
ces sæpe  
altæ.

Iam illa Amanis præalta: qui Mardochæo *crucem quinquaginta cubitorum* posuit, sed ipsi ascen- dendam. Sanè pleræque omnes altiusculæ. atque idèò communiter Tertullianus: *Timebit forsitan Caro gladium grauem, aut crucem excelsam*. Quam ipsam rationem Lactantius in Dominicâ assi- gnât. Nam quoniam, inquit, is qui patibulo sus- penditur, & conspicuus est omnibus, & ceteris al- tior: crux potius electa est, qua significaret illum tam conspicuum tamq̃, sublimem futurum, vt ad eum co- gnoscendum pariter & colendum cuncta nationes ex omni orbe concurrerent. O inopinatam, sed ve- ram dictionem! cui fides maximè nostro æuo fa-

In Esthere  
cap. vi.  
& vii.Ad Marr.  
cap. iiii.Lib. lxxi.  
cap. xxvi.

Cruz om-  
nia am-  
plexa.

cta:



Sta: cùm, virtute & gloriâ magnâ Hispanicæ gentis, Nouus etiam orbis vênit in Christianas leges.

## CAP. XIII.

*Crux sublata, atque etiam Crurifragium fortasse.*

*Quando id factum, quæsitum.*

NUNC pedem in vltimo velut spatio pono, quod est *Quatenus* Crux vsurpata. Postquam enim Vitam ipsam interfecit, non diu illi vita: & sustulit ex humanis, aut certè Romanis rebus, Constantinus. Serio iam ille Christianus, noluit salutare signum subseruire ad perniciem; & colendum illud atque eximium pœnis vilescere <sup>Constantinus crucem è supplicij stulis</sup>

In Constant.

re damnatorum. Ergo sustulit. Victor: *Vetus veterrimumque supplicium patibulorum, & cruribus*

Hist. Trip. I. cap. 12.

*suffringendis, primus remouit.* Cassiodorus: *Supplicium Crucis, quod primitus apud Romanos erat in vsu, lege prohibuit.* Atque efficaciter etiam sustulit: nec postea reperies reductam. Augustinus:

Quæst. in Vet. Test.

*Antea homines cruci figebantur, quod postea edicto prohibitum, manet.* Scholiastes Iuuenalis ad illud

— *Partemque cadaveris adfert*, notat: *Hominum. nam antiqui crucibus figebant.* Non ergo eius quo. atq; ex eo discas non nimis antiquum ipsum, etsi antiqua doctum. Quando autem sustulit?

*Tempus inuestigatum.*

serò, nec nisi sub imperij extrema. Colligo, quia illo iam imperante mentio etiam crucium: quid, quod apud ipsum? Lex in eius nomine exstat Theodosij Codice: quâ serui ac liberti, qui domi-

Lib. 12. Tit. 7.

nos

*nos aut patronos accusare aut deferre tentauerint, denegatâ audientia, patibulo adfiguntur. Iam Iulius Firmicus, qui eius regno scripsit, non semel Crucis meminit vt recepti supplicij atque vsitati. Suprà exempla reperies, atque adde istud de latronibus: Hi, inquit, in crucem tollentur, aut publicâ animaduersione damnati crudelissimâ nece peribunt. Atquin illa ipsa Firmicus scripsit, sub finem eius imperij, & liberis iam adultis. Disces ex fine libri primi. Ergo ferò, vt dixi, & sub vitæ finem.*

Lib. viii.  
cap. xx.

*Indicat clarè Sozomenus, qui inter omnes ab eo leges hanc recenset postremam. Αμέλει τοι αἰτέ-  
ρον, inquit, νομομισθίων ῥωμαίοις τὴν ἑσπερίαν νόμῳ ἀνείλετ' ἡρώσεως τῶν δικαστηρίων: Denique prius vsitatam Romanis crucis pœnam, lege sustulit*

Lib. i.  
cap. viii.

Appensa  
verba So-  
zomeni.

*ex usu tribunalium ac iudiciorum. Ait, δικαστηρίων: an hoc indicans, quod nondum sublata ex usu omni priuato? & quod dominis etiam in seruos vetus suum ius? cogitandum sit. Sicut & illud,*

An Crurifragium  
vnâ sub-  
latum.

*farisne Victor ex vero de Crurifragio pariter sublato scripserit, verbis quæ iamantè dedi. Ratio vix esse videtur. Quid enim Cruci aut Christo etiam cum Crurifragio? nisi quia latrones fortasse iuxta Christum. Ridiculum videatur. & si fuit; illud magis sit, quòd martyres multi eo tætro supplicio sint interfecti. Sed profectò sub Constantio eius filio vnum id reperio. Apollinares ambo, ait Ammianus, pater & filius, vt mandatum est, fractis cruribus occiduntur. Nam quod Firmicus*

Lib. xiiii.

Lib. viii.  
cap. vi.

etiam



etiam agnoscit, abijci elidique potest ratione quam præiui. Tamen eius verba hæc: *Hi tales aut in crucem tolluntur, aut illis crura publicâ iudicium animaduersione franguntur.* Vbi notabis, palàm, vt diuersum, à cruce seiungi: quod suprâ monui.

## CAP. XV.

*Honores quos Constantinus Cruci habitum iuit. Signis ea & vexillis imposita, aut inserta.*

**H**IC exitus Poenalis Crucis fuit: & iam à Constantini primordijs Salutaris nostra coepta honorari. Causa & origo à victoriâ contra Tyrannum. Nam cùm Maxentium aggressuruseffet, ἀγωνιῶντι διὰ ταῦτα, τύπος αὐτῶν σωεῖκος μέσσης ἡμέρας δι' ἀσέρων ἐφάνη κατ' ἔρανόν, καὶ γραφὴ πρὶ τὸν σωεῖν Ῥωμαῖκοῖς σοιχείοις, Εν τούτῳ νίκα. Εκ χειρὸς τοῦ σωεῖν αὐτὴν χελιδόνας σωεῖν καὶ τὸν φανέντα τύπον αὐτῶν, καὶ τοῦτον χελιδόνας τραπῆς αὐτῶν περιπορεύεας, τοῖς τοῦ Μαξεντίου συρρήγνυσι καὶ ὑπερερεῖ: *ambigenti & animo anxio ob ista, figura ei crucis mediâ die, stellis effecta, apparuit in calo, & scriptura circa eam Romanis litteris, In hoc vince. Igitur ex auro statim subitario opere efformans crucem, iuxta speciem qua apparuisset, & hanc iubens prægredi exercitum, cùm Maxentianis prælium commisit, & superauit.* Itaque statim victrix illud signum militaribus signis inseruit, & maximè Labaro quod inter ea primum. Prudentius ad ipsam Romam.

Zonar. in  
Constantino.

Honos  
primus  
Cruci.

In signis  
militari-  
bus.

Contra  
Symmach.

M

Aagno-

*Agnoscas Regina lubens mea signa necesse est,  
In quibus effigies crucis aut gemmata resulget,  
Aut longis solido ex auro præsertur in hastis.*

Dupliciter Poeta notat Crucem insitam signis, semel in vexillorum purpurâ, gemmis intextam & expressam: iterum in hastarum vertice superstantem, solido auro formatam. Sed, ut dixi, in Labaro maximè ea conspicua. de quo Prudentius:

Contra  
Symmach.

*Christus purpureum gemmanti textus in auro  
Signabat labarum.*

Duplex  
nota in  
Labaro.

Quomodo Christus? quia & nomen eius in ipso velo expressum, & crux nihilominus in hastâ.

Eusebius diffusè: Ὑψηλὸν δόρυ χρυσῷ κατημφισμένον, κέρας εἶχεν ἐγκαρσίον, σαυροῦ σχήματι πεποιημένον. αὐτὸ δὲ πρὸς ἄκρῳ τοῦ παντὸς, σέφαντο ἐκ λίθων πολυτελῶν καὶ χρυσοῦ συμπεπλεγμένῳ κατεσκήνωτο. κατὰ δὲ τὴν ζωοειδὴς ἐπιγραφῆς τὸ σύμβολον δύο στοιχεῖα, ἢ Χρυσὸν ὡς ἀσθληδύντα ὄνομα, διὰ τῶν πρῶτων ὑπεσήμενον χαρρακτῆρων, χαζομένῳ τῷ Ρ καὶ τῷ μεσαίῳ τῷ Χ: Sublimis hasta auro circumuestita cornu transversum habebat effectum in formâ crucis. Supra verò, in ipso culmine omnium, corona è lapidibus pretiosis & auro contexta infigebatur: iuxta quam salutaris appellationis symbolum, duæ litteræ Christi nomen exprimentes, per primos dumtaxat characteres, litterâ Græcicâ Ρ scilicet decussatâ & Χ scissâ per medium ipso Χ. Neque cruces modò signis inferi voluit; sed hoc amplius, solas: Ἐ τῶν χρυσῶν ἀγαλμάτων ὅποια πρὸς τὸν αὐτοῖς ἐστὶν ὡς, τὸ μνηστῆρ: Ὁ aurea-

Lib. i.  
cap. xxv.  
De vita  
Constant.

Euseb. De  
vitâ Const.  
lib. i. i. x.  
cap. xxi.

rum



*rum imaginum cuiusmodi antea solebant, nullas.*  
 Intellegit aureas imagines vultusque Imperato-  
 rum. Forma ecce in Nummis.



## CAP. XVI.

*Crux in militum armis: in Imperatorum capite & manibus: in monachorum veste: inferi eam præferunt. Et templa.*

**N**E c verò in Signis solùm Crux expressa, sed etiam ipsorum militum armis. Eusebius:

Ἡδη δὲ καὶ ἐπὶ αὐτῶν τῶν ὀπλῶν τὸ δὲ σωτηρίου τροπαῖς σύμ- Ibidem.  
 βολον κατασημαίνεας ἐποίει: *Jam verò in armis ipso-*  
*rum militum salutaris tropæi signum insit exstare.*

In Clypeis  
Christus.

Quibus armis? duplicibus, Clypeis & Galeis: sed  
 ita, vt Christi quidem ipsum nomen (litteris &  
 notis, quibus in Labaro) clypeis inscriberetur,  
 Galeis autem imponeretur supernè Crux ipsa.  
 Prudentius sic discriminat:

Crux in  
Galeis.

— *clypeorum insignia Christus*

Contra  
Symmach.

*Scripserat, ardebat summis crux addita cristis.*

Et meritò Christus in clypeis, eo ritu quo solent  
 nomina Imperatorum. Atque etiam hodie Con-  
 stantinopoli sunt columnæ, à Constantino, vt  
 putatur: in quarum basibus clypei cum his no-  
 tis A✠ω.

Crux in  
Diade-  
mate.

Sed & crucem in suum caput & ad Diadema  
 Imperator transtulit, hícne, an alius? In Hiero- Epist. ad  
 nymo quidem lego: *Regum purpuras & ardentis* Lætiam.  
*diadematum, gemmas patibuli Saluatoris pictura*  
*condecorat.* Et credo ab ipso esse Constantino: qui,

Et in effi-  
gie Impe-  
ratoris.

*& infigurationibus solidorum & in imaginibus pro-*  
*prijs signum crucis insit inscribi.* Id Sozomenus  
 quoque asserit: Πλατομυθῶ τὲ ἐν νομίσμασι καὶ εἰκόσι  
 γεαφομυθῶ ἐκέλευσεν αἰεὶ συλλέγεσθαι καὶ συντυπῆσθαι  
 τούτῳ τὸ θεῖον σύμβολον. καὶ μαρτυροῦσιν εἰς ἐπὶ νῦν εἰκόνες  
 αὐτῶν Ἰππὶ τούτῳ ἔσται δὲ χήματος: *Impresso autem sibi*  
*in nummis, aut picto in imaginibus, insit semper ad-*  
*primi & adpingi istud diuinum symbolum: & te-*  
*stantur etiam nunc imagines quæ in eo schemate ex-*  
*stant.*

Historia  
Tripart.  
lib. i.  
cap. ix.







Manu id  
tenet.

\* Etiam  
quorun-  
dam, qui  
nec Chri-  
stiani.  
Ocro no-  
tat in Gal-  
lieno, & Ro-  
mulo Au-  
gustis.

In globo  
fixa.

Eum Prin-  
ceps manu  
ferebat.

*stant*. Statuam etiā sibi erigi fecit Romæ in vrbe mediâ, quæ manu hoc salutare signum teneret, cum inscriptione quam apud Eusebium, qui vo-  
let, leget. Et exemplum secuti Imperatores alij, in quorum \* Nummis hodieque cruces variè vide-  
mus. Aliàs victoriæ sunt quæ manu eas leuent; aliàs ipsi, idque dupliciter. aut enim solam eam gestant, aut globulum cui ea infixæ. De globulo Suidas etiam tangit, & caussam aperuit, in Iustini-  
niano. Qui, inquit, ἔθηκε τὴν ἐαυτοῦ εἰκόνα Ἰππικίονος ἐφ' ἵππου. καὶ τῇ μὲν ἀριστερᾷ χειρὶ φέρει σφαῖραν, ἐμπε-  
πηγότῃ δ' εὐαγγέλιον ἐν αὐτῇ, ὑποσημαίνοντες ὡς διὰ τὸ εἶς τὸν εὐαγγέλιον πίστεως τὴν γῆν ἐγκρατὴς γέγονε. σφαῖρα μὲν γῆ ἢ γῆ, διὰ τὸ σφαιροειδὲς εἶναι αὐτῆς χήματος. πίστις δὲ ὁ εὐαγγέλιος, διὰ τὸν ἐν αὐτῇ σαρκὶ περσπληθέντα θεόν: Iu-  
stinianus *imaginem suam posuit super columnam in equo. Ea sinistra manu fert globum, cruce in eo in-*  
*fixa: significante quod per fidem in crucem, terra do-*  
*minus sit factus. Globus enim terra est, ob hanc eius*  
*rotundam formam: fides autem crux, ob Deum qui*  
*carne in eâ affixus.* Nectamen Iustinianus inuenti eius auctor: exstant Theodosij aliorumque nummi sic insigniti diu ante illum. Quin obseruo Princi-  
pes Byzantinos in progressibus publicis crucem hanc prætulisse suapte manu. Ioannes Curopa-  
lates: Ἀπὸ μὲν οὖν τῶν τοιούτων φορημάτων φορεῖ ὁ βασι-  
λεὺς οἷα ἀνὴρ βέλους, τὸν δὲ γε εὐαγγέλιον ἐν δεξιᾷ φέρει αἰεὶ:  
*E reliquis gestaminibus gestat Imperator quæ vo-*  
*luerit cunque: Crucem autem dexterâ semper gestat.*

Atque

De vitâ  
Const. I.  
ca. xxxiii.  
& alibi.

Lib. De  
Offic. Au-  
lar. Con-  
stant.



Atque infrà: Καὶ τῇ μὲν δεξιᾷ χεὶρ κατέχει τὸν σταυρὸν, ὡς Σιώνιδὲς ἐστὶ κραλεῖν τὸν βασιλέα ὅταν ᾖ τὸ σέμμα φορεῖ: *Et dextrâ quidem manu tenet crucem, sicut solenne est teneri ab Imperatore, quoties & Stemma fert, id est diadema.* Ab hoc ritu etiam nunc crucifer ille globus inter Sacri illius Imperij insignia: quod tu nunc RVDOLPHE CAESAR per tot inclytos maiores ad te missum tenes, tenebisq; diu (ita voueo) bono Christiani orbis.



## CAP. XVII.

*Laudatiuncula Crucis.*

**S**ED iam mihi salue

Ω ξύλον μακαρισόν, ἐν ᾧ θεὸς ἑξέτανύσθη.

*O lignum felix, in quo Deus ipse pependit.*

Quod

Quod his elogijs cum Damasceno lubens meri-  
tò afficio, Θυρεός καὶ ὄπλον καὶ τρέπαιον καὶ τὸ διαβό-

Lib. IIII.  
De Orig.  
Fide.

λος, σφραγίς, ἵνα μὴ θίγῃ ἡμῶν ὁ ὀλοτεθών, τῶν κειμέ-  
νων αἰάσεις, τῶν ἐσώτων σῆμα, αἰθενὴν βαρτηρία,  
ποιμαινομένων ῥαβδος, ἑπισρεφόντων χερσὶν ἡγία, πρε-  
κοπιόντων τελείωσις, ψυχῆς σωτηρία καὶ σώματος, πάντων  
τῶν κακῶν ὑποτρέπαιον, πόντων τῶν ἀγαθῶν πρὸς ἑαυτὸν,  
ἀμαρτίας αἰρέσεις, φυτὸν διασώσεως, ξύλον ζωῆς αἰώνιας.

*Clypeus est armatura, est tropaeum contra diabolum,  
signaculum, ne tangat nos eversor, iacentium erectio,  
stantium fulcrum, infirmorum scipio, pastorum vir-  
ga, reuertentium manu ductio, proficientium perfe-  
ctio, animæ conseruatio, et corporis, omnium ma-  
lorum auersio, omnium bonorum conciliatio, peccati  
perniciēs, stirps resurrectionis, lignum vitæ æterna.*

Da hanc nobis O AETERNE.

FINIS LIBRI III. DE CRUCE.



I V S T. L I P S I  
A D E O S D E M L I B R O S  
N O T A E.

A L L O C V T I O.



D TEXTVM etiam meum,  
Lector, visum fuit breui-  
ter hæc notare. Cur non  
in ipso? quia non pro om-  
nium gustu hæc talia, & ple-  
risque satis est capita rerum delibasse.  
Causa etiam, quia placuit quædam ex-  
plicatius aut firmitus iterare. Debui sa-  
nè, vt hoc æuum est: in quo calumniæ,  
vt ille inquit,

*Quasi herba irrigua, succrêrunt uberrimè.*  
In culpâ sumus, siue quid commisimus,  
siue etiam omisimus: & plerisque pul-  
chrum, non nisi τὰς ἀκάνθας τῶν βιβλίων ἐκλέ-  
γειν. Ego verò scio *neminem esse tam felicem,*  
*qui non subiectus sit errori, & hoc non dementis esse proprium, verum hominis.* Itaque ne  
nunc quidem cùm caueo, satis cauero:  
vtique in isto vario & diffuso scribendi  
N genere,

\*Spinas li-  
brorum  
eligere.

genere, in quo *alius alio plura inuenire potest, nemo omnia.* Quò magis mirū, quòdam nobis insultare: nec cogitare quàm multa ipsi fortasse non repperissent, si primi quæsisent. Non sum tam Lynceus, inquiunt, quàm mihi videor. Egone? testor te summe Deus, non videor: & si quid olim in calidà illà ætate calidius, abiit, & veris me pretijs nunc æstimo & pendo. Quò longius in hac vitæ viâ progredior, magis magisque aspicio circumfusam animo caliginem, corpori imbecillitatem. Heracleitus, opinor, olim dicere solitus, *Se cū iuuenis esset, nihil scire; cū senex, nihil ignorare:* mihi planissimè contrà euenit, & qui olim aliquid scire visus, nunc parum aut nihil. Et ô miseri, quid nos, doctrina, fama sumus? Ipsi puluis, illa opinio, ista ventus. Atqui etiam tangunt quasi manum iniecerimus scriptis alienis. Vellem parciùs: certè non merito meo fit, qui prolixè & libenter honorem ingenijs inuentoribusque habitum iui, nisi sicubi Dialogorum ratio & decorum id impediuit. Tale in Saturnalibus. neque negamus virum magnum multa ante nos



tè nos in eo argumento obseruitalle: sed scripta eius exstant, quid detraximus? Illud tamen non arbitror, ibi aut alibi insigniorem notam aut correctiunculam malâ fraude in nomen meum transcriptam. Tetigit aliquis hanc aut illam materiam? quid tum? ego fortassis impleui. Et ut ferò loquar, lectionis aut collectionis tota ista res est: cur alteri imputemus? Tot iam annos, imò lustra, in ijsdem illis scriptoribus versor, voluo reuoluo in easdem curas: malè mehercules de industriâ ingenioq; nostro sentit, quisquis aut non lecta ea nobis censet, aut neglecta. Ut è fonte quod haurimus, nostrum est, quisque tamen suo vase: sic quod è communibus illis scriptoribus, sed quisque pro iudicij sui modo. Denique legere aut colligere, parum est: seligere, disponere, eloqui, poscit laudem. Hæc & talia satiare nos scriptionis poterant: melior ratio reuocauit, & suasit publico prodesse quâ possum. Opes atque arma nostra, stilus. Quem tamen in alium nunquam stringam aut proferam: absit: Christianum me cōmemini, id est, Sacer-

Infocia-  
bile.

dotempacis. *Habet gloria*, ait Plinius, *præsertim in studijs, quiddam αἰκλιωνήριον*: Nolo in me expetat. & quodcumque moriar, feram mecum hanc conscientiam, nullius me famæ inuidisse, quosdam meæ. Quod si æuum hoc parum etiam gratum sit: quid noui? *Suum cuique prætium posteritas reppendet*. Tu Lector vale, & iuuantem, aut certè volentem, ama.





## NOTÆ AD LIB. I.

## CAP. II.



**G**ABALVM] Exoticam vocem esse per me suspi-  
cabar, didici & Hebræam origine à Matt. Anto-  
nio Delrio, doctissimo & amicissimo viro. nam il-  
lis *Gab*, excelsum: *Gabal*, terminus, aut rectus sti-  
pes in agris. Quid nisi tale crux, quæ erecta, & in  
excelsis? Reperio & in Persicarum vocum indice (à Franc. Ra-  
phelengio nostro habui) *Gali* notare excelsum. Iam nostras  
vox quantulum abit, qui Patibulum *Galgam* appellamus?

*Cruces Caucasorum.*] Potes pro ipsis supplicijs accipere, &  
cruciarîâ morte. Ausonius de hac quoque Promethæa:

*Sic inter rupes Scythicas stetit alitibus crux.*

*Vnde Promethæo de corpore sanguineus ros.*

Iunius Bassus apud Senecam lib. i. Controu. III. *Nihil amplius  
putabam adjici istius audaciæ posse, quàm quòd in illâ cruce Ve-  
stam nominauerat.* Nusquam sanè crux, sed virgo deiicienda  
de saxo erat, Vestam inuocauit, & cecidit illæsa.

## AD CAP. III.

*Confixum esse Christo dicit.*] Est illud Pauli ad Rom. cap. vi.  
Οτι ὁ παλαιὸς ἡμεῖς ἀντεροσυνεταυρώθη.

*Cruciarîus.*] Quo modo & *Verberonem*, *Flagrionem*, *Masti-  
giam* dicimus, verbere, flagro, mastige dignum. Tertullianus  
aliter hac voce vitur. *Febris per cruciarîos & mortiferos exitus  
erogat hominem*: id est, cruciantes. Quâ mente & *Vinum cru-  
cium* in Lucilio Festus obseruat, insuaue, acerbum.

## AD CAP. IIII.

Σταυρὸς & Στόλοψ.] Nec tamen nego pluribus etiam verbis  
in hanc rem vti. Ecce & *Ικεῖον* appellant crucem. Scriptor ano-  
nymus apud Suidam: *Ικεῖω Ἰουδαῖοι τὸ σταυρὸν προσήλωσαν: Ligno  
recto Iudæi Seruatorem affixerunt.* Sunt qui ita hoc verbi expli-  
cent & vertant in Thucydidis vitâ, quam scripsit Marcellinus:  
*Ικεῖον ἐπὶ τῷ τάφῳ κείῳ. τὸ κνωταφίς δὲ τὸ γνώρισμα εἶναι ἐπιχώ-  
ριον καὶ νόμιμον ἀττικὸν τῶν ἐπὶ ταύτῃ δυσυχίᾳ τετελευτηκότων, καὶ  
μὴ ἐν Ἀθήναις ταφέντων:* Ait quosdam opinari Thucydidem pere-  
grè & in exilio mortuum. *Lignum enim siue Tabulam super se-  
pulchrum eius positum esse. Hoc autem inanis & honorarij tumuli*

*patrium signum & solenne Atticum haberi, in ijs qui tali infortunio obysse, nec Athenis sepulti essent. Sunt, inquam, qui Crucem aut Furcam vertant, nec mihi probant. Magis est, ut Ικεῖον hîc lignum nauale sit (peregrinantis, aut absentiae indicium, quoniam mari ferè ex Atticâ abitur) de quo Hesychium vide. Ille idem Grammaticus addit: Ικεῖον, σανίδωμα, ἢ ξύλον ἐν ᾧ κακῆρ-  
χοι ξέονται. Melius δέονται. Id esset, lignum siue axis in quo malefici ligantur. Atque ita Eustathius in Iliad. x. Σανίς, ἐν ἣ τὰς κακῆρας ἔδδω: Affer, in quo maleficos ligabant. Item Aristophanes: Βασανίζων πάντα ξύπων, ἐν ᾧ πάντα δέηται: Omni modo torquens, in asserem ligans. Reperio & in Eusebio Ικεῖον pro cruce, & suprâ adduxi, lib. 11. cap. x i i. Σανίδα in hac re dixit Herodotus in extremâ Calliope: Απαχαζόντες δὲ αὐτὸν ἐς τὴν αὐτὴν σανίδα παρο-  
πασαλόντες ἀνενέμεσαν. Quod vertunt: Adductum hunc in litus depactis humi asseribus suspenderunt. Vide an non σανίσι legas potius, hoc nostro sensu: Abducentes eum ad litus, asseri affigentes suspenderunt. Esset affixio in stipite simplex.*

In versu  
174.

*Κρεμᾶν.] Ita palàm Plutarchus in Cæsare, de piratis: πολλὰς ἡπείλησε κρεμᾶν αὐτοῖς: Sape minatus crucifigere eos, ut Latini omnes loquuntur & narrant. Est & Antiochi regis edictum, quo philosophos regno pellit, & pœnam etiam affectantibus ponit istam: τῶν δὲ νεανίσκων ὅσοι ἀν ἀλισκόνται πρὸς τέτοις γινόμενοι, δύο κρεμάσονται, καὶ οἱ πατέρες αὐτῶν ἐν αἰτίαις ἔσονται μεγίσταις: Iuuenum verò quicumque reperientur apud istos, ἢ suspenderunt, & patres eorum herebunt in maximâ noxâ. Ita Athenæus recitat lib. xii. sed vtrum de hac nostrâ in cruce suspensione, an de aliâ in trabe accipimus? In trabe, inquam, ad verberandum flagellandumque. quem morem Græcis Latinisque fuisse, comœdiæ atque alia docent.*

*Aliorum inanes logos.] Ita verè, inanes. Nam Alcibiades quale est? Ait Histiaeum Milesium intellegi, quem Sardibus prepositum Artaphernes & Harpagus cruci fixerunt, capite desecto & ad regem misso. Ita Herodotus, inquit, libro sexto. Quod verum est: sed quid Histiaxo, cum Achæo? Respondet, ideo sic vocari à poetâ, quia Histiax Milesius fuit, Milesiæ coloni Ionum, Iones Achæi. Ergo à Patriâ, Achæus. Quis color in hoc sermone? Sed nec amicum nostrum audio sine auctore scribentem: Achæum intellegi Lydia regem, qui ob avaritiam necatus in Pactoli aquis pependit.*

#### AD CAP. V.

*Memorem Veneris Proserpina Adonim.] Aufonius fabellam aspicit, quæ est ista. Venus iam olim puerum hunc deamauerat, & vt*



& vt sola frueretur, clàm deposuerat apud Proserpinam. Sed hæc mox in eâdem flammâ: ac repetenti Veneri negat dare. Lis est, itur ad Iouem. Ille rem sic componit, vt Adonis, quod ad vsum, in tres anni partes secaretur. Primâ, vt Adonis Adonidis esset: secundâ, Veneris: tertiâ Proserpinæ. Acquisuerunt. sed enim Adonis pronior in Venerem, suum quoque trientem illi tribuit. Hæc Apollodorus lib. III. Bibliothecæ. Ergo istud est, quod Proserpina nunc cruce vindicat. Theocritus & ipse huc aspexit, Eidyll. XIII.

Ἐρπεις ὦ φίλ' Ἀδωνι, καὶ ἐνθάδε κ' εἰς Ἀχέροντα

Ἡμιθίων, ὡς παντὶ, μονώτατος.

*Migras, ô bone Adoni, istuc & ad infera regna,*

*Semideum, vt dicunt, solus.*

Nam vult non alteri concessum, vt modò ad inferos modò ad superos irer, & alternis copiam sui faceret duabus deabus.

*Arbores recisas leniter.*] Ad has, vel ad nudum alium stipitem, allusit Quintius in epigrammate quo poëtam Græculum facetè est vltus. Ille Philippum & Macedones insigni victoriâ fregerat, cuius laudem ad Aetolos transferre Alcæus quispiam voluit Græcâ leuitate. Scilicet quia in auxiliis Romanis fuerant Ætoli. Scripserat igitur:

Ἀκλαυσοὶ καὶ ἄθαρτοι, ὁδοίπορε, πρὸ δ' ὅπῃ τύμβῳ

Θεσσαλίας, τρισσαλκέμεθα μυριάδες,

Ἀιτωλῶν δ' μηθέντες ὑπὸ ἄρεος, ἠδ' ἑ Λατίνων,

Οὐδ' εἴ τις εὐρείης ἤγαγ' ἀπὸ Ἰταλίας:

*Indefleti, inhumati, his campis ecce iacemus*

*Thessalia, casi milliater decies,*

*Ætolo domiti sub Marte, & Marte Latino,*

*Quos Titus è latâ duxerat Italiâ.*

En Ætolos Romanis præpositos, & quasi hi accessio illorum. Mordit Titum, & vltus est, sed versus versu. Rescripsit alludens:

Ἀφλοῖος καὶ ἀφυλλος, ὁδοίπορε, πρὸ δ' ὅπῃ νῶτῳ

Ἀλκαίῳ στυγρὸς πηγνύται ἡλίβατος:

*Corticibusq; & fronde carens, hæc monte, viator,*

*Alceo crux de-figitur æria.*

Quibus versibus significat crucem defixam ibi stare, quæ hominem illum exspectet. Plutarchum in Quintio lege: & simul nota, altam hîc Crucem poni, quasi in scelere insigni, suo loco à nobis dictum.

*Isidem verò Cererem.*] Ipse Tertullianus hoc affirmat, de Coronâ militis: *Prima Isis repertas spicas capite circumtulit. nam quæ hæc Isis quæ spicas repperit, nisi Ceres?*

## AD CAP. VI.

*Nescio an Macenati descripta.*] Ambiguè profero, quia et si Macenatis verba nobis faciunt, vix tamen Senecæ, qui velut interpretans subdit: *Suffigas licet, & acutam sessuro* (ita legendum, non *sensuro*) *crucem subdas, est tanti vulnus suum premere & patibulo pendere districtum.* Atqui pendere, & patibulo quidem, vix est vt conueniat in nostram Acutam. Nisi si tamen patibulum etiam de vno ligno, in quo homo quomodocumque expansus: quod haud nimis velim sperni. Si displicet: alia interpretatio quærenda sit crucis hinc *acuta*. An idè talis, quia cum dolore acri necat? vt morbi quidam acuti medicis. Lentè probem: & mauelim opinari genus aliquod crucium triste, rarum, in quo stipes, cui homo acclinatur, stimulis clauisque acutis sit præfixus. vt cum acquiescere vellet (*sessuri* vox in Senecâ) pungeretur ac scinderetur in corpore auerso. Nihil super hoc legi, fateor: commentum est merum, nisi si quid iuuat illa Reguli machina, quæ sic armata, & in eam ipse inclusus. Quæ et si nostra crux non fuit (aumarium potius quoddam & arca) tamen & *crucem* Seneca appellauit epistolâ xcviij. itemque libro de prouidentia cap. iij. Certè quidem *Acuta* vocem in Macenatis versibus non sic leuiter & in ventum additam, ipse indicat Seneca, qui eam attollit ac repetit (tu vide) quasi in eâ sententiæ momentum.

*Iam olim sic legimus.*] Nempe in Curis secundis: idque è libris. tantum? imò antè me Pincianus, vir fidei & iudicij bonus. Mureretamen aliter: sed qui benè examinat, stabit à nostrâ. cuius sententia, *Hanc vitam mihi sustine & proroga, etiam sedenti in acutâ cruce.*

## AD CAP. VII.

*Ipsi uerterunt ἑύλον δίδυμον.*] Quod ipsum pro cruce posuit incertus scriptor apud Suidam: *Ευρών δ' ἐὶ ἰλλῆσον φθορέα, ἐκρέμασεν δ' πρὶ δίδυμῆς ξύλων:* Inueniens Illustum corruptorem suspendit in gemino ligno. Id est *cruce*: et si Suidas interpretatur, *τὴν παρὰ ρωμαιοῖς φέρκων.* Vide ipsum in voce *Δίδυμον*, & *Ἰλλῆσον*.

## AD CAP. VIII.

*Penula aut manui.*] In penulâ aut veste monachorum crux, imò & cruces, si rectè capio Nicephorum Gregoram, qui sic de Imp. Andronico monacho nouello: *Αὐτὸν μὲν ἐρυθρὸν παρ' ἄνθρωπον τὸν πρὸ θεῶν σαυρὲ τυπὸν, καὶ τοῦ δὲ μέλανα:* Supernè rubrum prætulit divina crucis signum, infernè nigrum. Duas diuersi coloris cruces appo-



appositas videtur dicere: nisi tamen vnam intellegit, sic distinctam. Quod manu autem tulerint, hodieque in Æthiopibus siue Abyssinis ille mos, vti vulgus reliquum cruces è collo pendulas gester, monachi hoc amplius etiam manu. Auctor Damianus à Goës in illorum rebus. Illud etiam mihi nouitium lêggi, miseros oppressosq; cruces prætulisse, haud aliter quam olim infulas & velamenta. Ligurinus lib. viii. de Italis hoc notat, qui ius auxiliumque poscebant ab Imp. Frederico:


— ex omnibus undique multi  
*Vrbibus ac vicis aderant, querulôque ferebant  
 Innumeras clamore cruces. hoc quippe querelas  
 More solent aperire suas.*

Cum anulo vel anfulâ.) Anfulam Becanus facit, & interpretatur (ita ingenium & scopus viri fuit) *μυστικός*, quasi moneamur apprehendere crucem, & eam tenere. Quid si oculum esse dicam? Iuuet aliquid Macrobius, qui inter notas Ægyptiacas refert, & significare ait Solem. Lib. i. Saturn. cap. xxi. *Osfirim Ægyptij ut Solem esse asserant, quoties Hieroglyphicis litteris suis exprimere volunt, insculpunt sceptrum, inq; eo speciem Oculi exprimunt, & hoc signo Osfirim monstrant: quia Solem, Iouis oculum, appellauit antiquitas.* Et sanè quia signum hoc Tau Vitam venturam designauit: nōne appositè Sol ascriptus, qui auctor vitæ?

#### AD CAP. X.

*Vnicornis enim cornua.*] Curiosè & pæne dixerim morosè explicat Iustinus. simplicius multo Tertullianus, aduers. Iud. cap. x. *Tauri decor eius, cornua vnicornis cornua eius, in eis nationes ventilabit pariter vsque ad summum terræ. Non utique Rhinoceros destinabatur vnicornis, nec Minotaurus bicornis: sed Christus in illo significabatur. cuius cornua essent crucis extima. Nam & in antennâ navis, quâ crucis pars est, hac extremitates huius cornua vocantur. Vnicornis autem medij stipitis palus.*

\* *Ἄλων ῥῆς καὶ ῥῆς ῥοπαίων.*] Mutilus locus. & aptant quidem hæc ad trophæa vulgaria, siue monumenta victoriæ: ego cum in verba intendo, ambigo: & nescio quid de fascibus potius subolet dictum. *Per illos* (ita verterim *δι' αὐτῶν*) *progressus in publicum sunt: illi verè signa imperij & potestatis.* Atque cum insertâ securi, crucem referunt planissimè. Nōne etiam Tropæa? inquires. Quis nescit? sed præiuit fortasse aliquid de Tropæis illis: hîc magis de fascibus (mihi quidem (dixisse videtur. Nec moueor quod *Τεμπάλων* voce vtatur: nōne & suprâ *Μαλὺν* in



navi sic vocavit? & Eusebius etiam Labarum illum militem. Possunt & verba alia excidisse. Nec pono tamen ista, sed propono.

Αὐτοκρατορεὺν ἀποθησιζόντων τὰς ἐμόνας.) Quæ illæ sunt? quis me docet? In Nummis, in statuis nihil tale video, nec usquam in cruce propositos Principes defunctos. Subdubitabam an ad aquilas respueretur, quæ volantium habitu, & in cælum tendentium passialis conspiciuntur in Nummis, & additum CONSECRACTIO. Scilicet quasi Iouis illa ales animam defuncti ferret in gremium Iouis. Certè quidem eam formâ crucis esse & Patres monent & res ipsa docet. Sed non placet. Hoc nunc magis, intellegere eum imagines defunctorum Principum, quæ ordine innexæ in militaribus signis. Nec enim viutorum solùm illuc effigies, sed magis mortuorum. De isto ipso ævo Constantini Eusebius, libro 11. De vitâ eius, cap. xv. Describit Licinij milites in pugnam, more veterum, id est, gentiliū exeuntes: οἱ δὲ, inquit, πολυπληθεῖα θεῶν παρρῆντες σὺν πολλῇ δυνάμει χειρὸς στρατοπικῆς ἐπέθεσαν, νέκρω ἐδωλὰ θανόντων ἐν ἀψύχοις ἀγᾶλμασι προσβλημένοι: *Hi quidem numero deorum freti cum multâ manu militari ingruerant, mortuorum imagines in signis inanimatis praferentes.* Et scripsi de hoc more ad Taciti Annales. Ergo hoc Iustinus improbat, Vos, inquit, cruces colitis, cùm Imperatorum & quidem Diuorum imagines proponitis in hastis & vexillis, quid nisi in crucibus? Nam ea illis figura. Respexi etiam aliquando ad Tertullianum, in Apologetico: *Quod non simulacrum prius argilla deformat, cruci & stipiti superposita?* Sed hoc diffusum nimis est, nec tangit Imperatores tantum.

#### AD CAP. XII

*Populariter & ad causam Cicero dixerit.]* Quod historicâ fide, non opinor. Plinius non ei fautor lib. xxxvi. cap. xv. *Nomen & inexcogitatum antea posteaq̃, remedium inuenit ille rex (Tarquinius Superbus) ut omnium ita defunctorum figeret crucibus corpora, spectanda ciuibus, simul & feris volucribusq̃, laceranda.* Nam liquet eum loqui de mortuis & iis qui se interficerent laborum tadio, quos ille crucifixit. At non id in viuis vsurpauit primus, ut ait, ultimusque.

*Arboribus suspendunt.]* Haud iniuriâ ambigo, ad vtram poenam referam, laquei, an Crucis. Nam nec verba alterutrum cuius-



euincunt, nec alia exempla. Lego in Martyrologio, die XIII. Martij. de duobus Monachis, quos Longobardi suspendio necauerunt in arbore. In ipsis Longobardorum legibus, Tit. c. XIII. Si seruus regis Morth fecerit, ita decreuimus ut componatur ipsa persona sicut adpreciatus fuerit: & seruus ipse super fossam mortui appendatur, & in eum vindicta detur, & sit causa finita. Plurimum (antiquorum quidem) nunc non memini: & hæc ipsa incerta, nec diiudicauerint litem.

## IVSTI LIPSI

## AD LIB. II. NOTÆ.

## CAP. II.



APVr obnubito] Quod plerisque puniendis factum, præsertim si gladio. Hegefippus lib. v. cap. XLVII. Dum percussor moratur, clausis iam fasciolâ oculis, sese proripuit ad Romanos. In vitâ Cypriani: Postea verò B. Cyprianus manû suâ oculos sibi textit. Sed & cum ducerentur ad carcerem, aut ad mortem, caput tegebatur. Tacitus IIII. Annal. Trahebatur damnatus, quantum obductâ veste & astrictis faucibus niti poterat, clamitans. Ammianus lib. XIIII. Carnifex rapinarum sequester, & obductio capitum, & bonorum ubique mulctatio. Imo & torquendis hoc factum. In Curtio lib. VI. de Philotâ: Dum obligantur oculi, dum vestis exiit, deos patrios, gentium iura inuocabat. Propriè autem de crucifigendis, vetus illud carmen quod iam explico: & in libro Esther, cum Aman ad crucem rapitur, Statim operuerunt faciem eius.

## AD CAP. III.

Ἀσπαραλωτὰς μάλιστα.] Addo, si nosse lubet, quasdam etiam dictas σπαραλωτὰς, istis haud absimiles, contortas scilicet & nodosas. Suidas: σπαραλιῶδες, διεσπαιμένον καὶ σπαραλωτὴ μάλιστα. Addit deinde verba incerti scriptoris: Ο δὲ ἐκέλευεν αὐτὸν μαστῖγᾶς τῇ σπαραλωτῇ μαστῖν.

## AD CAP. V.

*Quid opus erat auxiliatore & subsequi, qui adleuasset?]* Ita vulgata quidem opinio est, dumtaxat adleuasse. At D. Hieronymus in Mattheum censet etiam tulisse, sed seorsim & post Christum. Nam cum Ioannes apertè scribat Christum tulisse, alij tres Evangelistæ Simonem Cyrenæum : ipse conciliat, & hoc intelligendum est, inquit, quod egrediens de Prætorio Iesus ipse portauerit Crucem suam : postea obuium habuerint Simonem, cui portandam crucem imposuerunt.

## AD CAP. VII.

*Super lignum seipsum extendit.]* Quid si de transuersario tantum ligno capias, in eo figi solitos, & deinde subduci atque appendi? Pugna omnis cesset, & breuiter fortasse rem dixi.

## AD CAP. VIII.

*Clauis aut funibus]* Nescio an Lucanus non utrosque memoret in his occultioris sententiæ versibus, qui quoniam toti ad crucem, ponamus, & retegamus. Lib. vi. de magâ Thessalâ.

—— *Laqueum nodosque nocentes*

*Ore suorum, pendentia corpora carpsit,  
Abrahitq; cruces, percussaque viscera nimbus  
Vulsit, & incoctas admissa Sole medullas:  
Incertum manibus chalybem, nigramq; per artus  
Stillantis tibi saniem, virusq; coactum  
Sustulit, & neruo morsus retinente pependit.*

Quod ait *laqueum & nodos nocentes* : alij *nocentum* edunt : atque ita haud incommodè ad vincula aptes, quibus noxij. ad cruces astricti. Tamen in aliquot scriptis libris, *recentes*. & id. malim : credamq; ad suspendiosos dumtaxat referendum, & qui seipsum illaquearunt. Reliqua iam de Cruce : & *percussa viscera nimbus, & incoctas sole medullas*. signanter dixit de corporibus quæ (ut lib. i. l. cap. x v. scripsi) in crucibus relicta, situ marcida & tabida fiebant, quatenus volucres non laniarent. Iam *Incertum manibus chalybem*, clauos intelligi liquebit, si emendes *Insertum*. Nam hos quoque appetitos ad Magicas artes Apuleius ostendit, in describendâ ferali illâ officinâ, lib. i. l. i. *Hic nares & digiti, illic carnosæ clauipendentium*. Sed & ampliùs de his funibus addo. Videri, quorundam iudicio, necessarios fuisse in omni fixatione. Nam volunt manus ligatas, ne se subducerent ad idum aut commouerent. tum etiam ut firmiùs & cum adminiculo pendèrent.

deinde



deinde & alterum funem ad pectus, corpus ambiisse sub ipsa <sup>Aeschylus</sup> <sup>mag-</sup>  
 alas, eoque subleuatum hominem & attractum in summam cru- <sup>lis</sup>  
 cem. Id porro factum admotis vtriusque scalis. Eius sententiae <sup>lis</sup>  
 vir stirpe & moribus antiquis Ioannes Boissotus est, qui amicè hoc <sup>is</sup>  
 suggessit. Et sanè de scalis, apponere eas pænè necessarium vide- <sup>is</sup>  
 tur, vtiq; ad Erectam crucem. Quomodo aliàs subduxeris, aut <sup>is</sup>  
 fixeris? Etiam de funibus sunt quæ suadeant, præter antè dicta. <sup>is</sup>  
 vt Hilarius de Trinitate lib. x. *Penduli in cruce corporis pæna, &*  
*colligantium funium violenta vincula, & adactorum clauorum vul-*  
*nera.* Iungit simul & funes & clauos, vt Lucanus. Etiam illud  
 Christi vaticinium in Petri mortem, poscit funes. Ioannis cap.  
 xix. *Extendens manus tuas, & alius te cinget.* Cinctio ista vincu-  
 lorum in cruce est. Theophylactus: τὴν ἐπὶ τῇ σταυρῇ ἐκτασιν, τὸ  
 δεσμὰ ἰσλοῖ: *Extensionem in cruce & vincula notat.* Tertullianus  
 in Scorpiaco: *Tunc Petrus ab altero cingitur, cùm cruci adstringi-*  
*tur.* Atque ecce in tabula formam duplicem fixationis, pro dupli-  
 ci subductione.





*Tres repperit.*] An & duas latronum transtulit, non cultus sed memoriae causâ? Videtur ex Suida, si tamen ex meo nunc sensu corrigendus. In voce φόρος inquit: κατέθεν τῇ φόρῃ κρεσσόμενος ὑπὴρ χον δύο στρατηγοὶ τῶν δύο ληστῶν, καὶ βίβλον μύρεω ἡλείψας ὁ χριστός, καὶ πολλὰ ἔτετα σημειοφορικά, τεθέντα μὲν ὡς ἀντικεινὰ τῇ μεγάλῃ, ἀφανισθέντα δὲ ὑπὸ τῇ μεγάλῃ Θεοδοσίῃ: Nam puto legendum δύο σαυροί. Qui verò fuerint στρατηγοί, siue duces duorum latronum? nec id sit idonei vllius sensus. Vertam igitur: *Infra forum defossæ erant duæ cruces duorum latronum, & vasculum unguenti quo Christus unctus, & alia multa insignia, posita quidem a Constantino magno, sublata verò sub Theodosio magno.* Admonitus postea per litteras sum à Ioanne Liuvineio amico nostro, senò & sine ambitione docto, vitium esse ab imperitia transcriptorum. qui cùm in autographo repperissent σποῖ, quod compendiariâ illâ scripturâ σαυροί erat, fecerunt flagitiosè στρατηγοί.

AD CAP. IX.

Αμρῆτω γέ] Ita benè & doctè Franc. Nansius, cùm antea esset ὁμορῆτω. Et sanè clauisti grandes: atque ita ipse Nonnus idem-



idemtidem σιδήρεα χέντρα appellat, *Stimulos ferreos.*

*Contrà tendunt alij, & suggerunt quaternos.*] Atque ego, etsi negavi me decidere, promior sum in hanc partem. In templis Græciæ hodie intellego passim Christum cruci affixum, disparatis pedibus sic pingi. Vidimus id ipsi Venetijs in gentis eius templo, tum & alibi in antiquioribus picturis. Audio & Treuiris clauum qui asseruatur, disertè in memorijs antiquis scribi *clauum pedis dextri*. Addo autem, Constantinum Imperatorem quosdam ex his clauis (id quoque multitudinem suadet) inseruisse capiti statuæ quam suo nomine Constantinopoli posuit. Zonaras: Ο δὲ Δεῖότατος αυτοκράτωρ εἰς οἰκεῖον ὄνομα τὸ ἀγαλμα (τὸ ὑπὸ Λαωνος) ἔστησε, τῇ κεφαλῇ τετραπλάσιον ἢ ἡλῶν ἐναρμυσάμενος οἱ τὸ σάμα τὸ κυεῖα περὶ παττάλῳσαν τῷ σωτηρίῳ σωρῶν.

## A D C A P. X.

*Extensus ambas manus.*] Proprium hoc Crucis, extendi. Itaque Euangeliorum vetus Gothica translatio (auctor Antonius Morillonus) vertit identidem Crucifigere, *Wstraemen*, quasi dicas extendere, & quidem propriè de pannis, quos in palis vallisq; distendit fullo. Ea extensio ad manus maximè refertur. Artemidorus lib. I. cap. LXXVIII. Εἰ δὲ τις ὑψηλὸς ὅπινος ὀρχοῖτο, εἰς φόβον καὶ δέος πεισέται. κακῆργος δὲ αὖν, σωροθήσει, ὅτε τὸ ὕψος καὶ τὴν τῶν χειρῶν ἔκτασιν: *Si quis sublimis in loco quoriam saltet, in periculum & metum incidet. maleficus autem existens, crucifigetur, ob altitudinem & manuum extensionem.* Epictetus apud Arrianum, ab hac causâ comparat falsè eos qui in balneis se distendunt & lauandos fricandosq; præbent, cum crucifixis, lib. I. Dissertat. cap. XXVI. Ἰν ἐν τῷ βαλανείῳ ἐκδυσάμενος, καὶ ἐκτείνας σκαυτὸν, ὡς οἱ ἐσυνεργήσαντες, τελεῖ ἐνδεῖ καὶ ἐνθεῖ: *Ut in balneo exutus & teipsum distendens, ut solent crucifixi, fricèris hinc atque illinc.*

*Vestigium huius tabellæ. exstare audio.*] Imò & video: ac mi-



firad me Dionysius Villerius vir veteri doctrinæ & mihi valde amicus edityponummi Græcanici veteris, qui aureus asseruatur in monasterio Eactiensis in Hannoniâ, quem ecce habes.

Inscriptio in eo est: Κόσμος τὸ λυτὸν αἷμα τῷ θεῷ λόγῳ: *Mundi redemptio, sanguis diuini verbi.* Missus is nummus cum alijs sacris donarijs est ab Henrico Imperatore, tunc Constantinopoli, anno Christi. ∞. CC. VIII.

## AD CAP. XI.

Περαχθεῖς νόλλω τὴ ἀμφιθεατρῶν.] Id dicunt Circunduci; sicut Traduci, cum ostentui dumtaxat per ora populi ducebantur, & sæpe alibi puniendi. Suetonius in Tito, cap. VIII. *Hos (Delatores) nouissimè traductos per amphitheatri arenam, partim subijci in seruos ac venire præcepit, partim in asperrimas insularum auehi.* Nescio an Martialis versus, qui iamdiu cubat in morbo, sic sanandus, lib. 1. de hisiphs Delatoribus & Titi factio:

*Turba gravis paci placidaq; inimica quieti,*

*Quæ semper miseras sollicitabat opes:*

*Traducta est titulis, nec cepit arena nocentes,*

*Et delator habet quod dabat exsilium.*

Titulis enim vult traductos Delatores. quomodo? nonne omnium vnus est communis? non hîc: quia additum, quos & quàm illustres quisque detulisset. Exempli causâ: *Hic est Titius qui Camerinum detulit. Hic, qui Lateranum, & talia.* In libris legitur: *Traducta est gatulis*, in alijs, *Tradita Gatulis*: & emendarunt, *Traducta est Gyaris*, quod ego & ratio facilè refellant.

Πίνακος αὐτὸν δεξιόπορος.] In tabellâ enim hæc talia scribi solent: sicut & Titulus Seruatoris. Cyprianus de montibus Sinâ & Syon: *Pontius Pilatus impulsâ mente à Deo accepit Tabulam, & titulum scripsit tribus linguis: & in capite ligni clauis tribus Tabulam cum nomine regis Iudaorum confixit.* Ex cuius verbis vides etiam Tabulam non super lignum (vt multi repræsentant & pingunt) sed in ipso supremo ligno clauis fixam.

*De quo more alijs.*] Inter eos P. Faber libris Semestrium; vbi & sparsim plura de Cruce, & quædam selecta atq; edecumata.

## AD CAP. XIII.

*Disparata hæc supplicia.*] Notauit & publicè ante nos monuit Cæsar Baronius, vir sacra profanaq; doctus, in Martyrologio. Sed cur frangebant ijs, quos statim mortuos vellent, crura? An non causâ in Plinio? Ille lib. x i. cap. x l v. notat in ijs vitalitatem esse: atque addit. *Namque in ipsâ genus vtriusque commisurâ, dextrâ lauâq;, à priore parte, gemina quadam buccarum inanitas inest: quâ perfostrâ, cœu iugulo, spiritus fugit.* Aliud autem est à fragio crurum, *Exsecare crura*: quod in Ammiani lib. x x i. leges, in oratione Iuliani: *Quisque agmini coherens incedat, sciens quod, si remanserit vsquam, exsectis cruribus relinquetur.* Hoc enim proinde est, quasi dixisset, neruis aut suffraginibus incis. Vetus scuitia, & Annibali vsurpata in Romanos. Ennius: *His pernas succidit iniqua potentia Pœni.* Potentia Pœni, more



ni, more Græco, est Pœnus. Liuius de ea ipsa re, in clade Cannensi: *Quosdam iacentes viuos succisis feminibus poplitibusque inuentos fuisse.* nempe ne attollerent se, & vt desolati morerentur. Vsurpatum est Tyrannis in Christianos. Sozomenus lib. i. cap. x. de Paphnutio & Maximo: quos, inquit, Μαξιμῖνος ἐν τοῖς μεταλλοῖς ἐργάζεσθαι κατεδίκησε, τὰς δεξιὰς αὐτῶν ἐκκόψας ὀφθαλμοὺς, καὶ τὰς ἀριστερὰς ἀγκύλας ἀποτεμών. *Maximinus ad opus metalli condemnauit, dextros eorum oculos excutiens & sinistri pedis suffragines abscindens.* Eusebius ostendit aduri etiam solere, lib. v i i i. cap. x i i. vbi quorundam meminit τὰς λαῖκας πόδας καὶ τῶν ἀγκυλῶν καὶ τῆρσιν ἀχρεϊκμένων: *qui sinistris pedibus, circa poplites, ferro adustis, inutiles facti essent.*

*Liberi non immunes.* ] Lego in Eusebij lib. v i. cap. x i x. de Apollonio Martyre, cū is sub Commodō Principe delatus esset vt Christianus, accusatori, ex lege, crura fracta fuisse. Verba huic rei: ὅτι μὴ ζῆν ἐξόν ἦν, καὶ τὸν βασιλικὸν ὄρον, τὰς τῆς τοῦ δὲ μνηταῖς, αὐτὴ κατὰ γυναικὰ σκέλη: *quoniam viuere nefas, iuxta legem Principis, talium delatores, statim crura ei fracta sunt.* Sed cuius Principis hæc lex tam commoda in Christianos? Non opinor ipsius Commodi. Nunquid M. Aurelij? de quo Tertullianus Apolog. cap. v. *Qui sicut palam ab eiusmodi hominibus (Christianis) pœnam dimouit; ita alio modo palam disperdit, adiectâ etiam accusatoribus damnatione, & quidem tetriore.* Et quod ait de damnatione tetriore, possis vel ad Crurifragium istud referre: vel ad Viuicomburium, quo affici accusatores Christianorum iubet eiusce Principis epistola apud Onufrium in Fastis expressa.

## AD CAP. xv.

*A Sole ac pluuiâ corrumpi.* ] Exemplum huic rei etiam in libris sacris, vt Reg. i i. cap. x x i. *Dedit eos (septem viros) in manus Gabaonitarum, qui crucifixerunt eos in monte coram Domino. Tollens autem Respha filia Aia cilicium substrauit sibi supra petram ab initio mœsus, donec stillaret aqua super eos de calo, & non dimisit aues lacerare eos per diem, neque bestias per noctem.* Hoc de pluuiâ: de sole, in Artemidoro lib. v. Εδοξε τῆς λαμπρόδατος διὰ τῆς ἐξίας μὴ διώσας ἀνάψαι, καὶ διὰ τῆς ἐναντίας ἀνάψαι ἐσταυρώσθαι. καὶ καὶ τὸν τὸ ἑόπον τῆς ἐναντίας πῦρ ἐθάλπειτο: *Visus aliquis faces è foco non posse accendere, & à calo eas accendit. crucifixus est. atque hoc modo igne cœlesti concalescens.*

## IVSTI LIPSII

## AD LIB. III. NOTÆ.

## CAP. II.



**V**ERBERATVM patibulôque constrictum. ] An ergo huc referas Dionis etiam illud lib. x l i x. de Antonij sœuitiâ in Iudææ regem Antigonom ? τὸν δὲ Αντίγονον, inquit, ἐμαρτίωσα σταυρῶ προσδήσας (ὁ μὴ εἰς ἄλλος βασιλεὺς ὑπὸ τῶν Ῥωμαίων ἐπεπόνθη) καὶ μετὰ τὸτο καὶ ἀτίσφαξεν: *Antigonum flagellavit cruci siue furca alligans (quod nemo alius rex à Romanis unquam passus erat) ac postea interfecit.* Verba ita præferre videntur: nec abhorreat ab Antonij impotentia, ut serviiliter sœviret etiam in regem. Tamen verius puto ut capias veritasque *Palum*. Ut palo, inquam alligatus fuerit, solenni Romanis more, & tum securi percussus. Quod ipsum huic Antigono factum, etsi Dio non expressit, notavit Strabo, citante Iosepho (nam hodie non exstat) lib. x v i. Antiq. cap. i. Αντώνιος Αντίγονον ἢ Ἰουδαῖον ἄχθέντα εἰς Ἀρνόχραν παλεκίλει, καὶ ἐδοξε μὲν ἕως τῶτος Ῥωμαίων βασιλέα παλεκίλει: *Antonius Antigonom Iudæum Antiochiam perductum securi percussit. & visus est primus Romanorum securi subiecisse regem.* Idem Plutarchus, in Antonio.

*Furcilla, quibus homines suspendebant.* ] Nec negaverim tamen, etiam ita accipi posse, quasi his furcillis sublatum erectumque ipsum patibulum, postquam homo in eo affixus. Non enim dicit *in quibus*, sed *quibus suspendebant*. Certum enim est siue funibus subduci in stantem crucem debuisse, siue furcis. nisi quis ad motas arbitretur & scalas. Αεπολογήματα hæc videantur, sed necessaria rei capiendæ.

*Patens hac tranversa que pars sic dicta.* ] Strictè & propriè inquam. Aliàs quis nescit totam crucem sæpe venire in hoc nomen? Sallustius utro modo acceperit haud dixerim, in loco vitiato. Fragmentum est apud Nonium, è i v. Histor. *In quis notissimus quisque aut malo dependens verberabatur, aut immutilato corpore improbi patibulo eminens affigebatur.* Lego *mutilato corpore*: quia mos ille frequens Orientalibus, ut priusquam crucifigerent admutilarent, aut etiam per tormenta necarent. Exempla habes in hoc libro, cap. x i i. & alibi. At illud *improbi*, quî reformandum ignoro. Tentavi olim *in proris*. An & *imprope*? quod sic compositum pro simplici, ut *inante* & talia, apud Ter-

cullia-



tullianum reperies Exhortat. ad Castitat. cap. x. An etiam *improbè* ? ut sit corpus fuisse *improbè* mutilatum ? Credo enim hæc narraſſe de ſæuitiâ Mithridatis in Cyzicenos, quos terrâ mari-  
que obſedit.

## AD CAP. V.

*Facie quâ noſtrum hodie patibulum.*] Quæ ſententia fuit Antonij Morilloni, viri ſummi futuri ſi diutius vixiſſet. Argumenta habebat: (vidi & legi in epiſtolâ eius ad Lindanum, quam heredes adſervant) quodd id referret formam Iugi: ferre autem iugum, ignominia & quaſi comminatio huiuſce mortis. itaque illinc petenda forma. Amplius, Liuius ait lib. i. Romanos *ſpectaſſe furcis duodenos à terrâ ſpectacula alta ſuſtinentibus pedes*: eas furcas proclinantia vtrimque ligna fuiſſe cum tertio tranſuerſario ſuperne immiſſo, quod genus *Capreolos* Latini vocant, & nos hodie *Schragas*: ergo hanc eſſe faciem Furcæ. Tertiò Hebræos hodieque ſuum Tau ſic pingere: cum eo autem comparari paſſim: tale igitur eſſe. Credo etiam addere (non firmiter nunc commemini, ſed addi poteſt) Auſonium cum Φ. litterâ Græcâ Crucem comparare: at ea quoque iſtuc abit. Sed hæc ſententia, etſi arguta, proba mihi non eſt ob multas cauſſas, atque hanc vnicam firmiſſimam, quod reſellunt ſpectationes & monumenta omnia antiqua, omnia inquam conſenſu. Quid Chriſtianis nobis fiet, ſi ipſa imago crucis aliter vbique non pingendâ ſolùm, ſed manibus cottidie deformanda? At enim iugum tale olim, Ita, ſed quid ad rem? militaris ſaltē ignominia illa fuit: & liberorum ea hominum, non ſervorum, ut latura furcæ. De Liuiio, nihil impedit Furcas noſtro vulgarique more intellegi, quibus ligna tranſuerſa iniecta, & ſuper ea aſſeres, ad ſpectandum inſiſtendumque. Fit & hodie, & olim primas domos ſic erectas ex Poſidonij ſententiâ puto Senecam alibi tradere, & uti pariter voce *furca*. De Hebræis, verum eſt, ſed hodiernis. Priſcas eorum litteras alias & diuerſiformes fuiſſe, periti eius lingue atque ipſe Hieronymus tradiderunt. Iam de Auſonij verſu, iſ talis:

*Et crucis effigie Palamedica porrigitur Φ.*

Lectionem non muto, etſi alij libri proferunt *grux*: nec id male. Sed eſt *crucis*: veriſſimum eſt in noſtrâ etiam formâ. quomodo? in cruce inquam veſtitâ, & in quâ homo appenſus. Vide faciem & pendula à ligno brachia, eſt hæc ipſa litteræ forma. Sed enim cum multa de Furcâ, & variè dubieque dixerim, hoc etiâ lubet. Quid ſi ipſa crux noſtra vulgaris, vetus furca ſit? Plutarchus cum *temonis* aut \* iugi ſuſtētraculo confert: certè in an-

\* Facit hæc quod ſuprà in Minutij verbis: Cū erigitur iugum, crucis ſignum eſt.



tiquis curribus tale re-  
perio, qui sunt in Co-  
lumnâ Traiani aut An-  
tonini. Vide imagines.  
Dixeris hoc non falsò  
iugum sustinere aut suf-  
ferre, quâ collo supero  
bouv impositum est, &  
iugû illi adnexum. Sed  
& ipsum temoné: (nam  
lectio Græca variat, vt  
dixi) hoc ipso, quòd ita  
in collo firmum, temo-  
nem attollit & prohi-  
bet à casu aut delapsu.  
An & ad Dionysij de-  
scriptionem aptari po-  
test? potest dupliciter.  
Siue vt à pectore stipes  
longior & ipse temo

propendat: siue potius vt à tergo, quod res magis poscit. In  
figuris vide & cogita.



Subij-





Subiicio & formam crucifixionis quam imaginabatur & delineabat Morillonus.

#### AD CAP. VII.

*Impudicas ancillas sic puniri.] Et est sanè ignaua mors, & Faminea etiam Panegyristæ dicta. Alteri manibus satellitum Britannorum guladomi fracta, & inusta feminea mortis infamia, ut scilicet maluisse vir ferri amantissimus videretur laqueo perire quàm gladio. Victor postremam appellauit, vilissimam quæ in Maximiano: Pænas mortis genere postremo, fractus laqueo ceruicibus, luit.*

*Patibulum vulgò Furca dicitur.] Quo ipso sensu in-*

*feriores Græci dixerunt Φελεύζω in furcam agere, asperiore illâ litterâ mutatâ. Cedrenus in Iustiniano Rinotmetâ: Εν τῷ τείχει τῶν Φελεύσεων. quod vertendum est, In muro omnes de furcâ suspendit. Docet Zonaras qui in eaisplâ re: Εν ξύλοις παρὰ τοῖς τείχεσιν ἀπηνόρτισε: In lignis apud muros suspendit. Credo autem hanc Furcam primò non nisi dimidiatum Patibulum fuisse, id est, facie adhuc aliquâ Furcæ: paullatim, & quo plures appendi possent, immutasse.*

#### AD CAP. IX.

*Iniectis per crura funibus.] An magis placet hic sensus, Funes ipsos per crura eorum traiectos & transmisos? Tale in Curtio lego Alexandrum v'surpasse in Batin quendam, lib. IIII. Per talos spirantis lora traiecta sunt, religatùmque ad currum traxère circa urbem equi. Id factum à rege exemplo Achillis, qui Hectorem sic cœdauit, ut Curtius inibi notat. Sed tamè Ammianus Iniectos ait, non Traiectos: nec id supplicij credam vulgò vsitatum.*

#### AD CAP. X.

*Moriturum in ipsis, non per ipsas.] Præter exempla quæ de-*

di hoc rarum videatur in Philippo, de quo Eusebius in Chronico, anno xii. Claudij: *Philippus Apostolus Christi apud Hierapolim Asia ciuitatem, dum Euangelium populo nunciaret, cruci affixus, lapidibus opprimitur. Quasi in ipsâ cruce lapidibus obrutus esset. Atque hoc quidem in vulgatis libris, in veteri & probo meo manuscripto vestigium non est horum verborum.*

## AD CAP. XIII.

*Viri fide digni asserunt.* ] Inter eos eximius Theologus Alfonso Ciacco, qui de signis Crucis nunc nuper accuratè scripsit.

*Iam illa Amanis praelia.* ] De quâ accipienda quæ in Codice Iustinianæo leguntur, De Iudæis & cælic. vbi scribuntur *Iudæi quodam festiuitatis suæ sollempni, Aman ad pænâ quondam recordationem incendere, & sanctæ crucis adsimilatam speciem in contemptum Christianæ fidei exurere, atque id facere deinceps vetantur. Totidem pænè verbis in Cod. Theod. lib. xvi. tit. viii. Ex quibus vides Iudæos Amanis inimici sui mortem annuâ memoriâ repræsentasse, & in cruce suspensum cum eâ ipsâ combussisse: specie Amanem, re & mente Seruatorem & nostram crucem. Ided meritissimò interdicti.*

*Novus etiâ orbis.* ] In quo sanè hoc mirum, cruces repertas fuisse plurifariam in templis atque in sepulchris. De Indiâ Occiduâ loquor. Quâ origine aut fine? nescimus, nisi si iam tunc prouidus ille Deus extare voluit omen & signum dominaturæ illic crucis.

## AD CAP. XIII.

*Edicto prohibitum manet.* ] Atqui in Panegyricâ oratione, sanè diserrâ, quæ Theodosio dicta, mentio etiam crucis quasi licitæ & manentis. *Et post hanc tu vocem, non illum in crucem tolli, non culleo insui, non discerpi in frusta iussisti.* Et fieri sanè potest ut apud gentiles, & Christo aduersos, supplicium etiam manserit. sicut de Slaus in Helmoldi Chronico scriptum lib. i. *In illis diebus Slaus quendam Danum suffixerunt cruci: In ignominiam scilicet diuinæ crucis.*

## AD CAP. XV.

*In hoc vince.* ] Nummis hoc pluribus expressum cernitur, atque etiam quibusdam vberius, *In hoc signo vince.* Sanè Christiani libenter appellarunt *Signum dei*, aut *Christi*, ipsam crucem, quasi Imperatoris illius tesseram aut vexillum. Iustinianæo Codice veratur, *signum saluatoris Christi humi vel in silice insculpi.* Quid, quod Græci interpretes sic legem Scauolæ accipiunt,



piunt, xx xv i i. De aur. arg. mund. ? *Fieri volo inbeoque signum dei ex libris centum.* Accipiunt inquam, & reddunt *Crucem.* An verè ? minimè. Scimus *signum dei* statuam esse apud Scæuolam siue Solis, siue indigenæ cuiuspiam & familiaris dei. Sed pietas, nō error, Græcos eò traxit. Monuit super hac interpretatiunculâ Petrus Oranus, iuris & litterarum consultus, & germanum in modum mihi amicus.

Εκ χρυσῆ χειράσας σαιρὸν. ] Quem suo æuo extitisse in Palatio Socrates asseuerat, Eccl. Hist. lib. i. cap. i. Τὰ τῶ περιθις τῷ χρυσῶ, κατισκαύζει μὲν τὸ σαιρειδὲς ἑόπαιον, ὃ μέχρι νῦν ἐν τοῖς βασιλεῖσι φυλάττεται : *Huic oraculo fidem habens, conficit simile illud cruci tropæum, quod usque nunc in regiâ seruatur.* Idem Cedrenus: τότε σαιρὸν χρυσῆν χειράσας, ὃς ἐστὶ μέγας καὶ νῦν: *Tunc crucem auream efformans qua etiam nunc exstat.* Non opinor tamen hanc esse, de quâ Suidas: σαιρὸς ὅτι τὸ βόρειον τῆ φόρᾳ μέγας ἵστατο, ὡς εἶδεν αὐτὸν Κωνσταντῖνος, χρυσέμπλαστος ἐν τοῖς ἀκρογιαλοῖς τρογγύλοις μέλοισι, ἐνθα καὶ αὐτὸς καὶ οἱ υἱοὶ αὐτῆς καθιερῶντο χρυσέμβαφοι: *Cruce ad partem Borealem fori stabat, ut vidit eam Constantinus, auro illita in extremis rotundis pomis, ubi & ipse & filij eius conspiciebantur aurati.*

— *gemmanti textus in auro Signabat labarum.* ] Dixi ipsi velo nomen intextum : & poëta hîc apertè. Tamen ex descriptione Eusebij, videbis & suprâ velum sæpe ex auro statui : & exempla in nummis vtriusque posituræ dedi. illius tamen magis crebra. Ipsa Labari vox qualis ? vereor ut peregrina, certè nouitia, & sub Traiani aut illud æuum nata. Vetustior Tertulliano, qui hodie extant, non commemorat. Gregorius Nazianzenus, doctus & fortis Orator, ait Καμάτων λυτήριον εἶναι, καὶ κατὰ ῥωμαίους ὀνομάζεσθαι : *Laborum leuamen pausamque esse, & à Romanis sic appellari.* Igitur à labore deriuauit, eò procliuius, quia ipsi Græci λάβωρον scribebant. Sed nostri poëtæ nōne corripiunt ? Quomodo etiam pausam laboris, non aliâ additione, vox ea significet ? Nec scio an non mos militiæ repugnet, quia certè sublato signo illo Imperatorio & conspecto, miles ad laborem ipsum & expeditionem, siue prælium etiam, vocabatur. Ita si lubet illinc ducere, magis sit, quòd eo viso miles laborem quoque videbat, & id acclamabat, *Labor, labor* : atque hinc nomen.

*Due littera Christi nomen exprimentes.* ] Ita est, & conspicuæ sunt in Nummis. Ipsum etiam Chi solitarium, signabat Christum. In Antiochenorum dictariis recenset Iulianus, Misopogone : Τὸ Χι, φασὶν, εἶδέν ἡδίκησε τὴν πόλιν, εἶδ' ἐτὸ Καππα. & addit: ἡμεῖς δ' ἐπὶ δαχνημένᾳρχας ὀνομάτων εἶναι τὰ γράμματα, δηλῶν δ' ἐπὶ λέων τὸ

Orat. iiii.  
in Iulian.

λεν τὸ μὲν Χρῖσδν , τὸ δὲ Κονσάντινον : *Chi* , *inquiunt* , & *Kappa* nihil iniuria intulerunt ciuitati. Nos autem didicimus initia nominum esse has litteras, & significare velle illud quidem Christum, hoc Constantinum. Ita Iulianus, qui has ipsas litteras è Labaro postea conatus remouere. Frustrà , & vicit nomen quod aternum viuit & vincet.

## AD CAP. XVII.

Ω ξύλον μακαρίσδν.] Verè , quia nos per illud μακάριες. Atque ita προσκυνητὸν καὶ τίμιον , adorandum & venerabile , Imperator appellat nouellâ quintâ. Eaquæ causâ vetitum in lapidibus sculpti , quæ in solo. Lex exstat in Codice Iustiniano: & apud Paulum Diaconum sic Tiberius: *Crucem domini quâ frontem nostram & pectora munire debemus , eam sub pedibus conculcamus?* Tale & Synodus habita in Trullo , can. LXXIII. Quamquam autem è pauimentis templorum remota, non etiam è tectis. Fulsit iam olim ibi, clarum certumque symbolum Christiani cultus. Nicephorus Gregoras lib. IX. in descriptione tempestatis quæ Constantinopoli: Τηνικαὺτὸ μὲν τοι πικρῶτασι καὶ πολλοὶ πᾶσι δὲ τῆς νεωὲς ἰδρυμένων ἐκ σιδήρεα σταυρῶν , ἐπενεγκεῖν ἐδυνάμενοι τὴν τῶ πνεύματος εἰαν: *Tunc cecidere multa crucium, quæ templis imponi è ferro solent, sufferre non valentes vim venti.*

## FINIS.

## APPROBATIO.

Hos I. Lipsij, Academia Louaniensis Professoris clarissimi, de Crucis supplicio conscriptos tres libros vnâ cum Notis additis testor nihil sacra ac orthodoxa fidei repugnans aut ab ea dissentiens continere, insuper & varia eruditione refertos ac pralo dignissimos esse censeo. Louanij 12. Calendas Decembres 1592.

Henricus Cuyckius D. Petri  
Louanij Decanus, Academiæ  
Cancellarius, & Pontificius ac  
Regius librorum Censor.



MAXAEMYLIANI  
DE VRIENDT,

SENATVIGANDAVENSI

A SECRETIS, AD IVSTI

Lipsi de Crucelibros,

Epigramma.

**S**Upplicij feralis genus, trabs hospita leti,  
Cruce olim, & dirus fontibus horror erat.  
Tormentum inuisum, durum, execrabile lignum,  
Quo gravius nullum terranouerca dabat.  
At postquam sata patre Deo, sata Virgine proles  
Diluit in celsa crimina nostra cruce:  
Victima pro seruis dominus, pro fontibus insons,  
Pro laesis medicus, pro grege pastor amans;  
Ilicet ex illo, Cruce lux, mors vita, trophaeum  
Furca, decus probrum, poena medela fuit.  
Hospite pressa Deo tanti Cruce numinis, olim  
Cruce scelerum Nemesis, nunc scelerum vna salus.  
Hoc olim tam grande decus, tam nobile pignus  
Terra diu ceco texit auara sinu:  
Dum veluti postliminio tandem extulit illam,  
Et luci lucem \* Caesar habere dedit.  
Fallor? an & IVSTVS ceu Caesaris amulus, atra  
Nocte laborantem tollit ad astra Crucem?  
O factum iuste: sic rident lumina iustis,  
Inuidia iniustis lumina fracta dolent.

\* Constantinus.

Anumam rex Delius indit.

# P R I V I L E G I U M C Æ S A R E V M.

**R** V D O L P H V S S E C V N D V S diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tyrolis, &c. Nostro & Sacri Imperij fidei dilecto I V S T O L I P S I O gratiam nostram Cæsaream. Postquam inter alia, quæ D E V S immortalis hominibus liberali manu dedit donâ, illustria inprimis illa & quasi diuina sunt, quæ in literis liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, vt tanquam Dij quidam splendescere in terris videantur: rem sanè præclaram sequet dignam illi præstant, qui diligenter iis ipsis in literis ac disciplinis operam ponunt, præclarissimam verò & Reipub. vtilissimam, qui eas ita excolunt, vt aliorum menti docendo, scribendo lumina præferant, eosque ex ignorantiae tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessuque sumus, inprimis pertinere existimamus. Cùm itaque ab iis, quorum nobis spectata fides, qui que iudicare de Literis possint, acceperimus, insignes te animi ingenique tui dotes tibi à natura insitas à primis temporibus ætatis tuæ ita literarum ac disciplinarum studiis excoluisse atque exornasse, vt olim iuuenilibus adhuc annis præclara florentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituisi, dum vetusta Latine antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitari, peruenisse, eamque variis abs te libris sacri & graui cum iudicio scriptis atque in lucem editis ostendisse, vt in eo quod tam feliciter tractes scriptionis genere paucos tibi pares hodie reperire sit: iam verò matura te ætate virum, viro magis magisque digna & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verferis, flores colligere, concinnare, quibus Lectores mirificè recrees, & eorum pectus ad prudentiam, probitatemque informes: haud quaquam prætermittere volumus, quin Reipub. ad quam hæc abs te ornamenta conferuntur, causa, Cæsareo te nostro elogi decorandum, & quamuis per te satis ipse animatus sis, animandum magis patrociniòque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, acceperimus, Diplomate hoc nostro priuilegioque te & Typographum tuum aduersus quorumcunque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, veramisque, ne quis Typographorum, Bibliopolarum, aut aliorum, qui librariam negotiationem exercent, eos libros, quos tu editurus es, quocunque modo, caractere, aut

forma,



forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumque ac Dominiorum nostrorum hæreditariorum fines triginta annis proximis à primo editionis die computandis, absque tuo tuorumue hæredum consensu au-  
deat: Hac autem lege addita, vti tria vt minimùm cuiusque libri exempla-  
ria, quemadmodum moris est, ad Imperialem nostram Cancellariam mit-  
tantur. Si quis verò edictum hoc nostrum transgredi, violare, aut contem-  
nere deprehensus fuerit, eum non solùm eiusmodi libris, tibi, hæredibusue  
tuis, auxilio Magistratus, vbicunque reperti fuerint, vendicandis, priuari,  
sed triginta etiam Marcharum auri puri mulcta, cuius semissis quidem Fi-  
fci nostri Procuratori, fraudis vindici: alter verò semissis, tibi hæredibusue  
tuis pendatur, puniri volumus. Mandantes vniuersis & singulis nostris &  
sacri Romani Imperij subditis & fidelibus dilectis, tam Ecclesiasticis quàm  
Politiciis, cuiuscumque status, gradus aut ordinis. extiterint, præsertim ve-  
rò iis, qui in Magistratu constituti, vel suo vel superiorum suorum loco aut  
nomine, ius dicunt, iustitiàmue exercent, ne quemquam hoc Priuilegium  
nostrum impunè violare, spernere aut negligere patiantur: Sed, si quos  
contumaces compererint, constituta à nobis mulcta, eos puniri & quibus-  
cunque modis coerceri curent, ni & ipsimet grauissimam nostram in se con-  
uertere indignationem velint. Id quod hoc Diplomate, manu nostra sub-  
scripto, & Cæsarei nostri sigilli impressione munito, confirmamus. Datum  
in arce nostra Regia Pragæ, die prima mensis Augusti. Anno Domini  
Millesimo, Quingentesimo Nonagesimo secundo. Regnorum nostro-  
rum Romani decimo septimo, Hungarici vigesimo, & Bohemici itidem  
decimo septimo.

*Subsign.*

RVDOLPHVS.

Iacobus Curtius à Senfftenaw.

*Ad mandatum sacre Cæsareæ M<sup>is</sup> proprium.*

Io. Baruitius.

*Additum sigillum Cæs. M<sup>is</sup> in cerâ rubrâ.*

**T**ibi IOANNES MORETE, pro amicitia qua mihi cum Plantino (heu,  
quondam meo) & Plantinianis est ac fuit, tibi, inquam, permitto, vti hos li-  
bros DE CRUCE & in eos NOTAS typis tuis excudas ac diuulges. Nequis alibi  
alius prater te, cupio siue iubeo, ex lege quam magnus Cæsar dixit.

Iustus Lipsius.

S V M M A   P R I V I L E G I I   R E G I I .

**R**EGIAE Maiestatis Priuilegio cautum est , Ne  
quis *Iusti Lipsi de Cruce Libros tres vnà cùm Notis*,  
citra voluntatem Ioannis Moreti Typographi Antuer-  
piensis , intra octennium vlllo modo imprimat , vel ali-  
bi impressos importet , distrahat , venalésue habeat per  
omnes eius ditionis fines ; qui secus faxit , confiscatione  
librorum , & graui pœna mulctabitur : vt latiùs patet in  
litteris datis Bruxellæ, x x I I I . Iunij, M. D. X C I I .

Signat.

*I. de Buschere.*

*Et*

*S. de Grimaldi.*



## Errata sic corrigantur.

Pag. 18. lin. 8. παρὰ τοὺς γυμνα.	Corr. παρὰ τοὺς γυμν.
23. lin. 22. omisit. An de.	corr. omisit, an.
lin. 25. sublatum. Εἰς δόρυ.	tolle punctum.
25. lin. 12. in marg. Lib. II.	adde, Val. lib. 11.
26. lin. 16. Romano, sensu.	tolle commation.
37. lin. 16. multimodus.	corr. multitudine.
lin. ult. lorum, flagellum.	fac. loreum flagel.
38. lin. 19. ἀντιποδῶντοι.	scrib. ἀντιποδῶντοι.
41. lin. penult. Inuenticula.	fac. Inuentipuncula.
59. lin. 10. Et sapius: Modus.	corr. Et sapius. verba quæ sequuntur, mea sunt.
63. lin. 17. Romanis Glossa.	corr. Romanis.
70. lin. 3. πιδανωτάτην.	corr. πιδανωτάτ.
85. lin. 12. populus.	corr. populis.
88. lin. 27. vnum.	corr. viuum.
96. lin. 4. Εαπτηρία.	leg. βαπτ.
lin. 5. παβδος.	leg. παβδος.


ANTVERPIÆ,  
EX OFFICINA PLANTINIANA,  
APVD VIDVAM, ET IOAN-  
NEM MORETVM,  
M. D. XCIIII.























SPECIAL

86-B

DC

24754

76

L761

1594

THE GETTY CENTER  
LIBRARY

